

Lucius
Lucius

Fructuarius. fruct. Pauli

Biblioteka
Ojców Kamedulów
w Błeniszewie

Ex Bibl. Laurentius

[illegible handwritten text]

MANUALE
THEOLOGICÆ
DOGMATICÆ,

Sive ad tritissimam in
FIDEI CONTROVERSIIS.
INTERROGATIONEM:

UBI SCRIPTUM EST.

Catholicorum vera,

Acatholicorum falsa

RESPONSIO,

A quodam Societ: JESU Theologo

COLLECTA:

Addita in hac ultima Editione

Controversia Præliminari

Ad Lamb. de Mont. Regi
INDIFFERENTIA

RELIGIONIS

REIMPRESSUM

SANDOMIRIÆ in Coll: Soc: JESU.

Annō Domini 1753.

By Ben. B. V. 26

AD LECTOREM.

Scopus libelli nequaquam est, Aca-
dolicis huius temporis, bel-
lum indicere; sed ipsorum cona-
tus, quibus nonnunquam Catho-
licis incautioribus imponunt, ex-
hibere, & infringere.

Quid enim frequentiùs illi ad sin-
gula sua dogmata, & jaëntiùs cla-
mant quàm *Scripturam*? quid mo-
lestiùs á nobis exigunt, quàm ean-
dem *Scripturam*? quando ad sin-
gula, nostræ Fidei dogmata, nil sæ-
piùs quærunt, quàm: UBI SCRI-
PTUM EST?

Quòd autem ad *Scripturam* ja-
ëntiùs, quàm veriùs provocent,
eventus hucusque docuit; dum
Scripturam inutili planè opera,
quia à questione proposita sepiùs
alienam, coacervant. Quan-
quam sic fieri necesse est, ubi non

Fides ex Divino Verbo adduci-
tur, sed Verbum Divinum ad Fi-
dem pro arbitrio fictam accommo-
datur. Contrà verò iniquè pror-
sus à nobis Scripturam exigunt,
quando, & probandi partes auctori,
non possessori incumbunt, & Fidei
rationi penitus adversatur, velle
è Scripturis omnia probari, quæ si-
ne discrimine, omnia ab Ecclesia le-
gitimè proposita (scripta sint, ver-
bisque disertis expressa, vel secus)
Fides credere est parata.

Ut tamen pateat solidius, nostræ
Fidei dogmata Divinis Scripturis
niti, easque veriùs à nobis allegari
posse, libellus hic communiores
de Fide quæstiones, quæ contro-
vertuntur, hac ratione exhibebit.

Primò Catholicā doctrinam pro-
ponet, quam ipsis Scripturæ ver-
bis juxta SS. Patrum, & Ecclesiæ
sensum comprobabit. Se-

Secundò doctrinam Acatholicam
subjiciet, suis Scripturis vallatam;
sed simul ostendet, quàm illas vel
violenter cogant, vel minùs sincere
allegent Acatholici, dum contra,
quàm Ecclesia, & Patres cum
Conciliis per tot secula jam acceperint,
& explicârint, adducunt.

Tertiò Corollarium apponet, quo
perpensis pro utraque doctrina
Scripturis, Lectori relinquat judicandum,
quæ doctrina (Catholica an Acatholica)
veriùs, Verbo Divino innitatur.

Verùm ut solidiùs pro alterutra
parte decerni possit, velim singulas
Scripturæ sententias sincerus,
& veri studiosus Lector, secundùm
has quæstiones perpendat.


I. Cui potiùs, Sanctorumne Patrum,
an unius alteriùsque Sectarii
explicationi, recta ratio suadeat
innitendum?

A 2


II.

II. Quis Scripturæ sensus, ad rectæ rationis calculum verior censendus sit: quem tect jam seculis, constanter & inconcussè, Ecclesia Catholica tenuit; aut, quem seculo nondū altero tenet A catholicorū secta?

III. Quorum prudentiūs, & securiūs vestigia quis legat: Conciliorumne, quibus tot Episcopi, Doctoresque accuratis discussionibus, & maturis judiciis, imò & Apostolica Sedes, rebur addidit; an verò Novatorum, toties, unius seculi spatō, non inter se tantum, sed & à se dissidentium Porro cū aliam mens nulla sit, quā Lectori ostendere, quā vanè A catholici Scripturam & jactent, & tractent, alia argumenta, quibus vel illi Fidei nostræ dogmata oppugnant, vel sua propugnant, vel suam Catholici doctrinam explicant, & stabilunt. producere studiosè est cautum His igitur præmonitus, & præmunitus amice Lector, hoc fructe libello, & vale,



CON-



CONTROVERSIA

PRÆLIMINARIS

De

UNITATE

RELIGIONIS

Ad salutem necessaria.

CATHOLICA DOCTRINA.

I

Quicumque vult salvus esse, ante omnia opus est, ut teneat CATHOLICAM FIDEM, quam nisi quisque INTEGRAM, INVIOLATAMQUE servaverit, absque dubio in æternu peribit. Hinc perniciosissimus error est *Adiaphoria*, sive *Indifferentismus* in Religione, asserens quemcuque in hac fide salvari posse; modò honestè vi

vat, *Sed quarunt Acatbolici:*

UBI SCRIPTUM EST?

R. I. Heb. 11. 6. *Sine fide impossibile est placere DEO.* Quòd autem Fides Una esse debeat, ostendit idem Apostolus Ephes. 4. 5. *UNUS Dominus, UNA Fides, UNUM Baptisma;* Præterea 1. Cor. 10. 17. *Quoniam UNUS panis, & UNUM corpus multi sumus.* Hinc Ecclesia dicitur Jo. 10. 16. *UNUM Ovile.* Ephes. 5. 25. *UNUM Matrimonium in quo Christus est Sponsus* Dan. 2. 44. *UNUM Regnum,* quod utique ex Marc. 3. 24. Luc. 11. 17. *Si in se dividatur, non potest stare; & desolabitur.* Denique Jo. 17. 11. sic Christus oravit Patrem: *Pater sancte serva eos in Novine tuo, quos dedisti mihi, ut sint UNUM, sicut & nos.*

Nec

Nec dubium est, quòd *exauditus* est pro sua reverentia, ut dicitur Heb. 5. 7. Ergo ex his omnibus aperte colligitur, quòd UNITAS Religionis, & Fidei, sit necessaria.

II. 2. Pet. 2. 1. *In vobis erunt Magistri mendaces, qui introducent sectas perditionis.* Et Matt. 24. II. *Multi Pseudo Prophetae surgent, & seducent multos* 1. Timo. 1. 19. *Habens fidem, & bonam conscientiam, quam quidam repellentes circa fidem naufragaverunt; Ecce Seduc-tores, ecce perditionem, ecce naufragium extra Catholicam fidem: ergo extra illam non est salus.*

III. Matt. 7. 14. *Quàm arcta via est, quæ ducit ad vitam: & pauci sunt, qui inveniunt eam!* Hæc autem falsa essent, si in sua quisque secta salvari posset. Hinc optime
de

.)o) 4(o)

de Donatistis Augustinus in ^{*}Psal.
54. In multis sum mecum, in pau-
cis non mecum, sed in his pau-
cis in quibus non sum mecum,
non profut illis multa: ergo ju-
xta illud Jo. 16. 13. rogandus *Spi-
ritus Veritatis*, ut doceat nos *O-
MINEM Veritatem*.

ACATHOLICA DOCTRINA.

Christiana Fides I. ad aeternam
salutem non est necessaria: II.
si est necessaria, sufficit: si in ea
credatur Trinitas, & Christus: *Sed*
UBI SCRIPTUM EST?

R. I. Matt. 11. *Dico autem vo-
bis, quod multi ab Oriente, & Occi-
dente venient, & recumbent cum A-
braham, & Isaac, & Jacob in Re-
gno caelorum. Ergo à quacumque
secta veniant, salvabuntur. De fa-
cto Cornelius Centurio Act. 10.*

2. etiam adhuc Gentilis, vocatur *Religiosus. ac timens DEUM. CONTRA. Venient Gentiles, & recumbent in Regno cælorum*: Sed prius ad Fidem, Baptismum, Christi que Ecclesiam conversi. Sicuti Cornelius Centurio, admissa prius divina inspiratione, Fidem concepit aliquam supernaturalem de Existencia, & Providentia DEI, paratumque animum habuit ad reliqua, ut constat ex operibus, quæ illi nomen fecêre *Religiosi, ac timentis DEUM*; ad huc tamen iussus est Petrum accersere, ut ab illo explicetam, & distinctam Fidem Mysteriorum doceretur. Sic tradunt Augustinus de Prædestinatione Sanctarum c. 10. Hieronymus in c. 3. ad Galat. Gregorius Homil. 19 in Ezech. & alii PP.

II. 1. Timot. 2. 4. DEUS *omnes homines; vult salvos fieri*, si omnes? ergo etiam infideles; hinc est, quod dicitur de Christo 1. Timot. 4. 10. *Qui est Salvator omnium hominum, maxime fidelium*. Ergo etiam infidelium, Paganorum, Turcarum; alioquin DEUS non esset ille, cujus *Misericordiae non est numerus*, si tot Gentiles, Turcas &c. honestè viventes, damnet. CONTRA. I. Omnes enim Paganos aliosque infideles, DEUS vult salvos fieri, ac sincerè, quantum est ex se, illisque media, saltem remota, ad salutem necessaria subministrat: non vult tamen omnes fieri salvos voluntate absoluta, sed ex hypothese, si & ipsi salvari velint, & præstent ea, ad quæ per inspirationes excitantur; Fidem, ac Bapti-

ptissimum suscipiendo, mandata observando, &c ita ut velit *ad cognitionem veritatis venire*, ut additur in textu ab Adversariis allato. Ità Chrysostomus, Ambrosius, Augustinus, & communiter SS. PP. apud Cornel: à Lap: hìc. II. Christus dicitur Salvator etiam infidelium, quantum scilicet ex se, & ex parte sua, ut jam dictum est. III. DEUS est quidem *Misericors*; sed est etiam *Iustus*, id est, qui pro salute consequenda certas *justè* leges posuit, secundum quas procedit. Unde, qui ab iis recedunt, *justè* damnantur.

Ex supradictis explicanda, quæcunque alia ex Scripturis afferantur ad hoc idem probandum, ut Isaïæ 53. 6. *Posuit Dominus in eo*, id est Christo, *iniquitatem omnium*

* * (8) (8) *
nostrum. Rom. 8. 32. Pro nobis omnibus tradidit illum, &c. Hactenus de prima erroris parte. Quod ad secundam verò.

IV. Marci 16. 16. Qui crediderit, & baptizatus fuerit, salvus erit. Ergo sufficit Fides Trinitatis, in cuius Nomine confertur Baptismus: similiter Jo. 3. 36. Qui credit in Filium, habet vitam aeternam. Jo. 17. 3. Hæc est vita aeterna: ut cognoscant te, solum Deum verum, & quem misisti JESUM Christum. 1. Cor. 11. Fundamentum aliud nemo potest ponere, præter id, quod positum est, quod est Christus Jesus. Ergo sufficit fides in Christum. CONTRA, I. Salvus erit, qui crediderit verò, & practicòs ità ut nihil recuset, aut omittat eorum, quæ vi talis fidei credi, & fieri ad salutem (juxta Eccle-

*)o(2)o(*

Ecclesiæ explicationem) oporteat
& in hoc sensu explicandi textus,
qui loquuntur de fide in Christum,
id est, ut esse debeat vera, & pra-
ctica, ut apud Cornel. à Lap. hic.
II. Non ponitur *aliud fundamen-*
tum, quàm *Christus*, si & Ipse, & ejus
Doctrina in cordibus fidelium ritè
concepiatur; juxta quam debet a-
liorum dogmatum (post sufficien-
tem promulgationem) haberi fides:
mandata observanda, &c. Ergo &c.

V. Luc. 23. 43. *Hodie mecum eris*
in Paradiso, dictum est Latroni, so-
lam fidem in Christum habenti.
Act. 8. 38. Baptizatur Eunuchus
Candacis à Philippo post doctri-
nam traditam de solo Christo. I.
Cor. I. 2. Paulus Corinthios vocat
Sanctos, quamvis inter eosdem
schismata essent, ut ex eodem cap

V. 10. CONTRA. I. Latro ex SS. Cypriano, & Augustino, dicitur Martyr, & Baptismo Sanguinis ablu- tus, ob liberam Christi confesio- nem, mortisque pro ea tolerantia, saltẽm sex animi præparatione, ex qua etiam crediturus erat, quid- quid Ecclesia Christi fuisset, tan- quam de fide, propositura, si diu- tius ille vixisset. II. Philippus E- nuchum instruxit pro tempore, statu, & capacitate ejusdem, DEO per internam extraordinariam il- luminationem peculiariter coope- rante; nec dubium est, ea omnia Philippum Eunuchò evangelizasse, quæ credenda erant, & Eunuchũ ea credidisse, ut dignè susciperet Baptismum; licet præcipuum tan- tũ articulum de Christi Divini- tate eò locò nominet D. Lucas, sub

sub eo, ceteros intelligens, quia is
 unus toti orbi erat novus, & penè
 incredibilis, ac recenter peractus,
 quem propterea ubiq; præceteris
 predicabant, & ingulcabant Apo-
 itoli. Similiter non est dubium (li-
 cèt nulla de hoc mentio fiat) Phi-
 lippum exegisse, & Eunucham ex-
 hibuisse signa doloris de peccatis
 admittis: hic enim dolor requiri-
 tur ante Baptismum, ut quis sit
 capax remissionis eorundem, & ju-
 stificationis. Ità S. August: lib: de
 fide, & operibus cap. 8. & 9. apud
 Cornel. à Lap. hic. III. Inter Co-
 rinthios non fuit schisma cum per-
 tinacia, qui enim errabant, erant
 docibiles, & veritatis intelligendæ
 cupidi, nec unquam re ipsa se à se
 invicem separarunt; imò iis non
 fuit gravis, sed tantum de præstā-
 tia

*)o(12)o(*
tia majori Prædicatorum, qui Evā-
gelium annuntiavere, ut patet
ibid. v. 12.

Corollarium.

*Ergo scriptum est: UNAM, & INTE-
GRAM Fidem Catholicam esse
necessariam ad salutem; non autem
scriptum est: quameunque sufficere.*

CONTROVERSIA I.

De

TRADITIONIBUS.

Catholica Doctrina.

NON omnia, quæ credenda sunt,
in sacra Scriptura sunt scripta;
sed multa habemus per Traditio-
nes, quarum aliæ sunt Divinæ,
quas Christus Apostoli & aliæ Apo-
stolicæ, quas Apostoli Discipulis
suis, & hi nobis vel viva voce, vel
scripto communicarunt. *Sed Aca-*
tholici quærent: UBI

UBI SCRIPTUM EST.

R. 1. Jo. 16. 12. *Adhuc multa habeo vobis dicere; sed non potestis portare modo. Cum autem venerit ille Spiritus veritatis, docebit vos omnem veritatem.* Et verè docuit Petrum (ut de Sacramentorum forma, & materia, de ordinatione Ministrorum Ecclesiæ, & aliis taceã) Actor. 15. 10. non esse gentibus ad Christum conversis, Circumcisionis jugum imponendum. Hæc tamen nullibi aliàs vel à Christo dicta, vel in sacris Literis scripta reperiuntur.

II. 1. Cor. 11. 2.^o *Laudo vos, quòd per omnia mei memores estis, & sicut tradidi vobis, præcepta mea tenetis.* Hæc Apostoli præcepta, nullibi in sacris Literis leguntur.

III. 1. Cor. 11. 34. *Cætera, cum venero*

*)o(141)o(*

venero, disponem. Quin multa disposuerit, dubium non est: quæ verò ea sint, nusquam in Scriptura reperitur.

IV. 2. ad Thess. 2. 14. *Itaque fratres scite, & tenete traditiones, quas didicistis, sive per sermonem, sive per Epistolam nostram.* Tradiderat autem quædam de Antichristo, uti hoc ipso cap. insinuat, quæ nullibi scripta reperies.

Hos textus accipit S. Chrys. in hunc locum de Traditionibus, in-
quiens: *Hinc patet, quod non omnia per Epistolam tradiderit, sed multa etiam sine literis: eadem verò fide digna sunt, tam illa, quam ista.* Huic consonat Theophyl. hic. Basil. l. de Spiritu S. c. 19. Damas. l. 4. de Fide cap. 17. Vide Bell. tom. 1. Con. 1. l. 4. c. 4. & 5.

Acatbo-

*)o(15)o(*
* *
Acatholica Doctrina

Nihil credendum est, nisi quod
in sacris Scripturis continetur,
ac proinde omnes Traditiones reji-
ciendæ. *Sed quærunt Catholici:*

UBI SCRIPTUM EST?

R. I. Deut. 4. 2. *Non addetis ad
verbum, quod vobis loquor, nec aufe-
retis ex eo. Et c. 12. 32. Quod præ-
cipio tibi, hoc tantum facito Domino:
nec addas quidquam, nec minuas.*

CONTRA I. Non agit hic Moyses
de Verbo DEI scripto, sed viva vo-
ce tradito: sed *quæ præcipio*. II.
Monet populum Judaicum, nè præ-
ceptis Divinis vel quidquam con-
trarium addere, vel ea falsa inter-
pretatione depravare præsumant:
nam ipse Moyses, alia ad hæc scri-
pta, non tamen contraria, addidit
Deut. 17. 10. Ubi sub mortis pœ-

pæna jubet, Sacerdotis, & Pontificis decreto obediant.

II. Ad Gal. 1. 8. *Sed licet nos, aut Angelus de caelis evangelizet vobis, præterquam quod evangelizavimus vobis, anathema sit.* CONTRA I. Hic locus tam est pro Traditionibus, quam pro Scriptura, quia ait: *evangelizavimus*, hoc est, prædicavimus, sive scripto, sive viva voce. II. Vox *præterquam*, in qua A catholici vim ponunt, significat *contra*: nam *para* ex Græco significat & *præter*, & *contra*, Sic exponunt Ambros. hic August. I. 1. contra Faustum c. 3. Hieron. & Chrys. explicant per *aliter*. Unde hic sensus est: non solum non audiendos, sed rejiciendos esse, qui contraria suæ doctrinæ, sive viva voce traditæ, docuerint;

*)o(17)o(*

erint; sed etiam qui quomodo-
docunque eam, aliter interpretan-
do labefactare præsumpserint. Et
nunquid Evang. S. Joannis, &
Apocalypsis, post hanc S. Pauli
Epist. scripta sunt? & in his nun-
quid sunt scripta, quæ in hac
Pauli Epistola non erant scripta?
Vide Bell. loc. cit. c. 10.

III. Apoc. 22. 18 *Si quis appo-
suerit ad hæc, apponet DEUS su-
per illum plagas scriptas in libro
isto.* CONTRA: S. Joannes mi-
nistris, qui Apocalypsim, & aliam
Scripturam aliquid adden-
do, vel auferendo attulerant, quod
Traditiones non faciunt, sed po-
tius explicant, Nec prohibet ali-
os libros de præceptis divinis scri-
bi, nam & ipse juxta Kemnitium
in Exam. pag. 402. post Apoc.
scri-

*)o(18)o(*

scripsit Evangelium. Vide Cornel'
àLap. hîc.

IV. Matth. 15. 9. *Sinè causa co-
lunt me docentes doctrinas, & man-
data hominum.* Et v. 6. *irritum
fecistis mandatum DEI, propter
traditionem vestram.* Hîc expresse
Traditiones prohibentur. CON-
TRA: Christus loquitur de Tra-
ditionibus, quas Scribæ & Pha-
risæi, DEI præceptis contrarias po-
nebant; non verò de Divinis, vel
Apostolicis, Legi DEI conformi-
bus, de quibus controvertitur.

V. Ad Coloss. 2. 8. *Videte, nè
quis vos decipiat per Philosophiam,
& inanem fallaciam, secundum tra-
ditionem hominum.* CONTRA. A-
postolus sicut loquitur de Philo-
sophia, quæ Gentilium supersti-
tionibus nititur; ita loquitur de
eo-

eorundem traditionibus, quæ legem Divinam vel directè oppugnant, vel saltèm depravant, non de Traditionibus, de quibus nos agimus. Vide in his locis Cornel. à Lap. Bellarum. I. cit.

Corollarium

EX his colligere est, *scriptum esse*, non omnia, quæ credenda sunt, esse scripta; è contrà: *non scriptum esse*, nihil esse credendum, nisi quod scriptum est.

CONTROVERSIA II.

De

V E R B I D E I

INTERPRETATIONE.

CATHOLICA DOCTRINA.

Scriptura sacra multis locis satè sit obscura, & perquam difficilis, ut revera interpretatione egeat. *A catholicis quærent:* UBI

*)o(120)o(*
UBI SCRIPTUM EST?

R. I. Luc. 24. 27. *Interpretabatur illis in omnibus Scripturis, quæ de ipso erant. Et v. 45. Tunc aperuit illis sensum, ut intelligerent Scripturas. Si verò omnibus, & singulis tam aperta est, & facilis, cur discipulis, Christus debuit interpretari, & sensum earum aperire?*

II. Act. 8. 30. & 31. Eunuchus Candacis Reginae, Italam legens Philippo interrogatus: *Putas intelligis, quæ legis?* respondit: *Ei quomodo possum, nisi aliquis ostenderit mihi?* De hoc textu scribit Hieron. Ep. 103. *Venit Philippus, ostendit ei Jesum, qui clausus latebat in litera, &c. ut intelligeres, te in Scripturis sanctis sine prævio, & monstrante semitam non posse ingredi.*

III. 2. Petr. 3. 16. *In omnibus Epistolis Paulus loquens in eis de his, in quibus sunt quædam difficilia intellectu, quæ indocti, & instabiles depravant. Hoc textu addè clarè scriptum est, Scripturam sacrâ in multis esse obscurâ, ut nemo SS. PP. aliter exponat. Vide Bell. To. 1. Cont. 1. l. 3. c. 1.*

A catholicâ Doctrinâ.

Scriptura sacra ipsa per se est Scertissima, apertissima, sui ipsius Interpreter, intellectu facillima, ut nullius egeat explicatione. *Sed Catholici quærunt:*

UBI SCRIPTUM EST?

R. I. Deut. 30. 11. *Mandatum, quod ego præcipio tibi hodie, non supra te est, neque procul positum, nec in cælo situm, neque trans mare, &c.*

B. CON-

CONTRA. I. Hoc loco agitur de facilitate implendi mandata Decalogi, ut patet ex contextu; sic ait Tertull. l. 4. Contra Marcion. Origenes Amb. Chrys. & alii in c. ro. ad Rom. & August. l. de Pers. Just. II. Abulenſis ait: agi de facilitate cognoscendi præcepta Decalogi: non verò Scripturam sacram intelligendi.

II. Pl. 18. 9. *Præceptum Domini lucidum, illuminans oculos. Et Pl. 118. 105. Lucerna pedibus meis verbum tuum. Proverb. 6. 23. Mandatum lucerna est, & lex lux.*

CONTRA I. His locis agitur de præceptis Decalogi, quæ facilia sūt intellectu, & intellecta hominem dirigunt in operando. II. Verbum DEI revelatum, ubi fuerit intellectum, illustrat mentem. Vi-

de Bell. Tom. 1. Cont. 1. l. 3. c. 2.
 III. Matth. c. 5. v. 14. *Vos estis lux
 mundi.* CONTRA. Lux boni exem-
 pli, & bonæ doctrinæ hoc loco in-
 telligitur à S. Chrysoft. homo. 10.
 in Ep. 1. ad Timot. in morali. I-
 deo subjungit Christus: *Sic luceat
 lux vestra, ut videant opera bona.*

IV. 2. Petr. 1. 19. *Habemus firmi-
 orē propheticum sermonē, cui benefa-
 citis attendentes tanquā lucernæ lu-
 centi in caliginoso loco.* CONTRA.
 Prophetarū voces vocantur, lu-
 cerna, non quòd facile intelligā-
 tur, sed quòd intellectu illumi-
 nent. Vide Bell loc. cit.

V. 2. Cor. 4. 3. *Quodsi opertum
 est Evangelium nostrum, in iis, qui
 pereunt, opertum est, in quibus DE-
 US hujus sæculi excacavit oculos
 infidelium.* Si, juxta Apostolum,

*)o(24)o(*

infidelibus Evangelium est oper-
tum. Ergo fidelibus est apertum.

CONTRA. Per Evangelium non
intelligit Apostolus Scripturam,
sed myſteria Evangelii, uti ſunt,
Chriſti Nativitas, Paſſio, &c. Vi-
de Corn. à Lap. hoc loco.

Corollarium.

EX his patet, *ſcriptum eſſe*, Scri-
pturas eſſe intellectu difficiles;
ſed *non ſcriptum eſſe*, eas eſſe fa-
ciliſſimas intellectu.

CONTROVERſIA III.

De

INFALLIBILI SCRIPTURA-
RUM INTERPRETE.

Catholica Doctrina.

Infallibilis Sacrae Scripturae In-
terpres quoad ſenſum litera-
lem,

*)o(25)o(*

tem, est Spiritus, qui in Ecclesia,
& Pontifice, ut Ecclesie Capite,
invenitur, non quem quivis pri-
vatus sibi fingit. Conc. Trid. Sess.
4. *Sed quærent Acatbolici.*

UBI SCRIPTUM EST?

R. I. Eccl. 45. 21. *Dedit illi,
Aaroni summo Sacerdoti, in præ-
ceptis suis potestatem, in testamen-
tis judiciorum, docere Jacob testi-
monia, & in lege sua lucem dare
Israël. Quid clarius.*

II. Act. 15. 5. & seq. Quæsti-
onem, an Gentiles ad Christum
conversos obligaret lex Moylis,
S. Petrus cum Concilio Aposto-
lorum Jerosolymæ, habito, deci-
dit, scribens: *Visum est Spiritui
Sancto, & nobis, &c.* Hinc Theod.
Ep. ad Leonem P. ait: *Si Pau-*

*)o(26)o(*
* *
lus tuba S. Spiritus ad Petrum
concurrit, ut ab ipso afferret solu-
tionem, multo magis nos pusilli ad
Apostolicam Vestram Sedem curri-
mus.

III. Ad Gal. 2. 1. Ascendi Je-
rosolymam cum Barnaba, & Tito,
&c. & contuli cum illis Evangeli-
um, quod prædico in Gentibus; se-
orsum autem iis, qui videbantur
aliquid esse, nè fortè in vacuum cur-
rerem: aut cucurrissem. Contulit
verò ideò cum Petro, & Aposto-
lis, ut Adversariis doctrinam e-
jus improbantibus, posset dicere:
sic visum est Spiritui Sancto, &
Concilio Jerosolymitano. Ità
Hier. Ep. 89. ad Aug. inter Ep.
Aug. 11. Tertull. l. 4. contra
Marcion. & Aug. lib. 28. con-
tra

*)o(27)o(*

tra Faustum c. 4. Vide Corn.
à Lap. hìc.

A catholicà Doctrina.

Spiritus, qui infallibilis Scri-
pturæ est interpres, non est al-
ligatus Ecclesiæ, aut summo Por-
tifici, aut Concilio Episcoporum:
sed apud quemvis privatum, si
is donum habeat interpretatio-
nis, reperitur. *Sed quærunt Cathol:*

UBI SCRIPTUM EST.

R. I. II. 54. 13. *Dabo univer-*
sos filios tuos doctos à Domino.

CONTRA. Loquitur de gratia
Spiritus Sancti, quâ homo interi-
us à DEO movetur, & suaviter
impellitur ad credendum, & a-
mandum, uti exponit S. Aug.
lib. de gratia Christi c. 12. 13. &
14. (vel ait) non jam per Pro-

B41

phe-

)o(28)o(
*)

phetas, sed per Christum Filium
meum docebo. Sic explicat D.
Cyrill. juxta illud Hebr. 1. 1.
Novissimè locutus est nobis in Filio.

II. Jer. 31. 33. & 34. *Dabo legem meam in visceribus eorum, & in corde eorum scribam eam, &c. & non docebit ultra vir proximum suum, & vir fratrem suum, &c. omnes enim cognoscent me à minimo usque ad maximum eorum.* CONTRA. *Per legem meam intelligit* S. Aug. l. de Spir. & litt. c. 21. & 24. *Gratiam novi Testamenti, hoc est, Fidem per charitatem operantem, quâ non solum sciamus, sed & impleamus mandata DEI.*

III. Matth: 23. 8. *Nolite vocari Rabbi, unus est enim Magister*

*)o(29)o(*

ster vester, Christus. CONTRA.
Non prohibet Christus habere
in Ecclesia Magistros, qui Scri-
pturas explicant; sed ambitio-
nem illius nominis vetat. Non-
ne & Paulus 2. Tim. 1. 11. se
vocat *Magistrum Gentium*?

IV. Joan. 5. 34. *Ego non ab
homine testimonium accipio. Ergo
nec Scripturæ egent Pontificis,
& Concilii testimoniò. CONTRA.*
Christus ait sui causâ non egere
se hominum testimoniò; non ta-
men negat se nostri causâ indi-
gere: imò ait Joan. 1. 7. *Hic ve-
nit in testimonium, ut testimonium
perhiberet de lumine (vel) de me.*
Et Joan. 15. 27. *Vos testimonium
perhibitis de me, quia ab initio me-
cum estis.* Et Act. 1. 8. *Eritis mi-*
B 5 *hi te-*

*)o(30)o(*

*hi testes in Jerusalem, & in omni
Judæa.*

V. Joan. 7. 17. *Si quis volue-
rit voluntatem ejus facere, qui mi-
sit me, cognoscet de doctrina, u-
trum ex DEO sit.* Ergo non o-
pus est Ecclesiam adire. CON-
TRA. Hic ostendit vitiosos ha-
bitus superbiæ, &c. impedire,
quò minus veros Scripturarum
interpretes audiant, & intelli-
gant.

VI. Joan. 10. 27 *Oves mee
vocem meam audiunt.* CONTRA.
Non excludit alios, per quos ad
oves suas loquatur, nam dicit
Luc. 10. 16. *Qui vos audit, me
audit:* Sed excludit hostes, & fu-
res. Deinde loquitur de vocati-
one ad suum ovile: ut ait hic
S. Aug.

VII.

VII. Act. 17. 11. Berœani *su-*
sceperunt verbum cum omni avidi-
tate quotidie scrutantes Scriptu-
ras: si hæc ita se haberent, quæ
 Paulus prædicabat; atqui hi non
 erant Concilium, sed Laici, &
 privati homines. CONTRA. I.
 Illis nondum constabat Aposto-
 lum non posse errare: Christia-
 nis verò constat Ecclesiam non
 posse errare. II. Non illicitum
 est privatim Scripturas scrutari
 veritatis causâ: non tamen est li-
 citum eas scrutari depravandi,
 & calumniandi causâ. Vid. Cor-
 nel. à Lap. hîc.

VIII. 1. Cor. 12. 11. *Hæc*
omnia operatur unus, & idem Spi-
ritus dividens singulis prout vult.
 CONTRA. I. Apostolus non di-
 cit

cit: omnibus dari donum interpretandi, sed aliquibus, quod Catholici non negant. II. Apostolus hic non negat summum Pastorem, & Concilium habere Spiritum, Scripturam interpretandi.

IX. 1. Joan. 2. 27. *Non necesse habetis, ut aliquis doceat vos; sed unctio ejus docet vos de omnibus.* CONTRA. S. Joannes non dicit nullum eos, de cognitione rerum fidei debere admittare Doctorem; sed monet circa ea, quæ jam didicerunt, non debere eos audire alios, contraria docentes; cur alioquin S. Joannes hanc Epistolam scriberet, in qua multa eos docet? Vide Bell. Tom. 1. Cont. 1. l. 3. c. 10.

Corol-

Corollarium.

Hinc videre est, *scriptum esse*,
in Ecclesia, & Concilio esse
veram interpretationem: è con-
tra *non scriptum esse*, quemvis
privatum posse Scripturas inter-
pretari.

CONTROVERSIA IV.

De

VISIBILI ECCLESIA.

Catholica Doctrina.

Ecclēsia (quæ est cœtus homi-
num ejusdem Christianæ Fi-
dei professione, & eorundem Sa-
cramentorum communione, sub
legitimorum Pastorum, & præ-
cipuè unius Christi in terris Vi-
carii summi Pontificis regimine
colligatus) est visibilis. *De hoc*
Apatholici quærunt. UBI

*)o(34)o(*
* *
UBI SCRIPTUM EST?

R. I. Num. 20. 4. *Cur eduxi-
sti Ecclesiam Domini in solitudinem?*
3. Reg. 8. 14. *Convertitque Rex
faciem suam, & benedixit omni Ec-
clesiæ Israël; omnis enim Ecclesia
Israël stabat.* In quibus locis per
Ecclesiam nihil aliud significatur,
quàm populi cœtus, qui est vi-
sibilis.

II. Matthæi cap. 16. v. 18. *Super
hanc petram ædificabo Ecclesi-
am meam.* Petra hæc, quia eam
demonstrat, est visibilis, cur non
& Ecclesia ei superædificata? Matt.
18. 17. *Dic Ecclesiæ.* S. Hier. &
Ans. hîc, & S. Greg. l. 4. Ep. 38.
intelligunt cœtum fidelium: quo-
modo autem dicet Ecclesiæ, vel
cœtui fidelium, si non est visibi-
lis?

lis? Aët. 20. 28. *Vos Spiritus S.*
posuit Episcopos regere Ecclesiam
DEI. Aët. 15. 3. *Illi deducti ab*
Ecclesia, &c. v. 4. suscepti sunt ab
Ecclesia. Aët. 18. 22. *Salutavit*
Ecclesiam. 1. Cor. 15. 9. *Persecu-*
tus sum Ecclesiam. Quomodo hæc
 conveniunt, si Ecclesia non sit
 visibilis?

III. Matth. 5. 14. *Non potest*
civitas abscondi supra montem po-
sita. Hunc locum explicat S. Aug.
 l. de Unit. Eccles. c. 14. & ali-
 bi passim de Ecclesia. Si autem
 non potest abscondi: ergo erit
 visibili. Idem probant aliæ pa-
 rabolæ Evangelicæ de ovili, reti,
 convivio, &c. quibus intelli-
 gitur Ecclesia.

Acatholica Doctrina.

Eccle-

Ecclēsia in terris vel planē est
invisibilis, & soli DEO cog-
nita; vel tantū nomine est visibi-
lis. *Sed quærunt Catholici.*

UBI SCRIPTUM EST?

R. I. Jer. 31. 33. *Dabo legem
meam, Ecclesiam, in visceribus eo-
rum, & in corde eorum scribam.*

CONTRA. Per *legem* non intelli-
gitur Ecclesia, sed Testamentū
novum, vel lex charitatis in cor-
dibus scripta: quæ lex licet non
videatur, videtur tamen. Eccle-
sia, in qua est illa lex; sicut vi-
detur corpus, licet cor non vi-
deatur. Vid. Bellar. Tom. 2.
Coat. 1. l. 3. c. 15.

II. Luc. 17. 21. *Non venit Re-
gnum DEI cum observatione: ne-
que dicent: ecce hic, aut ecce illic.*

Ecce

Ecce Regnum DEI intra vos est.

CONTRA. I. Theophylactus intelligit per Regnum DEI gratiam divinam, quâ DEUS in hominibus regnat, & hæc non est visibilis. II. Beda explicat, hunc locum de Messiaæ adventu, quem ait fuisse tam humilem, ut nec fuerit observatus venisse, nec postea more Regum potuerit monstrari.

III. Joan. 4. 2. 3. *Venit hora, & nunc est, quando veri adoratores adorabunt Patrem in Spiritu, & veritate.* Ergo non erit visibilis Ecclesia, in qua adoretur.

CONTRA. Non agitur hîc de loco, sed de ritu colendi DEUM tantum externis cæremoniis, & corporalibus victimis, ut Judæi
(expo-

(exponente Chryl. Cyr. & Euth.)
nec præter verum DEUM simul
& falsos Deos colent, ut Samari-
tani [explicante Theophyl. D.
Thoma, & Cajet.] sed *in spiritu*
vel modo spirituali, & interno,
qui tamen non omnes cæremoni-
as externas excludat, & *in ve-*
ritate: vel unum, & verum DE-
UM colent. Vide hîc Corn. à Lap.

IV. Hebr. 12. 18. *Non accessi-*
stis ad tractabilem montem Sinai,
& accensibilem ignem, sed (v. 22.)
accessistis ad Sion montem Spiritu-
alem, & civitatem DEI viventis,
&c. CONTRA. Per *montem Sion,*
intelligit Theophyl. Oecumeni-
us Ecclesiam Triumphantem in
cælis, uti etiam contextus se-
quens debere intelligi confirmat.

Jeru-

*Jerusalē cælestē, & multorum millium
Angelorum frequentiam, &c. quæ u-
tique nobis nunc invisibilis est.*

*V. 1. Pct. 2. 5. Ipsi tanquam
lapides vivi superædificamini domus
spiritualis, sacerdotium sanctum,
offerre spirituales hostias DEO.*

CONTRA. Spirituale hîc sumitur,
sicut 1. Cor. 2. 15. *spiritualis ho-
mo: & 1. Cor. 15. 44. Corpus spi-
rituale, pro eo scilicet, quod se-
cundum spiritum, & non secun-
dum carnem sit, & prout spiritu-
ale opponitur animali. Sic sumit
S. Bernard. tr. de vita solit. &
S. Aug. de fide, & symb. c. 6.*

Corollarium.

EX his quis non videt, *scriptum*
esse, Ecclesiam esse visibilem
non verò esse scriptum, Ecclesiam
esse invisibilem? CON-

CONTRVERSIA V.

De

ECCLESIAE

DURATIONE.

Catholica Doctrina.

Ecclēsia Viſibilis, prout dicit
Cōgregationē Fideiū, non po-
teſt deficere. *A catholici quærun:*

UBI SCRIPTUM EST?

R. I. Mat. 16. 18. *Super hanc pe-
trā ædificabo Eccleſiam meā, & portæ
inſeri non prævalebunt adverſus eā.*
Hinc dicit S. Greg. hom. 4. de
verbis Iſa. *Facilius eſt ſolem extin-
gui, quàm Eccleſiam obſcurari.*

II. 1. Tim. 3. 15. *Eccleſia DEI
vivi columna, & firmamentum ve-
ritatis eſt.* Chryſ. & Beda ajunt,
eam eſſe firmamentum activum,

*)o(4r)o(*
* * *
& passivum, & eam à DEO confirmari, & ab illa rursum confirmari fideles.

III. Matth. 18. 20. *Ecce ego vobiscum sum omnibûs diebûs usq; ad consummationem sæculi.* Cùm Discipuli, quibus Christus ascensurus in cælo hæc dixerat, non essent victuri uique ad finem sæculi, necessariò hæc verba, ad eorum etiam Successores dicta erûnt, ut verum sit, quod Christus promisit. De Duratione Ecclesiæ hunc locum accipit S. Hier. Leo M. in Ep. 31. ad Pulcheriã Aug. & Leo II. in Ep. ad Constantinum Aug.

Acatolica Doctrina.

Ecclesiã, quæ est invisibilis, non potest quidem deficere,
sed

fed quæ est visibilis, potest deficere, & fidem perdere. *Sed quarunt Catholici:*

UBI SCRIPTUM EST?

R. I. Gen. 3. Quando Adam, & Eva per peccatum à DEO apostatârunt. CONTRA. I. Adam & Eva non fuerunt Ecclesia, sed Adam solùm fuit Ecclesiæ initiũ. II. Licet Adam defecerit malè vivendo; non tamen defecit malè docendo: hoc autem est Ecclesiam deficere, si malè docet.

II. Exod. 32. 4. Aaron summus Pontifex proposuit vitulum aureum adorandum, & totus populus clamavit: *Hi sunt Dii tui Israël.* Ergo tota hæc Ecclesia cum Capite suo defecit. CONTRA. I. Aaron tunc nondum erat

rat summus Pontifex, adeòque non erat Ecclesiæ illius Caput, nam postea Exod. 40. 13. unctus est in Sacerdotem. Moyses erat Caput, sed is non defecit. II. Nec totus populus clamavit; nam omnes Levitæ immunes erant ab hoc peccato, ut patet v. 26. ubi Moyses ait: *Si quis est Domini. jungatur mihi, congregatiq; sunt ad eum omnes Filii Levi.*

III. 3. Reg. 19. 10. *dereliquerunt pactum tuum Filii Israël, &c. & relictus sum ego solus.* Ergo deficit ibi Ecclesia. CONTRA. I. Populus Israël, & Judæorum non erat tunc universalis Ecclesia: nã etiam extra synagogam erant fideles, ut Melchisedech, Job, &c. II. Nec Elias loquitur de toto
Israële

Isràele, sed de una parte, quæ
sub Rege Samariæ erat. Hinc
Dominus dicit v. 18. *Derelinquā
mibi in Isràél septem millia viro-
rum, quorum genua non sunt incur-
vata ante Baal.* Hi certè non e-
rant invisibiles, & hi non defe-
cerunt.

IV. Is. 1. 3. *Isràél me non co-
gnovit. v. 6. A planta pedis usq̃
ad verticem, non est in eo sanitas.*
Jer. 2. 29. *Omnes dereliquistis me,
dicit Dominus.* CONTRA. I. Isrà-
él non erat tota Ecclesia, ut jam
suprà dictum. II. Juxta S. Aug.
l. de Unit. Eccles. c. 12. & l.
contra Donatistas post collat. c.
20. Prophetæ sæpè per synecdo-
chen accipiunt totum populum
pro parte.

V. 2. Paral. 15. 3. *Transibunt dies multi in Israël, & absq; DEO vero, & absq; Sacerdote Doctore, & absq; lege.* CONTRA. I. Loquitur de Israël tantum, & non de Juda, ergo non de tota Ecclesia. II. Videtur loqui de tempore post Messia adventum, quo in Judæis hæc vera esse videmus.

VI. Dan: 9. 27. *Deficiet hostia, & Sacrificium:* Ergo & Ecclesia. CONTRA. Sermo est de Ecclesia Judæorum, cui DEUS nunquam promisit fore, ut nunquam deficiat, sicut suæ Ecclesiæ Christus, Matth. 16. 18. Sic Chrys. Theophyl: Hier. in c. 24. Matt. Aug. Ep. 80. ad Hesichium, & alii. Vid. Bell. Tom. 2. Cont. 1. l. 3. c. 16.

VII. Luc. 18. 8. *Filius hominis veniens, putas, inveniet fidem*

in terra? CONTRA. Non est sermo de fide simpliciter, sed de eximia quapiam fide, quæ in paucis reperitur: sic exponunt Hier. in Dial. contra Lucifer. & Aug. l. de Unit. Eccl. c. 13.

Corollarium.

ERgo scriptum est, Ecclesiam non posse in fide deficere: posse autem deficere, non est scriptum.

CONTROVERSIA VI.

De

INFALLIBILITATE

ECCLESIAE.

Catholicæ Doctrina.

ECclesia [sive sumatur pro universitate fidelium, sive pro universitate Episcoporum], non potest errare in iis, quæ credenda proponit, sive ea expresse in-

Scri-

*)o(47)o(*

Scripturis habeantur, siue non.
A catholicis quærent:

UBI SCRIPTUM EST?

R. I. Joan. 14. 16. *Ego roga-*
bo Patrem, & alium Paraclitum
dabit vobis, ut maneat vobiscum
in æternum, Spiritum veritatis.
Et Joan. 16. 13. *Cum venerit ille*
Spiritus veritatis, docebit vos o-
mnem veritatem: Juxta quam pro-
missionem tenetur Christus ab
Ecclesiâ omnem in fide remove-
re errorem; ut docet S. Aug. in
Enchiridio: cap. 3.

II. Matth. 18. 17. *Si Ecclesi-*
am non audierit, sit tibi sicut E-
thnicus, & Publicanus. Ex his
verbis omnia Concilia dicunt
sub anathematis pœna teneri nos
in omnibus Ecclesiæ credere:
esset autem iniquum, si illa pos-
set errare.

III. 1. Tim. 3. 15. *Ecclesia DEI*
vivi vocatur *columna*, & *firmamē-*
tum veritatis. Vide Controver-
 siam 5. de hoc loco sup. Neq;
 sic vocatur, ut vult Calvinus,
 quia fideliter custodit Scripturas
 [sic enim & officinæ librariæ es-
 sent columnæ veritatis] sed quòd
 Ecclesiæ authoritati imitatur
 veritas, sicut domus columnæ.

IV. Marth. 23. 3. *Quæcunq;*
dixerint vobis, servate, & facite.
 Et Luc. 10. 16. *Qui vos audit,*
me audit. His jubemur à Chri-
 sto audire Episcopos, & Prælatos,
 prout Ecclesiam repræsentant, &
 iis obedire: ergo debent non
 posse errare in his rebus fidei.

A catholicæ Doctrinæ.

Ecclēsia non potest quidem er-
 rare, si sumatur pro univer-
 sali

*)o(49)o(*

fali, & nihil proponat, nisi quod
expressè est in Scripturis: secus,
si vel sumatur pro cœtu Episco-
porum tantum, qui Ecclesiam
repræsentant, vel proponat, quod
non expressè est in Scriptura.

Sed quaerunt Catholici.

UBI SCRIPTUM EST:

R. I. 3. Reg. 22. 23. *Dedit
Dominus spiritum mendacii in ore
omnium Prophetarum, qui erant
quadringenti: ergo Ecclesia er-
ravit. CONTRA. Hi erant Pseudo
Prophetae (ideo qualificat ibid.
7. Rex Josaphat: Non est hic Pro-
pheta Domini quispiam, ut interro-
gemus per eum?) nec aliter per-
tinebant ad Ecclesiam, quàm præ-
dicantes Hæreticorum.*

II. II. 56. 10. *Speculatores e-
jus cæci omnes, nescierunt universi,*

C3

viden-

*)o(50)o(*

videntes vana, &c. Si Præsules omnes errarunt, ergo & Ecclesia. CONTRA. Propheta loquitur synecdochicè. Vide dicta Contr. 5. Doct. Acath. IV.

III. Tempore Passionis summus Sacerdos cum omnibus Sacerdotibus, & Senioribus populi, & universo populo erravit, cum illi Mar. 14. 64. condemnarunt *Reum mortis* Christum: hic vero à Sacerdotibus seductus clamavit ad Pilatum Mar. 15. 14. *Crucifige eum.* CONTRA. I. Sacerdotes, & Pontifices synagogæ privilegium non errandi in docendo populum, tantum habuerunt usque ad Christi tempora. II. Non omnis populus clamavit: nam etiam Jerosolymis erant Nicodemus, Joseph ab Arimathæa, aliisq,

*)o(51)o(*
aliique multi, & multi Judæi e-
rant alibi dispersi, qui non cla-
marunt.

IV. Omnes Apostoli, qui erāt
Episcopi Ecclesiæ, tempore Pas-
sionis fidem amiserunt, sicut præ-
dixerat eis Christus Matth. 26.

31. *Omnes vos scandalum patie-
mini in me.* Quare Mar. 16. 14.

*Exprobravit incredulitatem eorum,
& duritiam cordis.* CONTRA. I.

Apostoli tempore Passionis erant
solum Episcopi designati, nec ni-
si materialis Ecclesiæ pars, quæ

errare potest; nondum enim ac-
ceperant Spiritum S. II. Non

est probabile, Apostolos fidem a-
misisse, quia Luc. 22. 32. ait Chri-
stus Petro: *Rogavi pro te, ut non*

deficiat fides tua. III. *Scandalum,*

significat peccatum fugæ, non ve-

rd 'apostoliam à fide. IV. In il-
lo Marci tantum arguit tardita-
tem in credendo, non fidem a-
missam. Vide Cornel à Lap. hic
& Bell. t. 2. de Eccl. mil. l. 3. c. 17.

Corollarium.

Sequitur, *scriptum* esse, Eccle-
siam in rebus fidei non posse
errare: & *non esse scriptum*, eam
aut unquam errasse, aut errare
posse.

CONTROVERSIA VII.

De

VISIBILI CAPITE

ECCLESIAE.

Catholica Doctrina.

Ecclésiæ quidem totius Caput
est Christus; tamen quia ipse
à militante Ecclesia secundum
visibilem præsentiam abest, est

&

& aliud Caput visibile, quod locò Christi, visibilem hanc Ecclesiam gubernet. *A catholicis:*

UBI SCRIPTUM EST.

R. I. Exod. 40. 12. & 13. *Applicabis Aaron, & filios ejus ad fores tabernaculi testimonii, & lotos aquâ indues sanctis vestibûs, ut ministrent mihi, & unctio eorum in Sacerdotium sempiternum proficiat.* Si teste Paulo 1. Cor. 10. 6. *in figura facta sunt nostri, quæ in veteri Testamento sunt facta; debet Ecclesiæ esse visibile aliquod Caput, sicut fuit synagogæ caput visibile sūmus Sacerdos Aaron.* Et hoc modo argumentantur Magdeburgēses Cent. 1. l. 1. c. 7.

II. In variis similitudinibus, quibus Ecclesia comparatur, Cāt. 6. 3. *Castroꝝ aciei ordinatæ.*

C5.

Cant.

Cant. 7. toto: *Corpori humano. Jo. 10. 1. Ovili. 1. Tim. 3. 15. Domui. 1. Petr. 3. 20. arcæ Noe.* Quæ ut subsistant, requirunt Caput visibile, à quo regantur. Hinc in illud 1. ad Tim. 3. ait S. Amb. *Domus DEI est Ecclesia, cujus hodie Rector est Damasus.*

Acatolica Doctrina.

NON est in Ecclesia, nisi unum Caput invisibile, Christus, *Verum*

UBI SCRIPTUM EST?

R. I. Luc. 22. 24. *Facta est contentio inter Apostolos, quis eorum videretur esse major: Dixit autem eis; Reges Gentium dominantur eorum, vos autem non sic, sed qui major est in vobis, fiat sicut minor.* Hic Christus improbavit Zelum inter eos habendi Caput. **CONTRA**

TRA. Non. improbatur Caput,
quod regat; sed eorum ambitio,
præscribitur regendi. modus hu-
milis, & modestus, alienus ab am-
bitione, & tyrannide. Vide Cor-
nel. à Lap. in Matth. 20. 22. &
Bell. Tom. 1. de Ecclesia. mil.
lib. 1. cap. 9.

II. Ad Ephes. 4. 11. *Et ipse
dedit quosdam quidem Apostolos,
quosdam autem Prophetas, alios ve-
ro Evangelistas, &c. nec fit men-
tio unius summi Pōtificis.* CON-
TRA I. Ponit ante omnes in Ec-
clesia Apostolos: & inter Aposto-
los, (uti Contr. sed videbimus)
uni commendat gregem. II. Hic
non tam Ecclesiæ delineat Hie-
rarhiam, quàm varia dona in Ec-
clesia, Sic exponunt Chrys. Oecū.
Theophyl.

III. Ad

III. Ad Eph. 4. 7. *Unicuique nostrum data est gratia secundum mensuram donationis Christi*, dicit Apostolus: non verò *uni* data est summa potestas. CONTRA. Nec nos dicimus Capiti visibili Ecclesiae datam esse plenitudinem omnis potestatis, quam Christus in suam Ecclesiam habet; Christus enim regit in æternum, omnem Ecclesiam, quæ est in cælo, purgatorio, & terris: & pro arbitrio suo potest Leges condere, Sacramenta instituere, &c. sed visibile Ecclesiae Caput, tantum eam Ecclesiae partem, quæ est in terris, regit; & quidem dum vivit: nec potest Sacramenta instituere. &c. Vide Bell. loc. cit.

IV. Ephes. 5. 23. *Christus Caput est Ecclesiae*. Ergo non est po-
nen-

nendū alterū; alioquin Ecclesia
erit biceps. CONTRA. Non po-
nimus alterum Caput cum Chri-
sto, veluti æquale; sed aliud Ca-
put sub Christo, ut ejus Vicariū,
& visibile: sicut in Regno, abien-
te Rege, ponitur Pro-Rex, qui
utique à nemine dicitur Rex, a-
ut Con-Rex, sed Pro-Rex.

Corollarium.

AN non scriptum est, esse ali-
quod Caput visibile Ecclesiæ,
& non scriptum est, non esse visi-
bile Caput Ecclesiæ?

CONTROVERSIA VIII.

De

PETRO, VISIBILI
ECCLESIAE CAPITE.

Catholica Doctrina.

Petrus est à Christo constitutus

*)o(58)o(*

tus visibile Caput in Ecclesia.
A catholicis quærent:

UBI SCRIPTUM EST?"

R. I. Matth. 16. 18. *Tu es Petrus, & super hanc petram ædificabo Ecclesiam meam; &c. Et tibi dabo claves Regni cælorum, & quodcunque ligaveris super terram, erit ligatum & in cælis; & quodcunque solveris super terram, erit solutum & in cælis.* Per Petram S. Petrū intelligi tenet I. Totum Calcedonense Concilium 630. Patrū. II. Tota Ecclesia Catholica. III. Aug. Orig. Athanas. Basil. Chrys. Theophyl. Hilar. Hieron. Max. Leo. Greg. aliique. Vide Bell. loc. cit. ad longum. Per *super hanc petram ædificabo Ecclesiam meam*, cōmitti intelligitur regimē Ecclesiæ à Chrys. Amb. Greg.

Greg. Hier. aliisque ibidem. Per *claves* datas, intelligitur summa potestas in omnem Ecclesiam, sicut, quando Gubernatori traduntur *claves* urbis, creditur simul tradita potestas urbem gubernandi. Sic intelligit S. Greg. l. 4. Ep. 32. & alii. Bell. ibidē.

II. Joan. 21. 17. *Pasce oves meas*. Hoc Petro esse dictum probat Scripturæ contextus, & agnoscunt Patres, Cyr. Aug. Chrys. Amb: Max. Leo, aliique. Per *Pasce* non mandatur solum, ut minister; sed provideat, procuret, præsit, & dirigat, sicut Præpositus: sic accipit Aug. & alii. Per *Oves* intelligitur universa Ecclesia ab Epiph. Chrys. Ambr. Leone, Theophyl. & aliis. Vide Bell, loc. c.

14. 15. & 16.

III.

*)o(6o)o(*

III. Matth. 10. 2. Marc. 3. 16.
Luc. 6. 14. Act. 1. 13. ubi omnes Apostoli nominantur, & numerantur: & Matt. 17. 1. Mar. 5. 37. Marc. 13. 3. Luc. 8. 51. Lu. c. 22. 8. Joan. 21. 2. Ubi duo, vel plures Apostoli nominantur, semper primo loco ponitur S. Petrus. Et cur? nimirum ut ostendatur, eum esse supra reliquos.

Acatholica Doctrina.

A Catholici negant, Petrum esse Caput Ecclesiae in terris à Christo constitutum. *Sed Catholici querunt:*

UBI SCRIPTUM EST;

R. I. 1. Cor 3 11. *Fundamentum aliud non potest ponere; præter id, quod positum est, quod est Christus JESUS.* Hic Paulus non agno-

*)o(61)o(*

gnoscit Petrum pro Capite aut
fundamento. CONTRA Christus
à Paulo vocatur, sicut revera est
fundamentum fundamentorum,
(vel) primarium, quod se ipso
subsistit, & sustinet etiam Petrū,
juxta S. Aug. in Pl. 86. I. Hoc
autem non impedit, quò minùs
Petrus sit fundamentum secun-
darium. Vid. Cornel. à I ap. hìc.

II. Ephes. 2. 20. *Superædifica-
ti super fundamentum Apostolorum,
& Prophetarum, ipso summo angu-
lari lapide Christo J Esu.* Ergo non
solus Petrus est hoc fundamen-
tum. CONTRA. Apostoli dicun-
tur fundamenta I. particularium
Ecclesiarum, quas primi in va-
riis regionibus fundarunt, ex
quibus coalescit Ecclesia Univer-
salis II. Quia. primi doctrinam
à DEO

à DEO revelatam acceperunt, & per orbem terrarum disperse-
runt. III. Quia cum Petro fu-
erunt primi Pastores Ecclesiæ U-
niverſæ: inter eos tamen Petrus
erat Pastor ordinarius, illi extra-
ordinarii, quasi Legati, vel Nun-
tii ad Regionēs, quò Petrus non
poterat ipſe abire: Petrus autem
erat Pastor supremus; ità ut ab eo
omnes alii penderent non ve-
rò vicissim ipſe ab aliis; sic ait
Hier. l. 1. contra Jovin.

III. Sicut Petrus, nomine omni-
um dixit: *Tu es Christus, Filius*
Dei vivi: Ità Christus vicissim
ei nomine omnium respondit:
Tibi dabo claves, &c. Ergo ex
his verbis non soli Petro prima-
rius est assignandus. CONTRA. S.
Chryſ. & alii PP. ajunt, cum alii
Apo-

Apostoli nescirent respondere,
 Petrum tanquam Caput, & os A-
 postolorum respondisse, Christū
 tamen Petro soli, tanquam Ca-
 piti reliquorum, dedisse claves.
 Vide Bell. hic. c. 12.

IV. Matth. 18. 18. dicit Chri-
 stus omnibus Apostolis: *Quaecunq;*
alligaveritis super terram, erunt
ligata & in caelo: & quaecunque sol-
veritis super terram, erunt soluta
& in caelo. Joan. 20. 22. *Accipe*
Spiritum Sanctum, quorum remise-
ritis peccata, remittuntur eis, &
quorum retinueritis: retenta sunt.
 Ergo non solus Petrus accepit
 claves, & potestatem. CONTRA.
 In loco S. Matth. omnibus qui-
 dem Apostolis promittitur clavi-
 um potestas, quæ postea Joan.
 20. est data, sed (quod adverte)
 tan-

tanquam Legatis, & Pastoribus
extraordinariis dependenter à Pe-
tro, cui potestas data est, ut Pa-
stori Ordinario, & Capiti inde-
pendenter ab aliis; unde soli Pe-
tro dicitur: *Pasce Oves meas.* Vi-
de Bell. loc. cit.

V. Ad Gal. 2. 3. *Quibus ne-
que ad horam cessimus subjectione,*
Etc. Hic Paulus nullam ad Pe-
trum, tanquam ad Ecclesiæ Ca-
put, agnoscit subjectionem. CON-
TRA. Paulus non loquitur hic
de Petro, sed falsis subintrodu-
ctis fratribus, qui urgebant, ut
Titus circumderetur. Vide Cor-
nel. à Lap. hic.

VI. Ibid. v. 6. *Mihi, qui vi-
debantur, esse aliquid, nihil con-
tulerunt.* Hic Paulus etiam Pe-
tram ut Caput non respicit.
CON-

*)o(65)o(*

*)o(65)o(*

CONTRA. Non agit de gubernatione, sed de Evangelio, quod ait, se non à Petro, aut aliis Apostolis, sed ab ipso Christo accepisse: patet ex contextu capitis.

VII. Ibid. v. 8. *Qui operatus est Petro in Apostolatum Circumcisionis, operatus est & mihi inter Gentes.* Ergo Paulus in Jurisdictione fuit à Petro divilus, ita ut Petro tribuerentur Judæi, Paulo Gentes. Ergo Petrus non erat Caput omnium. CONTRA. Hæc divisio fuit tantum Provinciarum, sicut & in Apostolis aliis: omnibus enim dictum est: *Euntes docete Gentes.* Et revera Petrus etiam ad Gentes abiit: nam sedem Romæ posuit inter Gentes.

VIII. Ibid. v. 11. Petro Paulus

*)o(66)o(*

lus in faciem restitit. Ergo Paulus Petrum non respexit ut suum Caput. CONTRA. Reprehendit Paulus Petrum; sed non negavit ei Primatum: neque indecens est, si inferior quandoque, cum debita tamen modestia, & reverentia, superiorem moneat. Ità Cypr. in Ep. ad Quintum: & Greg. Hom. 18. in Ezech.

Carollarium

Vides, scriptum esse Petrum à Christo, visibile Caput Ecclesiae esse constitutum, non verò scriptum esse, eum non esse à Christo constitutum

CONTROVERSIA IX.

De

**PETRI IN PRIMATU
SUCCESSORE.**

Cathol.

Petro in Primatu, hoc est, in Regimine totius Ecclesiæ succedit quivis Pontifex Romanus legitimè electus. *Aacatholci querunt:*

UBI SCRIPTUM EST?

R. I. In veteri Testamento, quod fuit figura novi; ubi Successores Aaronis fuerunt æquè summi Sacerdotes, ac ipse Aaron. Num. 20. 28. Aaroni successit Eleazarus Jud. 20. 28. Eleazaro Phinees, & ita deinceps.

II. Joan. 21. 17. *Pasce oves meas.* His verbis ait S. Chryl. l. 2. de Sacerdotio, Christus Oves, quarum causâ sanguinem suum effudit, tum Petro, tum Petri Successoribus committebat. Ex hoc textu hoc Argumentum cōficitur.

citur. Necesse est esse aliquem, qui mortuô Petro, & *Ovile* regat, quod usque ad consummationem mundi manebit, & Oves pascat: eadem enim est necessitas semper, quæ fuit initiô Ecclesiæ. Atqui non fuit hætenus in Ecclesia assignatus, alius quàm Romanus Pontifex. Quem etiam Concilia, Nicænum. Chalcedonense, Constantinopolitanum ante quintam Synodum, Lateranense, Lugduënsie Generale, Florentinum, &c. admittunt. Ergo ille est Successor Petri.

A catholicæ Doctrinæ.

Romanus Pontifex succedit quidem Petro in Romano Episcopatu, non verò in Primatu, vel regimine totius Ecclesiæ. *Sed*

UBI

UBI SCRIPTUM EST?

N U L L I B I .

Corollarium..

Hinc patet, *scriptum esse*, Petri
Successorem in Ecclesiæ Pri-
matu esse Romanum Pontificē
legitimē electum: contrarium ve-
rò *non esse scriptum..*

CONTROVERSLA X.

De

INFALLIBILITATE
SUMMI PONTIFICIS.

Catholica Doctrina..

Summus Pontifex, ut Pontifex,
Scūm totam Ecclesiam docet,
tam in his, quæ ad fidem perti-
nent, quàm in præceptis mo-
rum, quæ toti Ecclesiæ præscri-
buntur, sive in rebus ad salutem

De nece-

*)o(70)o(*

necessariis, siue in iis, quæ per se bona, aut mala sunt, nullo casu errare potest: ita ut infallibilitas, non in Concilio Episcoporum, nec in cœtu Consiliariorum, sed in ipso Pontifice sit statuenda. *Sed clamant A catholicis:*

UBI SCRIPTUM EST?

R. I. Luc. 22. 31. *Simon, Simon, ecce Satanas expetivit vos, ut cribraret. sicut triticum; ego autem rogaui pro te, ut non deficiat fides tua: & tu aliquando conuersus confirma fratres tuos.* His verbis intelligitur Christus duo pro Petro petisse. Primum, ut ipse quantumvis à diabolo tentetur, non possit unquam veram fidem amittere. Sic illa: *ut non deficiat fides tua.* explicant August. I. de Corrupt. & Grat c.

*)α(71)ο(*

8. Chryf. hom. 83. in Matt. Theophyl. hic. Secundum, ut ipse tanquam Pontifex non possit unquam docere aliquid contra fidem: nec in Sede ejus unquā inveniatur, qui contra veram fidem doceat. Sic illa: *confirmat fratres tuos*: explicat Theophyl. hic. Leo serm. 3. de assumpt. sua ad Pontif. Nicolaus I. in Ep. ad Michàelem. Vide Bell. To. I. de Rom Pontif. l. 4. c. 2.

II. Math. 16. 18. *Super hanc petram ædificabo Ecclesiam meam: & portæ inferi non prævalebunt adversus eam.* Ex hoc, quod Christus promittit, portas inferorum non prævalituras adversus Ecclesiam, quæ petra, est fundamento, est inædificata; probat Orig. hic etiam illam soliditatē,

& constantiam promissam esse petrae ipsi, super quam, ut fundamentum, Ecclesia est ædificata; nam, inquit: *Si prævaleant adversus petram, in qua fundata est Ecclesia, etiam prævalebunt adversus Ecclesiam.* Nonne tota domus corruat, necesse est, si fundamentum destruitur? Ita etiam sentiunt Chrysost. Cyrill. Teodoretus, Hier. August. Greg. & alii. Vide Bell. loc. cit. Et iisdem verbis idem probari de Petri Successoribus clarum est, quia illi æquè sunt petrae, & fundamentum Ecclesiae, ac Petrus; uti priore Contr. dictum est.

III. Joan. 21. 17. *Pasce oves meas.* His verbis Pontifex constituitur Pastor, & Doctor Ecclesiae, quem ipsa teneatur audire, & sequi; Ergo ex eo debet:

. Pon.

Pontifex non posse errare, alioquin & Ecclesia poterit errare, quod est contra Christi promissionem Matth. 16. 18. Nec juvat dicere, teneri Ecclesiam, ipsum audire, & sequi, quando rectè docet, non verò quando errat: nam quis judicabit, num erret, nec nè? non ipsi fideles, quia Oves non judicant Pastorem: non Concilium, quia istud ipsum, nisi à Pontifice approbatum non est infallibile, ut contr. seq. videbitur.

A catholicæ Doctrinæ.

Pontifex, ut Pontifex, sive cum Concilio Episcoporum, sive cum cætu Consiliariorum potest, & in fide errare, & contra fidem docere? *Sed*

UBI SCRIPTUM EST?

D;

NUL:

{ NULLIBI. }

Objiciunt tamen ex primo loco] Catholicæ doctrinæ.

I. Quando Christus promisit Petro, non defecturam ejus fidē, nondum erat Romana Ecclesia, nec Dominus, Sedis Romanæ meminit. Ergo Petro id non promisit ut Pontifici, sed ut privato. CONTRA. licet Petrus tunc nondum fuerit verbis declaratus, erat tamen in Christi mente designatus.

II. Si, quod Petro fuit dictum, etiam dictum est Successoribus; Ergo etiam omnes Successores debebunt prius Christum negare; & rursus converti, quàm fiant Pontifices. CONTRA. I. Illud *conversus* non est intel-

telligendum de Petri conversione à peccato negationis; agit enim de tentatione aliorum in Ecclesia, ad quos debeat ille, & alij eius Successores *converti*, ut confirmet. II. Successoribus in Petro dictum est, quod Petro ut Pontifici futuro erat dictum: *converti* autem à negatione (siquidem ita libeat explicare) non est dictum Petro ut Pontifici, sed ut privatae Personae.

III. Multi Canones docent, Pontificem non posse judicari, nisi inveniatur à fide devius: Ergo praevisum est eum posse à fide deviare. CONTRA. Canones loquuntur de Pontificis errore personali, non judiciali.

IV. Si Pontifex, ut Pontifex,

D4

etiam

etiam solus, est infallibilis: Ergo frustra sunt Concilia. CONTRA. Licet sit infallibilis, tamen media humana debet adhibere, ut cautè procedat: quomodo autem cautius procedat, quàm si plures particulares Ecclesias audiat?

In aliis Objectionibus, ubi errores Pontificum producant, videndum est, an Pontifex, ut Pontifex, id docuerit. Vide Bell. loc. cit.

Corollarium.

Ergo scriptum est, Pontificem esse infallibilem, & non scriptum est, eum esse fallibilem.



CON-

*)o(77)o(*
* *
CONTROVERSIA. XI.
De.

AUTHORITATE.
CONCILIORUM
IN ECCLESIA.

Catholica Doctrina

Concilia Generalia legitima,
& à summo Pontifice confir-
mata, nec in fide, nec in mori-
bus errare possunt. *Sed quærunt*
A catholici:

UBI SCRIPTUM EST?

R. I. Matth. 18. 20. *Ubi sunt*
duo, vel tres congregati in Nomi-
ne meo, ibi sum in medio eorum.
Christum verò hic de plurium
congregatione, arguendo à mi-
nori ad majus, loqui ostēdit ver-
sus 17. *Dic Ecclesiæ: si autem Ec-*
clesiam non audierit, sit tibi sicut
D5 *Ethni.*

Ethnicus, & Publicanus. Amen dico vobis, quaecunque alligaveritis, &c. Sic explicat Conc. Chalcedonense act. 3. in Ep. ad Leon. Sexta Syn. act. 17. & Conc. Toletanum. III. Si, autem Christus est in medio eorum, qui Ecclesiam repræsentant, quomodo possunt errare?

II. Joan. 16. 13. *Spiritus veritatis* (quem ait c. 14. 16. *dabit vobis, ut maneat vobiscum in æternum*) *docebit vos* (non solum Apostolos, sed etiam Episcopos) *omnem veritatem*: Non autem docet scorsim singulos: Ergo congregatos.

III. Act. 15. 28. Primum Concilium Hierosolymitanum, inquit: *Visum est Spiritui S. & nobis; non potest erroris argui,*
[nisi]

nisi & Spiritus S. possit errare. Ergo nec reliqua, quibus Spiritus S. aquè, ac huic afflittit, uti modò ostensum est, errare possunt.

IV. Iisdem locis quibus Cōtr. 5. & 6. ostensum est, Ecclesiam nec deficere, nec errare posse. Vide ibi.

V. Luc. 10. 16. *Qui vos, Apostolos, & vestros Successores Episcopos, audit, me audit.* Si à DEO jubemur eos, ut Magistros nostros audire: Ergo debent non posse errare, maximè in Nomine Christi congregati.

A catholicà Doctrina.

NUllum est Concilium, licet à summo Pontifice sit confirmatum, quod errare non possit. *Sed*

UBI

*)o(8o)o(*

*)o(8o)o(*

UBI SCRIPTUM EST?

R. 1. Isa. 56. 10. *Speculatores
ejus cæci omnes, nesciêrunt univer-
si; videntes vana, amantes somnia.
Ipsi Pastores ignoraverunt. Jer. 6.
17. A Propheta usque ad Sacerdo-
tem cuncti faciunt dolum. Os. 6. 8.
Propheta, laqueus ruinæ factus est,
Ec. An non hîc errores significan-
tur? CONTRA. I. Præterquã quod
loquantur per synecdochen (quis
enim credat, omnes veteris Te-
stamenti Prophetas tales fuisse?)
non loquuntur de Prophetis in u-
num congregatis, sed privatim
loquentibus. II. Sacerdotes vete-
ris Testamenti non habuêre illã
à D-ŒO intallibilitatis promissio-
nem, sicut Ecclesia Matth. 16.
18. Vide Bell. lîc c. 6. & sup.
Contr. 5. & 6.*

II. Jer. 14. 14. *Falso Prophetæ vaticinantur in nomine meo. CONTRA. Scilicet Pseudo-Prophetae, de quibus mox addit. Non misi eos. & non præcepi eis, neque locutus sum ad eos.* Tales non sunt Episcopi in Conciliis legitimè congregati.

III. Act. 20. 29. *Ego scio, quoniam intrabunt post discessionem meam lupi rapaces in vos, non parcetes Gregi. Et ex vobis ipsis exurgent viri loquentes perversa, ut abducant discipulos post se.* Matth. 24. 11. *multi Pseudo-Prophetae surgent, & seducent multos.* CONTRA. Nonne hæc aptissimè quadrant ipsis Hæreticis? sic sentit Ambr. l. 7. in c. 10. Luc. S. Clemens l. 8. Const. c. 18. & vivente adhuc Paulo, Hymenæus, Ale-

*)o(82)o(*

Alexander, & alii surrexerunt
1. Tim. 1. 20.

Corollarium.

Quid videtur? nōne *scriptum est*, Concilia Generalia legitime congregata à summo Pontifice confirmata, non posse errare; & *non scriptum est*, posse errare?

CONTROVERSIA XII.

De

CLERICATU IN
ECCLESIA.

Catholica Doctrina.

IN Ecclesia Clerici sunt, quibus
Cultus divinus, & functiones
Ecclesiasticæ demandantur; &
Laici; plebei, & populares, qui-
bus nullum Ecclesiæ ministerium
committitur. *Quærant Acatolici:*

UBL

UBI SCRIPTUM EST?

R. I. Num. 18. 20. & Deut.
18. 2. Dicitur *Dominus esse pars,*
& *Hæreditas Sacerdotum, & Le-*
uitarum; eò quòd illis noluerit
dari partem in sortitione terræ,
sicut reliquo populo: sed iis do-
navit partem suam, scilicet de-
cimas, & oblationes Filiorum
Isràël. Unde dicuntur de sorte
Domini, aut Clerici à *cleros*,
quod sortem, sive hæreditatem
significat. Ità Hier. in Ep. ad
Nepot. Sicut autem in veteri
Testamento erant Sacerdotes, &
Levitæ à reliquis distincti, ità &
in Ecclesia Clerici sunt distin-
cti à populo, qui à *laos* dicuntur
Laici.

II. Jer. 12. 13. *Hæreditatem ac-*
ceperunt; & non eis proderit. Vel,
jux.

juxta septuaginta ex Græco: *Sor-
tes eorum non proderunt eis* Ex
quo loco juxta Orig. hom. 7..
in Jer. Epiphan. Ep. ad Joan. E-
pis. Hieros. Hieron. in comm. &
Epist. ad Nepot. Episcopi, Pre-
sbyteri, & alii Ecclesiastici Ord-
inis Clerici nominantur. Vide:
Bell. Tō 2. de Clericis l. 1. c. 1.

Acatholica Doctrina.

IN Ecclesia, licet aliqui sint:
Ecclesiastico Ministerio desti-
nati, aliqui non; non tamen
alii Clerici alii Laici dicēdi. *Quæ-
runt Catholici:*

UBI SCRIPTUM EST?

R. I. Ad Gal. 3. 28. *Non est
Judeus, neque Græcus: non est jer-
vus, neque liber: non est mascu-
lus, neque femina; omnes enim
vos: unum estis in Christo JESU..*

Ex hoc ajunt, populum Chri-
stianum debere unum, & simpli-
cem esse sinè differentia perso-
narum. CONTRA I. Apostolus iis
verbis solum vult, ista non fa-
cere filios DEI, sed Fidem cum
Spe, & Charitate; quod idem
nos de Clericatu dicimus, nec
enim ideo quisquam est DEI fi-
lius, quia est Clericus, sed si est
Clericus benè vivens. II Corporis
unitas & simplicitas non exclu-
dit diversitatem membrorum,
juxta, 1. Cor. 12. 20. *Multa qui-
dem membra, unum autem corpus.*

II. 1. Pet. 5, 2. *Pascite, qui
in vobis est, gregem DEI, &c. ne-
que dominantes in Cleris; sed for-
ma facti gregis ex animo.* Hic
à Petro. tota Ecclesia, Clerus vo-
catur. CONTRA. Ubi est scriptum
per

per *Clerum*, totam Ecclesiam intelligit? S. Hier. Ep. ad Nepot. & Oesum, in hanc Epist. per *Clerum* intelligunt Ordinem Ecclesiasticum.

Carollarium.

Quis porro neget, scriptum esse, in Ecclesia esse Clericos à Laicis distinctos: è contra *non scriptum esse*, non debere in Ecclesia Clericos esse distinctos?

CONTROVERSA XIII.

De

VOCATIONE.

MINISTRORUM.

Catholica Doctrina

Vocatio, seu Missio Episcoporum, & aliorum Ministrorum, quâ Jurisdictio confertur, quæ planè necessaria est, non per-

pertinet ad populum sed immediate ad Episcopos, & summum Pontificem, mediate ad DEUM. loquendo de modo ordinario.

A catholicici querunt:

UBI SCRIPTUM EST?

R. I. Matth. 16. 19. *Tibi dabo claves. Et Joan. 21. 17. Pascere Oves meas.* His dictis Petro, non populo commisit Christus Ecclesiam regendam, & pascendam: Ergo etiam jus vocandi, & mittendi, per quos mediate regat, & pascat, quando ipse solus eam immediate non posset. Vide Bell. To. 2. Contr. 2. l. 1. c. 4.

II. Act. 14. 22. *Cum constituerent Paulus, & Barnabas illis per singulas Ecclesias Presbyteros, &c.* Hi autem non erant Laici, sed Episcopi. Vid. Cornel. à Lap. hic

III.

III. Ad Tit. 1. 5. *Hujus rei gratia, reliqui te Creta, ut constituas per civitates Presbyteros* (scilicet Episcopos, & Sacerdotes) inquit Paulus ad Titum, quem ipse prius constituerat Episcopum; sic explicat Leo 1. Ep. 87. ad Episc. Africæ c. 2. & Concil Sardicense Can. 6.

IV. Hebr. 5. 4. *Nec quisquam sumit sibi honorem, sed qui vocatur à Deo, tanquam Aaron.* Ergo qui vel se ipsum intrudit, vel mittitur, aut vocatur à Laicis, non censendus est legitimus Ecclesiæ Minister.

A catholicæ Doctrina.

Vocatio seu Missio vel spectat ad solum Deum, ut Wicleff. & Huss. volunt; vel ad totam Ecclesiam, vel Clerum & popu-

populum Laicum, ut Luthero, & Calvino placet. *Sed*

UBI SCRIPTUM EST?

R. I. Joan. 20. 21. *Sicut misit me Pater, & ego mitto vos,* ait Christus: Ergo ad eum solum spectat vocare, & mittere Ecclesiae Ministros. CONTRA. de Apostolis verum est, nec initio aliter fieri decuit: non verò de aliis Episcopis: nam Timotheum, & Titum non misit Deus immediate; sed Paulus.

II. Act. 20. 28. *Attendite gregi; in quo vos Spiritui S. posuit Episcopos regere Ecclesiam DEI.* CONTRA. Spiritus S. mediatè posuit; sed Apostoli immediate.

III. Eph. 4. 11. *Et ipse Christus dedit quosdam quidem Apostolos, &c. alios Pastores, & Doctores.*

*)o(90)o(*

dores. id est, Episcopos. CONTRA. Designatio munitiorum talium in Ecclesia, est à Christo immediatè, non verò personarum ad talia munia vocatio, & missio, nisi initiò Ecclesiæ, dum ipse in terris vixit.

IV. Rom, 13. 1. *Non est potestas nisi à Deo.* CONTRA. immediatè, vel mediatè.

V. Aët. 6. 5. *Placuit sermo coram omni multitudine fidelium, & elegerunt Stephanum, &c.* CONTRA. Hoc, uti & alia exempla, ubi populus cum Clero concurrebat in constituendis Episcopis, & Presbyteris, probant de Electione, quâ tantum Persona designabatur, non verò de Vocatione, & Missione, quâ Jurisdictio, & potestas ad Ecclesiastica munia obunda.

*)o(91)o(*

unda conceditur Vide Cornel. à
Lap. hìc.

VI. Matth. 16. 19. *Tibi da-
bo claves.* Et Matth. 18. 18. *Quæ-
cunque alligaveritis &c.* dicta sunt
toti Ecclesiæ. Ergo & populo La-
ico. CONTRA. Ubi hoc scriptum
est in scriptura? Vide. supr.
Contr. 8.

Corollarium.

ECce! scriptum est, Vocatio.
nem, & Missionem Ministro-
rum Ecclesiæ, non ad populum
pertinere: non vero scriptum est,
ad populum perti nere.



CON

*)o(92)o(*
* *
CONTRORSIA XIV.

De

ORDINATIONE
MINISTRORUM.

Catholica Doctrina.

ORdinatio tum Episcoporum,
tum aliorum, non ad Laicos,
sed ad solos Episcopos pertinet.

Querunt Acatbolici:

UBI SCRIPTUM EST?

R. I. Lev. 8. Moyses Aaronem
à Deo electum, & vocatum or-
dinavit, & consecravìt in summū
Pontificem, & Filios ejus Sacer-
dotes. Moyses autem non erat
Laicus, sed Sacerdos, ut testatur
David Ps. 96. 6. *Moyses, & Aa-
ron in Sacerdotibus ejus: & cum
eo Hier. Aug. Nazian. Nyss. Vi-
de Bell. Tō. 2. Contr. 2. l. l. c. 3.*

II.

II. 1. Tim. 4. 14. *Noli negligere gratiam, quæ in te est, quæ data est tibi, per prophetiam cum impositione manuum Presbyterii, nempe Episcoporum. Sic explicant Chryl. Theodoretus, Oecum. Theophyl. apud Bell. neque in veteri Testamento, nec in novo, nec in Ecclesia unquam legitur quippiam à Laicis ordinatus.*

Acatholica Doctrina.

Totus cœtus tum Laicorum, tum Clericorum conjunctim potestatem habet ordinandi Ministros: & licet soli Pastores vitandæ confusionis causâ manus imponant, tamen nomine populi faciunt, utis dicatur non solum eligere, & vocare, sed etiam ordinare, ad quod populus Jus habet. *Sed.*

E

UBI

*)(94)(*

UBI SCRIPTUM EST?

N U L L I B I.

Nisi forte Exemplum Michæ
 Ju. lic. 17. 5. velint allegare, qui
 sculpsit, & conflavit sibi fecer-
 rat in domo sua, & ædiculam
 quoque in ea huic Deo suo sepa-
 ravit, & fecit ephod, & thera-
 phim, id est, vestem sacerdota-
 lem, & unum filiorum suorum
 consecravit in Sacerdotem. Sed
 qualis Michas Pontifex, talis ejus
 filius Sacerdos. Errorem ipse Mi-
 chas agnovit; hinc ubi postquã
 nactus est Adolescentem Levi-
 ten de Bethlehem, mercede eum
 conduxit, ut esset in domo sua Sa-
 cerdos, dicens: *Nunc scio, quod
 benefaciet mihi DEUS, habenti
 Levitici generis Sacerdotem. Ex.*
 quo.

quo perspicuum est, ipsum Michā.
julicasse, filium suum nihil esse
minūs, quān Sacerdotem; licet
ipse manus ejus implevisset, &
veste sacerdotali induisset.

Corollarium.

PER se patet. • Ex hoc tamen
est colligere, qualis sit Aca-
tholicorum Ecclesia, qualia ha-
beant Sacramenta, qualis cultus
divinus; cū non habeant Mi-
nistros Ecclesiæ ritè ordinatos,
nec Sacerdotes, nisi à Catholicis
profugos.

CONTROVERSIA XV.

De

CÆLIBATU IN
ECCLESIA.

Catholica Doctrina.

Et

Non

*) 96) *

NON Jure divino, sed positi-
vo Apostolico, est Caliba-
tus sacris Ordinibus in Ecclesia
Latina annexus; id est, ut post
sacros Ordines susceptos non du-
cant uxores; vel si antè habue-
runt, quoad thorum separentur.

A catholicici quærunt:

UBI SCRIPTUM EST?

R. I. Ad Tit. 1. 8. *Oportet*
Episcopum esse, &c. sobrium, ju-
stum, sanctum, continentem, id est,
à libidine, & uxoris amplexu ab-
stinentem. Sic explicat Hier.

II. 2. Tim. 2. 4. *Nemo militans*
Deo, in Ecclesiæ ministeriis, ju-
xta Chrys. & Amb. implicat se ne-
gotiis secularibus: inter quæ
Terrull. in exhort. ad Cast. nu-
merat Conjugium, quod apud

Gen.

Gentiles etiam militibus vetitum erat, ut expeditiores essent.

Cum sit Sanctio Apostolica, alia ex Scriptura peti non possunt.

A catholicæ Doctrinæ.

Non solum ante, sed etiam post susceptos sacros Ordines licet uxorem ducere, nè fornicandi periculo, Ecclesiæ Minister exponatur. *Sed*

UBI SCRIPTUM EST?

R. 1. 1. Tim. 4. 3. *Prohibentes nubere, vocantur Hæretici: Ergo Ecclesia non potest Ecclesiæ Ministris id prohibere. CONTRA.* Apostolica Constitutio non prohibet absolute in Ecclesia nuptias, sed Calibatum tanquam conditionem in Ordinandis requirit: nec tamen vel ad sacros Ordines, vel ad Calibatum cogit.

E3

Hinc

Hinc ante sacros. Ordines seridò,
& sedulò singulos monet, ut si
continere non possint, ab Ordini-
bus facessant; cum juxta Apost.
melius sit nubere, quam uri.

II. 1. Tim. 3. 2. & Tit. 1. 6.
inter reliquas boni Episcopi do-
tes ponit Conjugium, ut *sit uni-
us uxoris vir*. CONTRA. Non præ-
cipit hoc Paulus, nec in Episco-
po requirit, ipse enim contrari-
um fecit, qui de se dicit 1. Cor.
7. 8. *Dico non nuptis, & viduis,
bonum est illis, si sic maneant, sicut
& ego*. Et quotquot hucusque
in Latina Ecclesia sanctissimi fue-
runt Episcopi, continentes fue-
runt. Hoc textu autem Aposto-
lus exigit Episcopum non esse
bigamum. Ità Epiph. Theophyl.
Hier.

Hier. Leo, & alii apud Cornel.
à Lap. hîc.

III. Ibid. v. 11. *Mulieres Mini-
strorum Ecclesiae sint pudicae.* Er-
go vult Apostolus, eos, habere
uxores. CONTRA. Loquitur de
eorum uxoribus, quas ante Ordina-
tionem duxerant, à quibus ta-
men postmodum se continebant;
& vult non facile conjugatum
ordinandum, quin moraliter de
continentia etiam conjugis con-
stet.

IV. 1. Cor. 9. 5. *Nunquid non
habemus potestatem mulierem sero-
rem, id est uxorem circumducen-
di, sicut & ceteri Apostoli, &c.*
CONTRA. Non loquitur de uxo-
ribus aliorum Apostolorum, sed
piis fœminis, quæ Apostolis de
facultatibus suis ministrabant, à-

* *)o(100)o(* *

cut & Christum hoc fine, aliquæ
sequebantur, Luc. 8. 3. Ità ex-
plicat Chrys. Theodo. Occum.
Theophyl. Ambr. Haymo, Ter-
tul. Hier. Aug. Vide Bell. Tom.
2. Contr. 2. l. 1. c. 20. *Mulieres*
autem dicuntur *sorores*; sicuti
Act. 1. 16. *Viri* dicebantur *fra-*
tres.

V. Cor. 7. 2. *Propter fornicatio-*
nem unusquisque uxorem suam ha-
beat; quod periculum cum etiam
sit in Ecclesiæ Ministris, videtur
& illis, Apostolus præcipere. CON-
TRA I. Loquitur de conjugatis
Laicis, qui uxores in paganismo
ductas volebant dimittere. II.
Non præcipit, sed svadet, & con-
trarium sæpè eodem capite dicit.
Non tamen hæc suasio ad Eccle-
siæ Ministros pertinet, quibus li-
be-

*)o(101)o(*

berum erat cultui divino se man-
cipare: vel non: ubi autem libe-
rè cultui divino se manciparunt,
liberum non est calibatum ser-
vare, sed coguntur; quia liberè se
necessitati subjecerunt.

Corollarium.

ERgo non est scriptum, Eccle-
sia Ministros debere esse uxo-
ratos.

CONTROVERSIA XVI.

De

CONSILIIS EUANGE-
LICIS.

Catholica Doctrina.

Voluntaria Continentia. Obe-
dientia, & Paupertas, in qui-
bus perfectio Religioſa conſiſtit,
non præcepta ſunt, ſed cōſilia,

ES

DEO

*)O(102)O(*

DEO grata. *Querunt Acathe-*
lici:

UBI SCRIPTUM EST?

I. De Continentia.

R. I. Iſai. 56. 4. *Hæc dicit*
Dominus Eunuchis: qui custodiē-
rint sabbata mea, & elegerint,
quæ ego volui, & tenuerint fœdus
meum, dabo eis in domo mea locum,
& nomen melius à filiis, & à filiabus.
De continentibus voluntariis,
ob verbum elegerint, explicant
Hier. Cyr. Aug. Basil. Ambros.
Greg. Vide Bell. To. 2. Contr.
2. l. 2. c. 9.

II. Matth. 13. 23. *Qui in ter-*
ram bonam seminatus est, fructum
affert: & facit aliud (continen-
tia virginalis) centesimum, aliud
(viduitas) sexagesimum, aliud
(conjugium) trigesimum. Sic ex-
ponunt

ponunt Cyr. Hier. Aug. & alii & virginitatem ut DEO gratiorem aliis præferunt, utpote cui majus meritum respondet.

III. Matth. 19. 10. Dicentibus discipulis: *Non expedit nubere*, ait: *non omnes capiunt verbum istud. Et sunt Eunuchi, qui se ipsos castraverunt propter Regnum cælorum: qui potest capere capiat.* Ex hoc probat Aug. esse consilium, non præceptum.

IV. 1. Cor. 7. 25. *de Virginibus præceptum Domini non habeo: consilium autē do &c.* Et v. 36. *Quod vult, faciat; non peccat, si nubat.* Si liberum: ergo non est præceptum.

II. De Obedientia

I. Matth. 19. 21. *Si vis (non cogeris) perfectus esse. &c. veni sequere me*, id est, obediendo. Sic ipse

*)o(104)o(*

ipse Christus explicat Matth. 16.
24. *Qui vult venire post me, ab-
neget semetipsum, renuntiando suo
iudicio, submittendo se iudicio al-
terius: sicut ego, qui fui obediens
usque ad mortem* Philipp. 2. 8. Lo-
quitur enim de sequela in morali-
bus.

II. Jer. 35. 18. Laudat Deus
Rechabitas, quod obederint in
iis, ad quæ præcepto Divino non
tenebatur, Patri suo Jonadab præ-
cipienti, nè biberet vinum in sem-
piternum, domum non ædificaret,
sementem non fererent, &c. & re-
munerat, ut rem sibi gratam. Vi-
de Bell. Tom. 2. Contr. 2. l. 2. c.
9. Per hos intelligi Religiosos.
Vide Corn. à Lap. hic.

III. De paupertate.

I. Matth. 19. 21. *Si vis (non
præ-*

præcipio) *perfectus esse, vade, vende omnia, quæ habes, & da pauperibus, & habebis thesaurum in cælo. Ecce præmium. Cur ergo non sit DEO paupertas grata? Ità Hier. Aug. Hil. Chrys. & alii apud Corn. à Lap. hìc.*

II. Matth. 19. 27. Dicenti Petro: *Ecce nos reliquimus omnia, & secuti sumus te; quid ergo eris nobis?* respondet Christus ibid. 29. *Omnis, qui reliquerit domum, vel fratres, aut sorores, aut Patrem, aut Matrem, aut Uxorem, aut filios, aut agros, propter Nomen meum, centuplum accipiet, & vitam æternam possidebit.* Hæc de consilio, non de præcepto, explicant SS. PP. apud Corn. à Lap. hìc. Et præmium probat placere DEO.

Aca-

A catholicæ Doctrinæ.

HÆc tria, quæ vocant, Con-
silia Evangelica Catholici,
& opera supererogationis, mera
sunt impietas, & superstitio: un-
de nec per se meritoria sunt, nec
DEO placēt, nec à DEO svadē-
tur, sed prohibentur. *Sed*

UBI SCRIPTUM EST?

R. I. Deut. 6. 5. Matth. 22.
37. Marc. 12. 30. Luc. 10. 37. præ-
cipitur à DEO omnibus: *Dili-
gant Dominum DEUM ex toto
corde ex tota anima, ex tota
fortitudine, ex tota mente, ex
tota virtute, ex omnibus viribus.*
Nihil hinc reliquum est ho-
mini, quod liberè supereroga-
re possit, cùm debeat omnia.
CONTRA. Præcipitur sic *toto corde*
Deus diligere, ut non dividamus
cor.

cor; simul aliud, quod DEO id
versatur, cum DEO diligendos;
quale est peccatum, vel quod
inducit in peccatum: quod
impletur; si ab illicitis absteinea-
mus. An non autem supereroga-
ri quid potest, etiam amore DEI
à licitis abstinendo? Sic apud
Cornel. à Lap. hic explicat Vi-
ctor. Antioch. Vide Bell. hic.
C. 13.

II. Luc. 17. 10. *Cum feceritis omnia, quæ præcepta sunt vobis, dicite, servi inutiles sumus, quæ diebuimus facere, fecimus. Si inutiles; ergo nihil amplius possumus facere, quod gratum sit.*

CONTRA I. His potius consulit, ut impletis præceptis non acquiescamus; sed ad opera etiam supererogationis, assurgamus. II.

Non

Non dicit eos esse inutiles; sed
vanæ gloriæ vitandæ causâ sug-
gerit, ut in utiles se potius re-
putent, quàm de impletis præ-
ceptis vanè se extollant. Sic a-
pud Corn. à Lap. hìc Bernard.
Amb. Chryf. & alii.

III. Deut. 4. 2. *Non addetis
ad Verbum, quod vobis loquor.* Et
12. 32. *Quod præcipio, hoc tan-
tùm facito Domino; nec addas.*
Ergo superaddere præceptis Con-
silia, est impium. CONTRA I.
Prohibemur ad præcepta addere,
quod ea corrumpit, uti Contr.
1. in Doct. Acath. R. 1. dictum:
Consilia autem perficiunt, non
corrumpunt. Quis enim dicat,
non licere aliquid alteri donare,
cò quòd tantùm præceptum sit,
alteri nil furari? II. Christus ad-
di-

didit Consilia, non homines: quis autem prohibeat Legislatori ad leges suas aliquid suadere amplius, quàm quod legibus est præceptum? Vide Bell. Tom. 1. Contr. 3. l. 4. c. 17.

IV. Ad Philip. 4. 8. *De cætero, fratres, quæcunque sunt vera, quæcunque iusta, quæcunque sancta, hæc cogitate.* Nihil est, quod huic Apostoli præcepto possit superaddi. CONTRA. Apostolus hìc præcipit, nè contraria, id est, falsa, impudica, impia, &c. cogitemus. alioquin, ut quæcunque vera positivè cogitemus, debebimus, & totam Scripturam, & totam Philosophiam, & Mathematicorù demonstrationes cogitare. Sic apud Corn. à Lap.
hìc

hic explicat Theoph. Chryf. Ambros. & alii.

V. 1. Tim. 5. 14. *Volo Juniores nubere, filios procreare, nullam occasionem dare Adversario maledicti gratiā.* CONTRA. Non absolute præcipit, sed suadet, si continere non possint: & illò tēdit, quod dicit, 1. Cor. 7. 9. *Melius est nubere, quā uiri.*

Corollarium.

Nonne scriptum est, hæc tria Consilia esse, non præcepta; DEO tamen grata: & non scriptum est, esse impia, & DEO ingrata?

CONTROVERSIA XVII.

De

VOTIS.

Catholica Doctrina.

Quæ-

QUaecunque bona opera sunt ex voto, etiamsi aliàs non sint praecepta à DEO, sunt verè Dei cultus, & Deo grata. *Ast*

UBI SCRIPTUM EST?

R. I. Gen. 28. 20 *Jacob* *vovit* *votum*, *dicens*: *Si fuerit DEUS* *mecum*, *& custodierit me in* *via*, *&c.* *erit mihi Dominus in DEUM*, *& lapis iste, quem erexi, in* *titulum*, *et vocabitur Domus DEI*, *cunctorumque decimas offeram tibi.* Hoc votum non fuisse de re praecepta, patet, quia erat conditionatum.

I. Psal. 131. 2; *David* *vovit* *votum* *DEO* *Jacob*: *si introiero in* *tabernaculum domus meae*, *&c.* *donec inveniam locum Domino pro* *templo* *exstruendo.* Non fuisse de re praecepta, pater 2. Reg. 77.

&

& tamen Deo gratum votum ostendit v. 16. Davidi propter ea Dominus promittit stabilitatem throni.

III. Vota, de quibus Lev. 27. Num. 6. & 30. Deut. 12. & 23. non erant de rebus præceptis, & tamen grata fuisse Deo, patet Deut. 23. 21. ubi eorum solutionem severissimè urgebat Deus, inquiring: *Cum votum voveris Domino DEO tuo, non tardabis reddere; quia requireret illud Dominus DEUS tuus. Et si moratus fueris, reputabitur tibi in peccatum. Si nolueris polliceri, absque peccato eris; quia non est præceptum.*

IV. Isa. 19. 21. *Colent eum in hostiis, & in muneribus: & vota vovelunt Domino, & solvent.* Hæc de

de votis Christianorum explic-
cant Hieron. & Cyr. Vide Bell.
Tom. 2. Contr. 2. l. 2. c. 17.

V. 1 Tim. 5. 11. *Cum luxuriata
fuerint in Christo, nubere volunt,
habentes damnationem, quia pri-
mam fidem irritam fecerunt: id est,
voverunt continentiam, & non
reddiderunt, ait Aug. in Ps. 75
& alii plures apud Cornel. à Lap.
hic. Ergo & apud Christianos vota
erant ulitata.*

A catholicæ Doctrinæ.

Vota quæcunque, nisi fiant
de rebus à Deo præceptis,
impia sunt, & nihil ad Dei cultum
faciunt. *Sed*

UBI SCRIPTUM EST?

R. 1. Psal. 53. 8. *Voluntariè
sacrificabo tibi.* Ergo non ex vo-
to, quod necessitatem imponit.

CON.

CONTRA. Ex voto non ità necessitatur homo, ut non possit non facere, si velit peccare: sed sicut voluntariè vovit, ità voluntariè votum implet.

II. 1. Cor. 7. 35. *Non ut laqueum vobis injiciam, scilicet ad continentiam quidem hortor: sed non ad votum, quod velut laqueus cogit.* CONTRA. Si quis temerè, vel invitus voveat, potest votum laqueus dici; non autem si liberè & voluntariè voveat.

III. 2. Cor. 9. 7. *Unusquisque, prout destinavit, in corde suo, non ex tristitia, aut ex necessitate: hilarem enim datorem diligit DEUS.* CONTRA. Loquitur de necessitate, quam pudor, vel respectus humanus in faciendis bonis.

operibus, non autem de ea,
quam charitas, ex qua vota fi-
unt, inducit. Sic Patres apud
Corn. hic.

IV. Ad Philem. v. 14. *Ne ve-
lut ex necessitate, bonum tuum esset,
& voluntarium.* CONTRA. Idem
est sensus hujus, qui prioris.

V. Eccle. 5. 3. *Displicet DEO
infidelis, & stulta promissio;* qua-
lis est Continentiæ, quam ne-
mo potest servare, nisi ex spe-
ciali dono Dei. Sap. 8. 21. *Sci-
zi, quoniam aliter non possem esse
continens, nisi DEUS det.* CON-
TRA. Continentia dicitur qui-
dem donum DEI, sed requirens
hominis cooperationem: quia li-
cèt sinè gratia DEI servari non
possit, potest tamen cum ea
(quam sufficientem nulli unquã
ne-

negat) fervari: & à plurimis
servatur. Quare votum illius non
est stulta promissio. Aliud est,
si quis voveret esse Propheta,
&c. esset stulta promissio: quia
donum prophetiæ, est Dei donum
sinè hominis cooperatione.

Corollarium.

Hinc nemo non videt, *scri-*
ptum esse, vota de rebus eti-
am non præceptis, esse Dei cul-
tum, & Deo grata: contrarium
autem *non esse scriptum.*

CONTRROVERSIA XVIII.

De

OBSERVATIONE.
LEGIS DIVINÆ.

Catholica Doctrina.

Lex divina à justis homini-
bus, absolute potest observari,
non.

non quidem per solas vires liberi arbitrii, sed per auxilium gratiæ DEI, & Spiritum Fidei, & Charitatis in ipsa justificatione infusum. *Quærent Acatholici:*

UBI SCRIPTUM EST?

R. I. Matth. 28. 19. *Euntes ergo*, ait Christus, *docete omnes gentes*, &c. v. 20. *Docentes eos servare omnia, quæcunque mandavi vobis*. Cur autem mittat, qui servare doceant, si servari non possunt?

II. Matth. 11. 30. *Fugum meum suave est, & onus meum leve*. Et 1. Joan. 5. 3. *Et mandata ejus gravia non sunt*. His utrum est Concilium Trid. Sess. 6. cap. 11. ut ostendat mandata Dei non solum possibile, sed & facilia esse. Neque vocatur *suave*

jugum, quia renatis non imputatur pravaricatio legis, ut ait Calvinus: quia non imputatio peccati non aufert à lege, vel levitatem, vel gravitatem, quā in se habet.

III. Joan. 14. 15. *Si diligitis me, mandata mea servate. V. 21. Qui habet mandata mea, & servat ea, ille est, qui diligit me V. 23. Si quis diligit me, sermonem meum servabit. Rom. 13. 8. Qui diligit proximum, legem implevit. Gal. 5. 14. Omnis lex in uno sermone impletur, diliges proximum tuum sicut te ipsum. Quis autem neget, posse nos, & Deum, & proximum diligere, quando in hoc cognoscemur, Christi esse discipuli?* Joā. 13. 35. Aut putari prudenter potest Denm

signum amoris erga te à nobis
exigere, quod sit impossibile?

1V. 3. Reg. 14. 8. *Non fui-
sti sicut servus meus David, qui
custodivit mandata mea, & secu-
tus est me, in toto corde suo faci-
ens, quod placitum esset in conspe-
ctu meo. Et cap. 15. 5. Eò quod
fecisset David rectum in oculis Do-
mini, & non declinasset ab omnibus,
quæ præceperat ei cunctis diebùs
vitæ suæ, excepto sermone Uriæ.*
Luc 1. 6. Zacharias, & Elisabeth
erant justi ambo ante DEUM,
incedentes in omnibus mandatis,
& justificationibus Domini sinè
querela. Joan. 17. 6. dicit Chri-
stus de Discipulis suis: *Tui erant:
& mihi eos dedisti, & sermonem
tuum servaverunt. Quod hi, cū Dei
gratia fecerunt, quidni & alii*

*)o(1 2 o')o(*
omnes cum eadem divina gratia
possint?

A catholicæ Doctrinæ

L Ex divina planè est impossi-
bilis homini, ut etiam iustus
eam servare non possit. Æquè
nobis impossibilia sunt omnia
præcepta, atque illud: *Non con-*
cupisces, ait Luth. lib. de li-
bert. Christ. *Sed Catholici quæ-*
runt:

UBI SCRIPTUM EST?

R. I. Act. 15. 10. *Quid tenta-*
tis Deum, imponere jugum super
cervices Discipulorum (loquitur
de renatis, & fidelibus) *quod ne-*
que Patres nostri, neque nos porta-
re potuimus? *Sed per gratiam*
Domini JESU Christi credimus
salvari, quemadmodum & illi.
CONTRA. S. Petrus loquitur de
lege

lege ceremoniali veteris Testamenti. quod ex contextu clarum est: cum enim quidam Discipulorum putarent, totam legem Moyſis eſſe adhuc Gentilibus converſis ſervandam, habitum eſt ſuper ea re primum Concilium, in quo Petrus, iſta dixit.

II. Gal. 3. 10. *Quicumque ex operibus legis ſunt, ſub maledicto ſunt. Scriptum eſt enim: maledictus omnis, qui non permanserit in omnibus, quæ ſcripta ſunt in libro legis.* Ex hoc loco ſic concluditur. Maledictus eſt juxta Moyſen, qui non ſervat totam legem; nemo autem poteſt totam legem ſervare: ergo maledictus eſt, qui ex operibus legis eſt, id eſt, legi ſubditus, cum tamen ejus obſervatione, utpote.

te impossibili, justificari non possit. CONTRA. Apostoli scilicet hic est! quicumque Euangeliô Christi promulgatô adhuc sub lege Moysis est, sub maledictio est: quia, quod fidem, & gratiam Christi, sinè qua lex servari non potest, non habeat, legem divinam non potest servare, & consequenter erit à Deo maledictus, juxta illud Deut. 27. 26. Hinc tale argumentum est formandû: Maledictus est juxta Moysen omnis, qui non servat totam legem; sed non potest suis viribûs sinè fide, & gratia Christi totam legem servare: ergo maledicti sût, qui volunt legem servare, & tamen extra fidem, & gratiã Christi sunt. Vide Bell. Tom. 3. de Justit. l. 4. c. 14.

III. Rom. 7. 18. *Velle servare legem adjacet mihi, perficere autem non invenio.* CONTRA. Apostolus non loquitur de legis observatione, sed de actu concupiscendi, licet is citra consensum non sit peccatum: quem velit tamen non sentire, sed non possit perficere, ut non sentiat & quandoque invitus, & citra consensum cogatur sentire. Hinc optat hac etiam innocua necessitate liberari, inquiens: v. 24. *Infelix homo, quis me liberabit de corpore mortis hujus?* Vide Aug. Tr. 41. in Joan. 1. 6. in Julianum c. 2.

IV. Jac. 3. 2. *In multis offendimus omnes.* Et 1. Joan. 1. 8. *Si dixerimus, quoniam peccatum non habemus, ipsi nos seducimus, & veritas in nobis non est,* Ergo legem ne-

mo potest totam servare, ut non sit peccati alicujus reus. CONTRA. SS. Jacobus, & Joannes loquuntur de peccatis venialibus, quæ non sunt contra, sed præter legem, id est, aliqua imperfectio in observatione legis, juxta S. Thomam 1. 2. Quæst. 88. 1. Error est A-catholicorû, qui putant, omnia peccata esse mortalia, nulla venialia, de quo mox.

Corollarium.

Patet scriptum esse. legem divinam posse observari cum Dei gratia, & non scriptum esse, nō posse observari.

CONTROVERSIA XIX.

De

PECCATIS ACTUALIBUS.

Catholica Doctrina.

Peccatorum, ex natura sua, alia sunt mortalia, & contra legem, quæ hominem amicitia DEI excludunt, & mortis æternæ reum constituunt, alia venialia, & præter legem, quæ non excludunt Dei amicitia, & tantum temporalis supplicii reum reddunt.

A catholicis quærent:

UBI SCRIPTUM EST?

R. I. Matth. 5. 22. *Qui irascitur fratri suo, reus erit iudicio, qui autem dixerit Raca, reus erit concilio; qui autem dixerit fatue, reus erit gehennæ ignis.* Quanta peccatorum diversitas, ubi alia gehennæ, & alia iudicio tantum, aut concilio digna censentur. Nèpe, qui irascitur solum interius, in iudicium vocari potest, & notatur culpa venialis. Qui dicit

Raca (vox est nihil significans, nisi animi commotio ac n) de eo consultari potest, quali pena sit dignus: & notatur ambiguitas, an venialis, an mortalis sit culpa. Qui dicit *fatue*, scilicet convitiando, dignus est gehennâ, & notatur culpa mortalis. Sic Aug. l. 1. de serm. Dom. c. 9. Vide Bell. Tom. 3. de Amiff. gratiæ l. 1. c. 6. & Cornel. à Lap. hîc.

II. Matt. 23. 24. *Duces cæci excolantes culicem, camelum autem glutientes. Et Luc. 6. 41. Quid vides festucam in oculo fratris tui, trabem autem, quæ in oculo tuo est, non consideras?* Hîs arguit Phariseorum peccata Dominus: dum autem alia *culici* & *festuæ*, alia *camelo*, & *trahi* comparat, quis non agnoscit illa levia, hæc gravia-

via censeret? cur alioquin peccata illa reus tam dissimilibus conferret?

III. Luc. 12. 59. *Dico tibi, nō exiēs inde? dōnec etiam novissimum minutum reddas.* Per minutum intelligunt Tertull. Orig. Hier. Cyp. Ambr. Euf. apud Bell. loc. cit. peccata levissima, quæ tamē non impunita relinquentur.

A catholicæ Doctrinæ.

Peccata omnia sunt ex natura sua mortalia, sed ex sola DEI miseratione venialia; scilicet. quādo DEUS, non imputando, eorum veniam indulget. *Verūm.*

UBI SCRIPTUM EST?

R. I. Deut. 27. 26. *Maledictus, qui non permanserit in sermone hujus legis.* Ezech. 18. 4. *Animæ quæ peccaverit, ipsa morietur.*

Hic

Hic nulla fit distinctio peccatorū.

CONTRA. Moyses, & Ezechiel loquuntur de gravissimis peccatis, à quibus populum deterrēt.

II. Rom. 6. 23. *Stipēdia peccati mors.* De omni peccato loquitur.

CONTRA. Loquitur solū de eo, quod cum Iustitia, & gratia DEI non cōstitit; quale est mortale.

III. Jac. 2. 16. *Qui offendit in uno, factus est omnium reus.* CON-

TRA. Loqui eum de peccatis, quæ sunt contra legem (id est mortalibus) contextus docet. Dicit autem fieri omnium reum; quia si contra unum præceptum peccavit, nihil, ad mortem evitandam, facit reliqua omnia servasse; quia charitatē violavit.

IV. Matth. 5. 19. *Qui solverit unum de mandatis istis minimis,*
mini-

minimus vocabitur in Regno cœ-
lorum, id est planè excludetur, li-
cèt sit minimum peccatum; er-
go inter venialia, & mortalia
nullum est discrimen. CONTRA.
Loquitur de Pharisæis & Scri-
bis, qui prava interpretatione
minima mandata destruebant;
quod non erat minimum, sed
maximum peccatum.

V. Joan. 13. 8. *Si non laver-*
te à peccatis venialibus, juxta S.
Aug. hîc, non habebis partem me-
cum; ergo venialia etiam sepa-
rant à DEO, & consequenter non
differunt à mortalibus. CONTRA.
I. Christus minatur ob inobedi-
tiam, quòd nollet obedire in lo-
tione pedum, separandum: illa
verò erat grave peccatum. II.
Venialia non simpliciter exclu-
dunt

dunt à Regno cælorum, sicut mortalia, sed ad tempus, donec eluantur.

VI. Matth. 10. 24. *Quicumque potum dederit uni ex minimis istis, calicem aquæ frigidæ, non perdet mercedem.* Si minima opera bona merentur vitam æternam; ergo etiam minima peccata mortem æternam. CONTRA. Hic non dicitur de minimo opere dandum cælum, sed mercedem aliquam: sic nec sequitur, pro minimo peccato dandam pœnam æternam.

II. *Dare calicem aquæ frigidæ ex amore DEI,* non est minimum, sed valde magnum opus, cui non potest opponi peccatum veniale.

III. Operi minimo dare maximam mercedem, est ingens liberalitas, quæ non est arguenda: sed peccato

cato minimo infligere maximam
pœnā, est injustitia, & crudelitas,
quæ semper est arguenda: quip-
pe liberalem esse licet, non verò
injustum. Vide Bell. Tom. 3. de
amiss. Grat. l. 1. c. 12.

Corollarium.

AUdin? *scriptum est*, esse pecca-
ta alia mortalia, alia veni-
alia; *non verò scriptum est*, omnia
esse mortalia.

CONTROVERSIA XX.

De

LIBERO ARBITRIO.

Catholica Doctrina.

IN homine etiam post Adam
lapsum est liberum arbitriū:
id est, libera potestas ex mediis
unum præ alio eligendi; aut unū
acceptandi, vel respuendi, tam
in

In actionibus liberis, quàm in moralibus, & ad salutem pertinentibus: pro executione tamen egere auxiliò gratiæ divinæ. *Acaholici Quærunt:*

UBI SCRIPTUM EST?

R. Pluribus in locis, si non his ipsis vocibus quoad sonum, certè clarissima periphrasi, ut nullius egeant explicationis.

I. Quoad liberam electionem hominis, Gen. 4. 7. *Sub te erit appetitus tuus, & tu dominaberis illius.* Num. 30. 14. *In arbitrio viri erit, ut faciat, sive non faciat.* Deut. 30. 19. *Testes invoco calum, & terram, quòd proposuerim vobis vitam, & mortem: elige ergo vitam, &c.* Jos. 24. 15. *Optio vobis datur; eligite hodie, quod placet, cui servire potissimum debe.*

*debeat. 2. Reg. 24. 12. Tri-
um tibi datur optio; elige unum,
quod volueris ex his. 3. Reg. 3. 5.
Postula, quod vis, ut dem tibi.*

II. Quoad liberam executio-
nem, ut nimirum homo aliqua
possit facere, quæ non facit, &
contrà, aliqua possit non facere,
quæ facit. 3. Reg. 3. 11. *Quia
postulasti Verbum hoc, & non peti-
isti tibi dies multos, nec divitias,
aut animas inimicorum tuorum
[quæ scilicet poterat postulare]
sed postulasti tibi sapientiam, &c.
4. Reg. 12. 4. Pecuniam, quam
[poterant non inferre] spontè,
& arbitrio cordis sui inferunt in
templum, accipiant illam Sacerdo-
tes. Eccl. 31. 10. Qui potuit trās-
gredi, & non est transgressus, face-
re mala, & non fecit. 1. Cor. 9.*

1. Non

I. *Non sum liber?* v. 4. *nunquam non habemus potestatem manducandi, & bibendi?* nunquid non habemus potestatem mulierem sororem circumducendi? quod tamen facere non voluit. Aët 5. 4. *Nonne manens tibi manebat, & venundatum in tua erat potestate?*

III. Quò ad electionem, & executionem cum adjuncta conditione Isa. 1. 19. *Si volueritis, & audieritis me, bona terræ comedetis: quod si nolueritis, gladius devorabit vos.* Matth. 19. 17. *Si vis ad vitam ingredi, serva mandata* v. 21. *Si vis perfectus esse, vade vende, quæ habes, & da pauperibus.* Luc. 9. 23. *Si quis vult post me venire, abneget semet ipsum, &c.*

Huc possent ex sacris Literis adduci omnia præcepta, cōsilia,

exhortationes; quare enim quid
præcipitur, cōsulitur, adhortatio-
ne urgetur fieri, nisi quia p̄t̄est
nō fieri? Hæc omnia colligit S.
Aug. l. de gratia. & lib. arb. c. 2.
3. Vide Bell. Tō. 3. de lib. arb. l.
4. c. 7.

A catholicæ Doctrina.

Homo in statu naturæ corru-
ptæ nō habet ulla in re, liberū
arbitrium, nè in indifferentibus:
quidem & civilibus: unde illud
servum arbitrium vocandum,
quod coactè operetur. *Sed*

UBI SCRIPTUM EST?

R. I. Isa. 41. 23. *Bene, aut
malè, si potestis, facite.* CONTRA.
Propheta hic non homines, sed
gentium simulacra alloquitur,
de quibus David Psal. 113. *O-
culos habent, & non videbunt, &c.*

II. Ezech. 36. 27. *Spiritum meum ponam in medio vestri, & faciam, ut in præceptis meis ambuletis, & judicia mea custodiatis.* Sinè hoc spiritu non poterant; ergo non habebant liberum arbitrium CONTRA. Per Spiritum intelligitur hic gratia Dei excitans, quâ interna inspiratione suadet, & invitat, ut consentiamus ad implendâ mandata, itâ tamen, ut in potestate voluntatis relinquat cōsentire excitanti, vel non. Nimirum adjuvat infirmitatem, non tollit libertatem.

III. Psal. 118. 36. *Inclina cor meum in testimonia tua, & non in varitiam.* 3. Reg. 8. 58. *Inclinet corda nostra ad se, ut ambulemus in universis viis ejus, & custodiamus mandata ejus.* Qui
sic

fic orat, certè non habet in sua potestate, ut faciat, vel non faciat. CONTRA. Qui sic orat, petit à Deo gratiam ad exequendum, quod liberè elegit, sicut in priore dictum.

IV. Joan. 8. 34. *Qui facit peccatum, servus est peccati.* Si est servus; ergo non liber. CONTRA. Servitus peccati opponitur libertati à peccato, non verò libertati naturæ: hinc servus peccati non est quidem liber à peccato, sed tamen est liber, ut maneat in illa servitute, vel Dei auxilio se liberet.

V. Joan. 15. 4. *Sicut palmes non potest ferre fructum à semetipso, nisi manserit in vite, sic nec vos, nisi in me manseritis.* Ergo nisi homo juvetur à Deo, nihil

* *)o(138)o(* *

hil potest. CONTRA. Hoc nihil efficit, nisi ut ostendat, ad executionem, DEI gratiam libero arbitrio necessariam esse, sicut palmiti vitis, quod non negamus.

VI. Cor. 4. 7. *Quid habes, quod non accepisti?* Si nihil habemus proprii; ergo nec actiones sunt in propria potestate. CONTRA. Liberum arbitrium accepimus donô à Deo, & ideo nostrum est, ut pro arbitrio nostro cum gratia Dei possimus facere, & omittere: hinc c. 3. 8. dicit: *Unusquisque propriam mercedem accipiet, secundum suum laborem;* quem scilicet ex suo, id est, libero arbitrio faciet, cum posset non facere.

VII. Joan. 15. 5. *Sinè me nihil po-*

potestis facere. Rom. 9. 16.
Non volentis, neque currentis,
sed miserentis est DEI. 1. Cor.
3. 7. Neque qui plantat, est ali-
quid, neque qui rigat; sed qui in-
crementum dat DEUS. CONTRA.
Hæc solùm probant nos ad exe-
quendũ, quod liberè elegimus,
Dei gratiã indigere, quod non
negamus.

Corollarium.

ERgo scriptum est, esse in ho-
 mine liberum arbitrium, &
 non est scriptum, non esse liberum
 arbitrium.

CONTROVERŖIA XXI.

De

JUSTIFICATIONE.

Catholica Doctrina.

Homo

Homo justificatur fide, non tamen sola, sed cum aliis Virtutibus, Timore, Spe, Charitate, Pœnitentia, Sacramentis, & proposito novæ vitæ. Ex Trid. Conc. Sess. 6. c. 6. *A catholicis querunt:*

UBI SCRIPTUM EST?

R. I. in cōmuni: Jac. 2. 24. *Videtis, quoniam ex operibus justificatur homo, & non ex fide tantum?* hanc Epistolam pro Canonica accipiunt cum tota Ecclesia omnes SS. Patres. Sed A catholici non recipiunt.

II. *De Fide*, Hebr. 11. 6. *Sinè Fide impossibile est placere DEO: credere, enim oportet accedentem ad DEUM.* Hab. 2. 4. *Iustus in fide sua vivet.* Hinc des à SS. PP. vocatur *Origo Ju-*

Iustitiæ, janua in vitam, &c. apud Bell. hinc Tom. 3. l. 1. c. 13.

III. *De Timore, Eccles. 1. 28. Qui sinè timore est, non poterit iustificari. v. 27. Timor Domini expellit peccatum, Hinc S. Aug. apud Bell. ait. Nunquam accidit, ut quisquam veniat volens fieri Christianus, qui non aliquo DEI timore sit percussus.*

IV. *De Spe, Proverb. 28 25. Qui sperat in Domino, sanabitur. Plal. 36. 40. Eruet eos à peccatoribus, & salvabit eos, quia speraverunt in eo. Matth. 9. 2. Confide fili; remittuntur tibi peccata tua. Hinc Aug. apud Bell. Nemo, ait, potest bene agere pœnitentiam, nisi qui speraverit Indulgentiam.*

V. *De Charitate, inchoata scil.*
G Luc.

Luc. 7. 47. Remittuntur ei peccata multa; quoniam dilexit multum. Gal. 5. 6. Neque circumcisio aliquid valet, neque præputium, sed Fides, quæ per Charitatem, operatur. Hoc operatur sumitur passivè 1. Joan. 3. 14. Translati sumus de morte ad vitam, quoniam diligimus fratres; Et qui non diligit, manet in morte.

Vi. De Pœnitentia, A&T. 11. 18. Et gentibus pœnitentiam dedit DEUS ad vitam. 2. Cor. 7. 10. Quæ secundum DEUM tristitia est, pœnitentiam in salutem stabilem operatur. Ezech. 18. 21. Si impius egerit pœnitentiam ab omnibus peccatis suis, quæ operatus est, vitam vivet, & non morietur. Luc. 13. 3. Nisi pœnitentiam!

* *) O (143) O (* *
tiam habueritis, omnes similiter
peribitis.

VII. De Sacramento, nimirum
Baptismi, Joan. 3. 5. Nisi quis
renatus fuerit ex aqua, & Spiri-
tu S. non potest introire in Re-
gnum DEI.

VIII. De propositio novæ vitæ,
Ezech. 18. 31. Projicite à vo-
bis omnes pravaricationes vestras,
& facite vobis cor novum, & spi-
ritum novum. De quo scripsit li-
brum integrum Aug. de Fide,
& Operibus. Vide SS. PP. apud
Bell.

A catholicæ Doctrinæ.

Fides sola, excluso omni alio opere, hominem justifi-
cat. Sed

UBI SCRIPTUM EST?

R. I. Rom. 3. 27. Ubi est

G2 glo-

gloriatio tua, Judæe, quâ tibi arrogas Justitiam? Exclusa est. Per quam legem? Factorum? non: sed per legem Fidei. Arbitramur enim, justificari hominem per fidem sinè operibus legis. Rom. 4. 2. Si Abraham ex operibus justificatus est, habet gloriam, sed non apud DEUM. CONTRA. Apostolus in primo loquitur de operibus veteris Legis, uti ex seq. patet. Et de Fide, quæ gratiam Spem, Charitatem. &c. complectitur. In se.undo loquitur de operibus ante Fidem, solis naturæ viribus, factis; ita Aug. apud Bell. hîc.

II. Gal. 2. 16. *Non justificatur homo ex operibus legis, nisi; id est, sed solum per fidem JESU Christi. CONTRA. I. Loquitur*

itur de Lege veteri. II. Particula *nisi* malè explicatur per *solum*; quia quando per illam aliquid alteri opponitur, ut hic fides opponitur operibus, significat apud Latinos *sed*.

III. 2. Ephes. 8. 9. *Gratia DEI salvati estis per fidem, non ex operibus*. CONTRA. Apostolus solum excludit opera sinè fide, & gratia, facta.

IV. Philip. 3. 9. *Ut inveniar in illo, non habens meam justitiam, quæ ex lege est per opera: sed illam, quæ ex fide Christi sinè operibus*. CONTRA. Fides Christi non excludit opera, sed includit. Vide Aug: hìc apud Bell.

V. Luc. 7. 50. *Fides tua te salvam fecit* Joan. 1. 12. *Dedit eis potestatem filios DEI fieri, qui cre-*

credunt in nomine ejus. Joan. 3. 36. Qui credit in Filium, habet vitam aeternam. Rom. 5. 1. Justificati ex fide, pacem habeamus ad Deum. CONTRA. Licet non fiat hic mentio operum, nullus tamen SS. Patrum de sola fide intelligit.

VI. Luc. 8. 50. Crede tantum, & salva erit. Ecce hic per tantum sola fides exigitur. CONTRA. Verum est loqui Christum de sola fide, sed in ordine ad miraculum in excitanda Jairi filia: ad miracula enim impetrandam sola Fides sufficit; cum miracula non faciant ad justificationem.

VII. Joan. 3. 16. Ut omnis, qui credit in eum, non pereat, sed habeat vitam aeternam. CONTRA.

Parti-

Particula *omnis* cum non explicatur à S. August. apud Bell. Per *nemo*, id est, *ut nemo*, qui credit, pereat: ex quo fides quidē esse necessaria deducitur, sed non sola. Sic etiam alii textus Act. 13. 39. Rom. 1. 16. Rom. 1. 10. 4. & 1. Joan. 5. 1. intelligendi.

VIII. Rom. 4. 14. Si ex lege hæredes sunt, exinanita est fides, abolita est promissio. Per legem autem intelliguntur opera. CONTRA. Per legem intelliguntur opera Legis veteris, vel sinè fide, gratia facta; ex quo bene dicit: si hæc justificant; ergo frustra est fides.

Corollarium.

Quid putas? an non scriptum est: non solam fidem justificare, & non scriptum est, solam fidem justificare. CON-

*)o(148)o(*
* * *
CONTROVERSIA XXII.
De

**INCERTITUDINE.
JUSTIFICATIONIS.**

Catholica Doctrina.

Sinè speciali revelatione nemo potest esse certus, certitudine fidei, cui nullo modo possit falsum subesse, de sua justificatione, id est, sibi esse remissa peccata. *A catholicis quærent:*

UBI SCRIPTUM EST?

R. I. Prover. 20. 9. *Quis potest dicere: mundum est cor meum, purus sum à peccato? Non dicit neminem esse mundum corde; quia Christus testatur posse esse mundos corde, Matt. 5. 8. Sed neminem posse dicere, se esse mundum.*

II.

II. Eccl. 9. 1. 2. *Sunt iusti, atque sapientes, & opera eorum in manu DEI; & tamen nescit homo; utrum amore, an odio dignus sit; sed omnia in futurum servātur incerta.* Ad literam sumit S. Hieron.

III. Eccl. 5. 5. 6. *De propitiato peccato noli esse sine metu &c. nē dicas: miseratione Domini magna est; multitudinis peccatorum meorum miserebitur.* Clarissimus est textus contra eos, qui se dicunt certos esse de iustitia, modò fide Christi iustitiam apprehendāt.

IV. Job. 9. 11. *Si venerit ad me, non videbo eum; si abiērit, non intelligam, v. 20. 21. si iustificare me voluero, os meum condemnabit me; si innocentem ostendero, pravam me comprobabit. Etiam si sim-*

plex fuero, hoc ipsum ignorabit anima mea. Hæc si certa fide novisset Job. se esse justum, sinè mendacio dicere non potuisset.

V. Ps. 18: 13. *Delicta quis intelligit? ab occultis meis munda me, & ab alienis parce servo tuo* Qui locus non tantùm de venialibus, sed & mortalibus intelligi debet. Vide Hier. Ber. apud Bell. hìc.

VI. 1. Cor. 4. 4. *Nihil mihi conscius sum, sed non in hoc justificatus sum: qui autem judicat me, Dominus est.* Fortè Deus videt in conscientia mea latere, quod ego non video. Sic exponunt Amb. Chrys. Hier. Aug. aliiq; apud Bell. hìc l. 2. c. 5.

VII. 4. 24. *Forſan ignoſcet De.*

Deus. Joel. 2. 14. *Quis scit, si convertatur, & ignoscat Deus?* Hæc, & alia passim non respiciunt incertitudinem promissionis divinæ, sed nostræ dispositionis: quâ positâ non possumus de iustitia certi esse.

A catholicæ Doctrinæ.

Fideles non solum possunt, sed etiam debent certa fide statuere sibi peccata esse remissa, modò firma fide Justitiam Christi sibi imputatam apprehendant.

Sed:

UBI SCRIPTUM EST?

R. I. Luc. 17. 10. *Cum feceritis omnia, quæ præcepta sunt vobis, dicite: servi inutiles sumus; quod debuimus facere, fecimus.* Si Christus nos jubet dicere; fecimus nos, quæ debuimus facere;

cere; ergo debemus posse certi
esse; alioquin juberet nos men-
tiri. CONTRA. Christus non hor-
tatur nos, ut putemus nos o-
mnia fecisse, quæ præcepta sunt,
quod esset superbire; sedhorta-
tur ad humilitatem, suadens, ut
licet bona fide fecerimus, quæ
sunt præcepta, & nullius trans-
gressionis nobis conscius simus,
demissè de nobis sentiamus; cum
possit peccatum nobis occultum
latere, quod Deus cognoscit.

II. Joan. 3 21. *Qui facit veri-
tatem, venit ad lucem; ut ma-
nifestentur opera ejus, quia in Deo
facta sunt. Qui sic audet ad ju-
stitiæ solem accedere, debet cer-
tò scire sua opera esse bona.*
CONTRA. Hoc non sequitur;
nam etiam peccatores confiden-
ter

ter accedebant ad Christum, ut
justificarētur; imò Christus ju-
bebat. Matth. 11. 28. *Venite ad
me, qui laboratis &c.* Deinde hoc
textu docet Christus naturā suā
malā opera fugere lucem, bona
è contra lucē non erubescere.

III. Joan. 13. 35. *In hoc co-
gnoscent omnes, quia Discipuli
mei estis, si dilectionem habueri-
tis ad invicem.* Si alii possunt
cognoscere de nobis, ergo &
unusquisque de se ipso. CONTRA.
Christus ponit signum, quò ex-
teriùs alii possint cognoscere,
quis sit Christi Discipulus, non
tamen certò & fide divina, sed
fide humana, & conjecturali.

IV Joan. 14. 17. *Vos cogno-
scetis eum, Spiritum Sanctum,
quia apud vos manebit, & in vo-
bis*

bis erit. CONTRA. Loquitur de cognitione Spiritus Sancti per fidem, sinè quâ nemo potest dona ejus accipere, nedum sperare: non autem de justificatione.

V. Joan. 14. 20. *In illo die vos cognoscetis, quia ego sum in Patre meo, & vos in me, & ego in vobis.* CONTRA. In hoc juxta Aug. & Cyrill. hîc loquitur de cognitione beata post hanc vitam. Deinde si contendatur loqui eum de hac vita, explicatur de Ecclesia, in qua quia sumus per fidem, cognoscimus Christum esse in nobis, sicut est in Ecclesia, cujus ipse Caput est, & nos membra.

VI. Rom. 3. 22. *Justitia Dei per Fidem Jesu Christi in omnes, & super omnes, qui credunt in eum.*

CON-

CONTRA. Apostolus non loquitur de secunda justificatione, sed de prima: unde nihil facit contra nos.

VII. Rom. 8. 15. *Accepistis Spiritum adoptionis filiorum Dei, in quo clamamus, Abba Pater; ipse enim Spiritus testimonium reddit spiritui nostro, quod simus filii DEI.* Si Spiritus Sanctus nobis dat testimonium; ergo certi sumus. CONTRA. I. Latini interpretes dicunt non intelligi per *testimonium Spiritûs Sancti* revelationem, sed internam aliquam suavitatem, & pacem, quæ est tantum signum conjecturale. II. Græci dicunt illud *testimonium Spir. S.* non esse, nisi motionem aliquam internam, quâ incitamur, ut dicamus, *Pater.*
An-

An autem illa motio interna sit à Spiritu S. semper, non constat nobis fide divina; cùm etiã magni peccatores ex aliqua interna motione dicant, *Pater.*

VIII. Rom. 8. 38. *Certus sum, quia neque mors &c. poterit nos separare à charitate Dei* CONTRA. S. Aug. sic explicat, certum esse omnes prædestinatos in charitate perseveraturos: de nullo autem in hac vita certi sumus, an sit prædestinatus. Amb. Hier. & alii per, *certus sum*, intelligunt confidentiam, aut certitudinem conjecturalem.

IX. 1. Cor. 2. 12. *Accepimus Spiritum, qui ex Deo est, ut sciamus quæ, à Deo donata sunt nobis.* Inter hæc dona est justificatio. CONTRA. Apostolus non

loquitur de particularibus donis,
sed communibus, omnibus ele-
ctis, uti est æterna gloria.

X. 1. Cor. 11. 28. *Probet se
ipsum homo, & sic de pane illo edat.*

CONTRA. Non loquitur de cer-
titudine fidei, sed morali, ex
conscientiæ sufficiente discussio-
ne.

XI. 2. Cor. 1. 12. *Gloria no-
stra hæc est, testimonium conscien-
tiæ nostræ.* CONTRA. Conscientiæ
testimonium, magnam parit læ-
titiā, sed non facit certitudinē
fidei de justificatione.

XII. Eph. 3. 12. *In quo ha-
bemus fiduciam, & accessum in con-
fidentiam per fidem ejus.* Hæc in-
ferunt certitudinem in eo, qui
audacter accedit. CONTRA. Esse
audacem, non est esse certum:
sed

sed certitudo gignit audaciam. Attamen Apostolus loquitur de veritate mysteriorum fidei, non verò de certitudine iustitiæ nostræ.

XIII. 1. Joan. 3. 14. *scimus, quoniam translati sumus de morte ad vitam, quoniam diligimus fratres* cap. 5. 18. *scimus quoniam ex Deo sumus.* CONTRA. I. Per *scimus* non infertur certitudo, sed cōjectura. II. Joannes loquitur quidem de se, non tamen secundum fidei certitudinē, sed confidenter. Vide de omnibus his Bell. hīc l. 3. c. 9.

Corollarium.

EX hoc colliges *scriptum esse, Eneminem esse cerrum de sua Justificatione sinè revelatione: & non esse scriptum, nos ex imputata Justitia esse certos.* CON-

* ') o (159) o (*
* * *
(CONTRORSIA XXIII.

De

NECESSITATE.

BONORUM OPERUM.

Catholica Doctrina.

Homini iusto, rationis usum habenti, opera bona, sive præcepta, sive supererogationis sunt necessaria ad salutem, non solum ratione præsentis, sed etiam efficientis: id est ita, ut sine illis, fides salutem non efficiat.

A catholici quærunt?

UBI SCRIPTUM EST?

R. I. Hebr. 10. 36. *Patientia vobis necessaria est, ut facientes voluntatem Dei reportetis promissionem.* I. Patientia, utpotè actus virtutis, opus est, & quidem, juxta Jac. 1. 12. Opus perfe-

perfectum. II. Necessaria ratio-
ne efficientiæ, quia est necessa-
ria, ut reportetis promissionē.

. II. Philip. 2. 12. *Cum metu, &
tremore salutem vestram operami-
ni* Ecce necessitas operum ratio-
ne efficientiæ.

III. 2. Cor. 7. 10. *Quæ se-
cundum Deum tristitia est, pœni-
tentiam in salutem stabilem ope-
ratur.* Pœnitentia utique opus est,
sed illa per tristitiam effecta, ope-
ratur salutem.

IV. Matth. 19. 17. *Si vis ad
vitam ingredi, serva mandata.*
Quis autem servabit, quin faci-
at opera? Itēm Matth. 25. 34.
*Venite benedicti Patris mei; possi-
dete paratum vobis regnum à con-
stitutione mundi: Esurivi enim &c.*
Causa salvationis à Christo assi-
gna.

gnatur, exhibuisse opera misericordiae; omisisse verò, causa damnationis. Et quis negat ea esse ad salutem necessaria?

V. Jac. 1. 23. Qui permanse-
rit in ea (id est lege) non audi-
tor obliuiosus factus, sed factor
operis, hic beatus in facto suo erit.

V. 22. Estote factores verbi, &
non auditores tantum, fallentes vos-
metipsos. Jac. 2. 14. Quid pro-
derit fratres mei, si fidem quis di-
cat se habere, opera autem non
habeat? Nunquid poterit fides sal-
vare eum? Quàm clarè!

VI. Jac. 2. 21. & seq. Abra-
ham Pater noster, nonne ex operi-
bus justificatus est, offerens filium
suum super Altare? Vides quoni-
am fides cooperabatur operibus
illius, & ex operibus fides con-
sum-

*)o(162)o(*

summata est? Sc. Videtis quoniam ex operibus justificatur homo, & non ex fide tantum? similiter & Raab meretrix, nonne ex operibus justificata est, suscipiens nuntios, & aliam viam ejiciens? His nihil videtur addendum, ed quod Aug. l. de fide & oper. c. 14. disertè affirmet, scopum Epist. S. Jac. (uti & Petri, Joā. & Judæ) esse docere fidem veram, atque Catholicam, contra hæresin tunc jam exortam, quæ docebat fidem sinè operibus ad salutem sufficere. Unde non mirum est, hanc Epist. nostris A catholicis non placere.

A catholicæ Doctrina.

Opera bona, non ratione efficientiæ, sed ratione præsentia, sunt ad salutem necessaria;

ni-

nimirum ut per ea fides esse viva,
& vera ostendatur. Hinc sola fides
efficit salutem. *Sed*

UBI SCRIPTUM EST?

R. I. Rom. 43. *Credidit Abra-*
ham, & reputatum est illi ad Justi-
tiam. Jac. 2. 23. additur. *Et a-*
micus Dei appellatus est. Qui lo-
cus tantum mentionem facit de
fide, & est directe S. Jacobo
contrarius; quanquam & ipse S.
Paulus locum ad Rom. ex Gen.
15. 6. adducat. CONTRA. Et
Paulus, & Jacobus loquuntur
tam de prima Justificatione,
quâ ex impio quis fit justus, uti
pater ex v. 5. quàm de secunda,
quâ ex justo fit justior, ut pater
ex v. 20. Unde hic sensus effi-
citur: Abraham & primò justi-
ficatus est per fidem, cum pri-
mum

mum credidit Deo, & secundò
justificatus est etiam per fidem,
quà secundò Deo promittenti,
& præcipienti credidit: à neutra
tamen fide Paulus opera exclu-
dit, nisi quæ solùm naturæ viri-
bus sinè fide, & gratia sunt fa-
cta; sed opera ex fide, & gratiâ
facta, ad fidem in utraque justi-
ficatione exigit, in prima quidẽ
ut dispositiones, in secunda verò
ut merita. Sic ex S. Aug. aliis-
que Doctoribus explicat Gabr.
Vasq. Tom. 2. in 1. 2. dis. 2. 10.
cap. 8. apud Corn. à Lap. hìc.

II. Rom. 3. 27. *Exclusa est
gloriatio tua; per quam legem?
factorum? non: sed per legem fidei.*
Excluditur ab Apostolo omnis
operum gloriatio. CONTRA. Eo-
rum scilicet operum, quæ vel ve-
teris

*)o(165)o(*

teris sunt legis, vel sine fide, & Christi gratia fiunt, gloriatio excluditur.

NOTA. A catholicos pro hac Controversia eisdem textus adducere, quos in Contr. 21. & sequente alibi unis; quare hic recensere omitto.

Corollarium.

Scriptum ergo est, opera bona cum fide ad salutem necessaria esse, & *non scriptum est* solum fidem sine operibus salutem operari.

CONTROVERSIÆ XXIV.

De

BONORUM OPERUM.

MERITO.

Catholica Doctrina

H

Ope-

Opera jutorum verè bona, & justa sunt, ideòque verè, ac propriè sunt meritoria, non cujuscunque præmii, sed ipsius vitæ æternæ, secundùm justitiam ex condigno ob Dei promissionem *Catholicici quarunt:*

UBI SCRIPTUM EST?

R. I. Matth 5. 16 *Sic luceat lux vestra coram hominibus, ut videant opera vestra bona, & glorificent Patrem vestrum, qui in Cælis est: Quod ipse Christus bonum dicit, potèrne esse malum? An patet; per peccata, & mala DEUS potest glorificari?*

II. 2. Pet. 1. 10. *Sic agite, ut per bona opera certam vestram vocationem, & electionem faciatis: hoc enim facientes non peccabitis: Cur ad bona opera Apostolus hortatur?*

hortatur, si sunt peccata, & mala?

III. Matth. 5. 12. *Gaudete, & exultate, quoniam merces vestra copiosa est in Calis.* Et Match. 20. 8. *Voca operarios, & redde illis mercedem.* Per hanc parabolam Aug. Hier. Greg. & alii apud Bell. hic intelligunt remunerationem bonorum operum in Calo. Si autem merces redditur bonis operibus; ergo verè sunt meritoria.

IV. 2. Tim. 4. 8. *Reposita est mihi corona Justitiae, quam reddet mihi Dominus in illa die justus Judex* &c. Heb. 6. 10. *Non est injustus DEUS, ut obliviscatur operis vestri.* Hinc ex Justitia de condigno, ob promissionem à DEO factam, dari operibus bo-

nis vitam aeternam docent Aug. Cyr. Chrys. & alii apud Corn. à Lap. 2. Tim. 4. Licet enim opera nostra sint Dei, tamen etiam sunt nostra; quia liberè facimus, quæ possemus non facere, ut ad Christum cum Aug. dicere possimus: *Reade, 'quod promissisti; quia fecimus, quod iussisti.*

V. Jac. 1. 12. *Accipiet coronam vitæ, quem repromisit Deus diligentibus se.* Ecce premissa operibus vita.

VI. 2. Thess. 1. 5. *Ut digni habeamini regno Dei, pro quo & patimini.* En opera digna sunt regno Dei.

VII. Huc pertineat alia plura loca. Job. 1. 22. & 2. 3. Ubi Deus Jobum commendat. Psal.

16. 3. Sap. 9. 12. Act. 10. 35.
Pl. 61. 13. Matth. 16. 27. Rom.
2. 6. & 7. & Matth. 25. 34. Quæ
omnia vide apud! Bèll. hic Tom.
3. de Justit. l. 5.

Acatolica Doctrina.

Opera bona Justorum sunt ve-
rè mala, & peccata coram
Deo: unde nec meritoria vitæ
æternæ quæ solùm ex misericor-
dia datur. *Verùm.*

UBI SCRIPTUM EST?

Ps. l. Pl. 142. 2. *Non intres
in judicium cum servo tuo, quia
non justificabitur in conspectu tuo
omnis vivens.* Ergo opera homi-
nis non possunt dici justa. CON-
TRA. I. S. Aug. sic explicat:
hominem ex se verè nihil ha-
bere, quo justificetur, sed solùm
ex gratia Dei: ex qua etiam ha-

het, quòd possit bene operari.
II. Aug. Greg. Hier. & alii a-
junt Davidem loqui de veniali-
bus, sine quibus vix ullus vivit:
quæ operibus bonis admixta,
non efficiunt quidem, ut opera
bona sint mala; faciunt tamen,
ut homo puniri possit, & à præ-
mio retardari.

II. Eccle. 7. 21. *Non est ho-
mo justus in terra, qui faciat bo-
num, & non peccet.* Si non po-
test facere bonum, quin peccet;
ergo bonum, quod facit est pec-
catum. CONTRA. Sensus est juxta
Hier. hic: neminem tam bene
operari, quin subinde etiam ve-
niale quid committat

III. Isa. 64. 6. *Quasi pannus
mensurata universa Justitiae no-
stræ. Quàm clarè!* CONTRA. I.
Non

Non loquitur Itaias de Justis, sed de insignibus peccatoribus; nam dixit v. 5. *Ecce tu iratus es, & peccavimus.* II. Loquitur de sacrificis, Neomeniis &c. quæ prava intentione vitiabant, & tamen justitias vocabant.

IV. Pl. 102. 4. *Coronat te in misericordia, & miserationibus.* Ergo non ex merito. CONTRA. Juxta Aug. cum merito stat misericordia, quæ venialia remittit, nec prohibet meritis ex Justitia dari coronam. Ex misericordia deinde datur gratia, sine qua bene non possumus operari.

V. Dan. 9. 18. *Non in justificationibus nostris prosternimus preces, ante faciem tuam, sed in miserationibus tuis multis.* CON-

TRA;

TRA. Daniel loquitur solum de captivitatis tempore in quem populus ob peccata venerat; unde non poterat opera bona allegare.

VI. Luc. 17. 10. *Cum feceritis omnia, quæ præcepta sunt vobis, dicite: servi inutiles sumus.*

CONTRA. Hunc locum vide explicatum, Contr. XVI. de Consiliis.

VII. Rom. 6. 23. *Gratia autem DEI vita æterna* Quid clariùs? CONTRA. Dicitur gratia, quia gratis habemus DEI gratiam, qua possumus vitam æternam mereri.

VIII. Rom. 8. 18. *Non sunt condignæ passionibus ad futuram gloriam.* CONTRA. Non est proportio, si & operum, & gloriæ substantan-

stantiam attendamus; est tamen
si charitatem, ex qua opera fi-
unt, consideremus: licet pecca-
torum delicta minora sunt, quàm
gehenna, sed ob DEI contem-
ptum digna sunt tantâ poenâ.

IX. Tit. 3. 5. *Non ex operi-
bus iustitiæ, quæ fecimus nos,
sed secundum suam misericordiam
salvos nos fecit* Ergo sit Chri-
sti meritis injuria, si merita ve-
limus pretendere. CONTRA. Si
simul fateamur, nos hæc ipsa meri-
ta ex Christi gratia habere, non
facimus ullam injuriam Christo.

Corollarium.

EX his videre est scriptum esse,
Opera Justorum esse bona,
& meritoria; sed non esse scriptum
ea esse peccata, & non meritoria.

H5 CON-

*)o(174)o(*
CONTRORSIA XXV.

De

PURGATORIO.

Catholica Doctrina.

PRæter Cælum, & infernum
est locus quidam, quem vo-
camus Purgatorium, in quo a-
nimæ, quæ in hac vita non ple-
nè sunt purgatæ, post eam pur-
gantur. *Sed*

UBI SCRIPTUM EST?

¶ I. I Cor 3. 10. & seq. *Fun-
damentum posui: alius autem su-
perædificat. Unusquisque autem vi-
deat, quomodo superædificet, &c.
Siquis autem superædificet super
fundamentum hoc, aurum, argen-
tum, lapides pretiosos, ligna, fœ-
num, stipulam; uniuscujusq; opus
manifestum, erit. Dies enim Do-
mini*

mini declarabit, quia in igne re-
 velabitur, & uniuscuiusque opus,
 quid sit, ignis probabit. Si cuius
 opus manserit, quod superædifica-
 vit, mercedem accipiet. Si cuius
 opus arserit, detrimentum patie-
 tur: ipse autem salvus erit, sic
 tamen quasi per ignem. In hoc
 Textu, Fundamentum est Chri-
 stus à Paulo, & aliis Apostolis
 annuntiatus: qui superædificant,
 sunt Doctores post Apostolos,
 & Christiani: aurum argentum,
 & lapides sunt, tum doctrina
 salutaris, tum opera bona: li-
 gnum, fœnum stipulæ, tum doctri-
 na inutilis, & curiosa, tum pec-
 cata venialia aliis bonis operi-
 bus mixta. Dies Domini, est ex-
 tremi iudicii dies: Ignis, qui in
 die Domini uniuscuiusque opus
 pro-

probabit, est severum DEI iudicium probans, & examinans ea, quæ superaddita sunt: *Ignis*, per quem salvus erit, est poena temporalis purgatoria, ad quam post mortem adjudicantur, qui superaddunt, *Fœnum* &c. scilicet peccata venialia, aut inutiles Doctrinas cum bonis operibus miscant, ut exurendis iis patiantur; salvi tamen post purgationem in igne præstium fiant. Sic apud Bell. hic l. 1. c. 6 exponunt Aug. Chrys. Amb. Ans. Th. Theod. Theoph. Cypr. & alii.

II. Matth. 5. 25. *Esto consentiens Adversario tuo cito, dum es in via cum eo: ne fortè tradat te Adversarius Iudici, & Iudex te tradat ministro, & in carcerem mittat-*

mittaris. Amen dico tibi, non exies inde, donec reddas novissimum quadrantem: in hoc textu Adversarius est Dei lex, vel ipse Deus, qui nostris pravis desideriis adversatur. Via est præsens vita. Judex est Christus. Tortor, vel Minister est Dæmon. Carcer est locus Purgatorius. Novissimus quadrans sunt minuta peccata, quæ in Purgatorio plectuntur. Sic apud Bel. hic l. 1. c. 7. exponunt Cypr. Orig. Gil. Ambr. Hier. Aug. & alii.

A catholicæ Doctrinæ.

Post hanc vitam nullum est Purgatorium; sed, si quod est, solum habetur in hac vita & in morte: horror enim, & pœna mortis, si quid purgandum superest, purgat. *Sed*

UBI SCRIPTUM EST?

R. I. Pl. 126. 3. *Cum dederit dilectis suis somnum, ecce hereditas Domini. Hic inter somnum, & hereditatem, id est mortem, & beatudinem nihil intercedit, quod purgatorium dici possit.*
 CONTRA. S. Aug. exponit de generali resurrectione, ubi non erit. Purgatorium.

II. Eccl. 9. 10. *Quodcumque facere potest manus tua, instanter operare; quia nec opus, nec ratio, nec sapientia, nec scientia erunt apud inferos, quod tu properas.*
 Hic nullum in altero seculo remedium relinquitur peccatori.
 CONTRA. I. S. Hier. hic explicat de illis, qui ob mortalia peccata descendunt ad Gehennam.
 II. S. Greg. l. 4. Dial c. 39.

ait

ait hìc moneri omnes, ut in hac
vita studeant ita vivere, quò illā
à DEO indulgentiā mereantur,
ut ubi ad Purgatorium venerint,
juvari se à vivis permittat; se
ip̃os enim juvare non valébunt.

III. Eccle. 11. 3. *Si ceciderit
lignum ad Austrum, aut ad Aquil-*
lonem, in quocunque loco cecide-
rit, ibi erit Hìc non datur tertius
locus. CONTRA. Sicut per Au-
strum intelligitur Gloria celestis,
ita etiam Purgatorium: nam
qui ad Purgatorium mittitur,
certus est de æterna salute. Vi-
de Hier. hìc & Bern: apud Bell.
c. 12. Eodem modo explicatur
illud 2. Cor. 5. 10.

IV. Mātth. 25. 34. & 41. ali-
is dicetur, *Venite benedicti,*
aliis; ite maledicti. Ubi hìc Pur-
gato-

gatorium; CONTRA. Sermo est de extremo iudicii die, ubi finem habebit Purgatorium.

V. Luc. 23. 43. Latroni dictum est. *Hodie mecum eris in Paradiso.* Ergo is non habuit Purgatorium. Ità Neque negamus posse hominem sic vivere, & tam multa patienter tolerare, ut sine lurgatorio Cælum petat.

VI. 2. Cor. 5. 1. *Si terrestris domus nostra hujus habitationis dissolvatur, ædificationem ex Deo habemus, domum non manu factam æternam in Cælis* Ergo rectâ à morte ibunt pii ad Cælum. CONTRA. Apostolus solum dicere intendit. Cælum non patere ante mortem.

VII. Apoc. 14. 13. *Beati mortui,*

tui, qui in Domino moriuntur:
amodo jam dicit Spiritus, ut re-
quiescant à laboribus suis. Si om-
nes pii post mortem requie-
scunt, ergo non torquentur.

CONTRA. I. Ans. explicat de ex-
tremo Judicii die. II. Rich. à
S. Viêt. & Haymo explicant de
viris perfectis, & Martyribus, qui
nihil purgandum secum ex hac
vita efferunt, Vide Bell. hìc l. 1.
c. 12.

Corollarium.

ERgò scriptum est Purgato-
rium esse, & non scriptum est
non esse.

CONTROVERSIA XXVI.

De

**SUFFRAGIIS PRO DEFUN-
CTIS.**

Catholica Doctrina.

A Nima in purgatorio deten-
ta possunt vivorum suffra-
giis, nimirum sacrificio Missæ,
Oratione, Elecmosynis, Jejuniis,
Peregrinationibus, & aliis ope-
ribus pœnalibus, & satisfactoriis
juvari. *Sed*

UBI SCRIPTUM EST?

R. L. 1. Mach. 12. 46. (Quem
librum Ecclesia, & Conc. Cartag.
3. Can. 47. Aug. I. 18. de Ci-
vit. DEI. c 36. pro Canonico
agnoscunt) *Sancta, & salubris est
cogitatio pro Defunctis exorare,
ut à peccatis solvantur; & ibidem
miserat Judas Jerololymam, du-
odecim millia drachmas argenti,
in sacrificia pro mortuis expen-
denda. In Cœlo autem Defun-
cti precibus, & sacrificiis non
egent; In Inferno iis non pro-
sunt,*

sunt, ergo sermo est de anima-
bus in Purgatorio existentibus.

II. Tob. 4. 18. *Panem tuum,
& vinum tuum super sepulturam
justi constitue, & noli ex eo man-
ducare, & bibere cum peccatoribus.*
Hic locus à S. Chrys. apud Bell.
hic c. 3. explicatur de eleemo-
synis in solatium Defunctorum.

III. 1. Reg. 31. 13. *Viri Ja-
bes Galaad tulerunt ossa Saul, &
Jonathæ, & sepelierunt, & jeju-
naverunt septem diebus.* 2. Reg.
1. 12. *David, omnesque viri, qui
erant cum eo, planxerunt, & fleve-
runt, & jejunaverunt usque ad ve-
esperam super Saul.* Nec jeju-
navit David solum in signum lu-
ctûs; nam pro filio suo ægroto
quidem jejunavit, non verò pro
mortuo (ubi tamen luctus solet
esse

esse maximus] quia cum ut innocentem sciebat suffragiis non egere. Vide Bell. hic lib. 1. cap. 3.

IV. Eccli. 7. 37. *Mortuo non prohibeas gratiam. Quæ autem alia gratia possit mortuo exhiberi, quàm ut suffragiis juvetur?*

A catholicæ Doctrinæ.

Defunctis non prosunt quidquam suffragia vivorum. *Sed*
UBI SCRIPTUM EST?

R. I. Eccli. 9. 5. *Viventes sciunt se morituros: mortui autem nihil noverunt amplius, nec habent ultra mercedem, quia oblivioni tradita est memoria eorum.*

CONTRA. Sapiens loquitur de bonis hujus vitæ? quasi dicat mortuos nil scire, quid agatur de rebus, quas reliquerunt, nec posse illos propria actione uti ad
suam

suam liberationem, sicut poterant ante per dispositionem. Vide Bell hinc l. 2. c. 15.

II. Gal. 6. 5. *Unusquisque onus suum portabit.* Hæc explicat Hier. de altera vita, in qua nemo ab altero possit juvari. CONTRA. Hier. vel intelligendus de iis, quia cum mortali decedunt, vel de extremo Judicii die, quando cessante Purgatorio, etiam cessabunt suffragia pro Defunctis: Nam is ipse graviter infectus in Vigilantium, qui negavit post mortem posse precibus vivorum, quemquam Defunctorum juvari.

Corollarium.

Scriptum ergo est posse vivorum Suffragiis Defunctos juvari, non scriptum est, non posse juvari.

CON-

*)o(186)o(*
*
CONTRORSIA XXVII.

De

CULTU SS.

Catholica Doctrina.

ANgeli, & Sancti à Pontifice,
& Ecclesia Canonizati pos-
sunt publicè; non Canonizati
verò privatim à nobiscoli, non
Latria, quæ soli DEO conve-
nit, sed Dulia, qui medius est
inter cultum Latriæ, & Civi-
lem. Sanctissima verò Human-
itas Christi, & B. V. ob mayo-
rem excellentiam, quàm habe-
ant alii SS. cultu Hyperdulia.

A catholicis quarunt:

UBI SCRIPTUM EST?

R. I. Psal. 98. 5. *Adorate sca-
bellum pedum ejus; Id est Arcam
Testamenti, quoniam sanctum est.*

Si

Sī Arca coli potuit, quia sancta;
cur non etiam Angeli, & San-
cti?

II. Num. 22. 31. *Balaam vi-
dit Angelum stantem in via, ado-
ravitque eum pronus in terram.*
Et Jos. 5. 14. *Cū Josue au-
diit virum ante se stantem esse
Principem exercitus Domini, vel
Ang. lum, cecidit pronus in ter-
ram, & adoravit.* Hæc adoratio
non potest dici cultus Patriæ, nec
cultus merè civilis; ergò Dulciæ.

III. 1. Reg. 28. 14. *Intellexit
Saul. quod Samuel, id est Anima
ejus suscitata esset, & inclinavit
se super faciem suam in terra, &
adoravit.* Non potest dici cultu
civilis adorasse, quia is Despo-
etis non convenit; Iergo Dulciæ.

Acatolica Doctrina.

Nec

NEc Angeli, nec homines Defuncti possunt ullo modo à vivis coli. *Sed*

UBI SCRIPTUM EST?

R. I. Deut. 6. 13. *Dominum DEUM tuum timebis, & illi soli servies;* Servire autem est colere, ergò non potest alteri, quàm Deo, tribui. CONTRA. Ex Græco *latreusis* ostenditur per *servire* intelligi cultum Latriæ.

II. 1. Tim: 1. 17. *Soli DEO honor, & gloria.* CONTRA. Non omnis, sed certus, id est Latria.

III. Matth. 4. 10. Diabolus à Christo tantum petiit juxta Græcum inclinationem, & tamen Christus negavit, cùm soli DEO d. beatur. CONTRA. Diabolus petiit inclinationem Latriæ: unde Latinus Textus dicit: *si adoraveris,*

IV.

IV. Gal. 4. 8. Exprobatur Galatis: *Iis, qui non sunt Dii, serviebatis.* CONTRA. *Servire iungitur hic ab Apostolo pro Latria, uti contextus probat.*

V. Act. 10. 26 Petrus prohibuit Cornelium se adorare, Item Act. 14. 14. Paulus, & Barnabas vetuerunt sibi sacrificari. Item Apoc. 19. 10. Joannes se adorari inhibuit. CONTRA. Prohibuerunt cultum Latriæ, soli DEO debitum.

Corollarium.

ECce scriptum est Angelos, & Sanctos posse coli: & non scriptum non posse coli.

CONTROVERSIA XXVIII.

De

SS. INVOCATIONE.

I.

Ca-

*)o(190)o(*
* *
Catholica Doctrina.

S'Ancti, sive Angeli, sive Homines, piè, & utiliter à viventibus invocantur; non ut ipsi ex se nobis aliquid conferant, sed pro nobis orent, & per Christum apud DEUM nobis, quod petimus, impetrent. *A catholicis quærunt:*

UBI SCRIPTUM EST?

R. I. Gen. 48. 16. *Angelus, qui eruit me de cunctis malis, benedicat pueris istis. Hic apertè Jacob Angelos invocavit.*

II. Exod. 32. 13. *Recordare Abraham, Isaac & Israel servorum tuorum.* Hic Moyses non quidem expressè invocat Abraham &c. quia ante Christi mortem non erant in Cælo, sed tamen eorum merita apud DEUM allegati.

III.

III. 1. Reg. 7. 8. Invocant filii Israel Samuelem; *Ne cesses pro nobis ad Dominum DEUM nostrum clamare, ut salvet nos de manu Philistinorum: Job. 42. 8. Job servus meus orabit pro vobis. Rom. 15. 30. Obsecro vos fratres, ut adjuvetis me in orationibus vestris pro me ad DEUM.* Si licuit viventes DEI amicos invocare; cur non licebit eos cum Deo regnantes in Cælo invocare? An quia ipsi juvare nolunt? aut majore sunt charitate præditi, quàm antè. An quia nō possunt? Cur non possint in Cælo, quod potuerunt in terris? An quia non sciunt, quid oremus? Unde sciunt Angeli peccatoris pœnitentiam, de qua gudent? Luc. 15. 10. An quia

Deo fit injuria, si alius quàm ipse invocetur? Sic neque viventes licebit invocare.

A catholicâ Doctrinâ.

Inutile, imò illicitum est Sanctos, sive Angelos, sive Homines invocare, ut pro nobis orent. *Sed*

UBI SCRIPTUM EST?

R. I. Rom. 10. 14. *Quomodo invocabunt, in quem non crediderunt? Viden? nemo invocandus, nisi in quem credimus, qui solus est DEUS. CONTRA.* Ergo nec viventes licebit invocare, nam etiam in illos non credimus. Apostolus autem loquitur de DEO, quem nemo possit invocare, nisi in eum credat.

II. 1. Tim 4. 5. *Unus mediator*

ator est DEI, & hominum, Homo
Christus Iesus. Ergò invocan-
do SS. pro mediatoribus, inju-
ria fit Christo. CONTRA. Sic nec
vivorum preces essent peten-
dæ. Deinde non rogamus san-
ctos ut vice Christi fungantur
apud DEUM: sed ut precibus su-
is juvent, quò facilius per Chri-
stū, quod petimus, impetremus.
Quæ hîc fiat Christo injuria?

III. 3. Reg. 8. 39. *Tu nōsti
solus cor omnium;* Ergo etiam so-
lus DEUS novit preces nostras,
& non Sancti. CONTRA. DEUS so-
lus propria virtute cor omnium
novit: Sancti autem cognoscūt
quid, & quantum à DEO ipsis
manifestatur, sive visione bea-
tifica, sive speciali revelatione.

IV. Luc. 11. 9. *Petite, & da-*

bitur vobis Joan. 16. 23. *Si quid
petieritis Patrem in nomine meo,
dabit vobis.* Ex his sequitur DE-
UM paratissimum esse nos juva-
re: quid ergo & Sancti sunt in-
vocandi? CONTRA. Quid ergo
DEUS misit ad Job amicos ejus?
Job. 42. 8.

V Matth. 6. 9. Docet Chri-
stus solum Patrem Coelestem in-
vacandum. CONTRA. Ergo nec
Christus, nec Spiritus Sanctus
est invocandus. Deinde ibi Chri-
stus non prohibet sanctos in-
vocare.

Corollarium.

SEquitur scriptum esse posse
Sanctos invocari: non verò
scriptum esse illicitum esse Sanctos
invocare.

CON-

*)o(195)o(*
CONTRORSIA XXIX

De

S A N C T O R U M.

RELIQUIIS.

Catholica Doctrina.

SANCTORUM Reliquiæ piè, &
Sfructuosè ab hominibus coli
possunt. *Sed*

UBI SCRIPTUM EST?

R. I. 4. Reg. 13. 21. *Cum ca-*
daver tetigisset ossa Elisæi, revi-
xit homo. Quo miraculo DEUS
ostendit, quàm etiam grata sibi
sint ossa suorum amicorum.

II. Matth. 9. 20. *Mulier,*
quæ sanguinis fluxum patiebatur,
tetigit cum reverentia fimbriam
vestimenti ejus, ut sanaretur. Act.
5. 15. *Ad umbram S. Petri po-*
nebant ægros, ut curarentur,

Act. 19. 12. *Super languidos deferébantur à corpore Pauli fudaria, & semicinctia, & recedebant ab eis languores. Si verò impium esset Reliquias colere, nec Petrus, nec Paulus id permisissent.*

A catholicà Doctrina.

Impium est Sanctorum Reliquias aliquo cultu venerari. Sed

UBI SCRIPTUM EST?

R. I. Matth. 23. 29. *Vae vobis Scribæ, & Pharisei hypocritæ, qui ædificatis Sepulchra Prophetarum, & ornatís monumenta iustorum. Ergò non placet DEO honor, qui reliquiis exhibetur.*
 CONTRA. Christus reprehendit eorum intentionem, vel quia faciebant, non ut honorarent Prophetas; sed ut ipsi viderentur

tur ab hominibus; vel quia ex pecunia injustè à Pauperibus, & Viduis. extorta ædificabant.

II. Deut. 34. 6. Abcondit DEUS corpus Moyli, ne Judæi illud colerent. CONTRA. Ne divinos illi honores exhiberent, ait S. Chryf. hom. 5. in Matth. Vide Bell. hìc l. 2. c. 4.

Corollarium.

HInc patet scriptum esse piè coli Sanctorum Reliquias, non verò scriptum esse impiè coli.

CONTROVERSIA XXX.

De

I M A G I N I B U S.

SANCTORUM.

Catholica Doctrina.

Licet Sanctorum Imagines habere, & col. re propter eos,

quos repræsentant, non tamen
alia ratione. *A catholicici quærent:*

UBI SCRIPTUM EST?

R. I. Exod. 25. 18. Præcepit DEUS fieri duos Cherubim supra arcam, qui aliis propitiatorium regerent: atque hi cum arca colebantur.

II. Num. 21. 18. iussit Dominus fieri Serpentem æneum, & poni pro signo; ut quicumque percussus aspexerit, vivat. Hic aspectus erat veneratio.

Si autem licuit colere in Imaginibus Angelos, & in Serpente æneo Christum, [hujus enim figura fuit, Joan. 3. 14.] Cur non & eundem Christum, & alios Sanctos in suis Imaginibus?

A catholica Doctrina.

Ido-

Idololatria est colere Sanctorū
Imagines. *Verum:*

UBI SCRIPTUM EST?

R. Exod. 20. 4. Deut 4. 16.
Rom. 1. 23. & seq; Prohibetur
cultus simulacrorum. CONTRA.
Prohibentur simulacra cultu di-
vino coli [prout Exod. 32. 1.
dicebant ad Aaronem: (*surge, fac
nobis DEOS;*) non vero in Ima-
ginibus Sancti.

Corollarium.

Scriptum est ergo posse coli in
Imaginibus Sanctos; è contra
non scriptum est non posse coli.

CONTROVERSIA XXXI.

De

SACRAMENTIS.

Catholica Doctrina.

Sacra-

Sacramenta, vel ritus, vel signa externa, & sensibilia, quæ ex divina institutione annexam habent promissionem gratiæ justificantis, sunt numero septem. *Verum rogant Aca-*
tholici:

UBI SCRIPTUM EST?

R. Iis in locis, quibus mox in sequentibus Controversiis singula Sacramenta ostendentur, in sacris literis fundari. Duo autem sunt notanda.

I. Numerum *Septenarium* quidem in Scriptura non reperiri, sicut nec numerū, vel binarium, vel ternarium &c. Adversariorum: reperiri tamē nec plura, nec pauciora quā septem, quibus definitio Sacramenti in genere convenit; quod sufficit.

II.

II. Neque hoc nomen, *Sacramentum*, Baptismo, & aliis attributum reperiri in Scriptura, nisi uni *Matrimonio*, quod tamen ipsimet Acatbolici plerique negant esse Sacramentum: nihil tamen referre; cum non sit *Controversia* de nomine.

Acatbolica Doctrina.

Varia est: nam subinde unum, subinde duo, subinde tria, subinde etiā quatuor constituunt. Negant tamen semper, & constanter esse septem. *Sed*

UBI SCRIPTUM EST?

{ NULLIBI. }

Corollarium per se.

CONTROVERSIA XXXII.

De

BAPTISMO.

Catho.

*)o(202)o(*
*)o(202)o(*
Catholica Doctrina.

Baptismus, qui est Sacramen-
tum regenerationis per aquā
in verbo vitæ, est primum, &
maximè necessarium Sacramen-
tum, tanquam medium ad sa-
lutem. *Sed.*

UBI SCRIPTUM EST?

*R. I. Eph. 5. 26. Ut illam
sanctificaret, mundans lavacro A-
quæ in verbo vitæ. Chryl. Theod.
Ambr. Ans. & alii apud Cornel.
à Lap. hic intelligunt Bapti-
smum*

*II. Joan. 3. 5. Nisi quis re-
natus fuerit ex Aqua, & Spiritu
Sancto, non potest introire in re-
gnum DEI. Hinc Concil. Trid.
sess. 7. Can. 2. Sic decernit:
Si quis dixerit, Baptismum non
esse necessarium ad salutem, ana-
thema sit.*

III.

III. Matth. 28. 19. *Docete gentes, Baptizantes eos in nomine Patris, & Filii, & Spiritûs Sancti* Mar. 16. 16. *Qui crediderit, & Baptizatus fuerit, salvus erit,* Vide Bell. de Sacr. in gen. l. 2. cap. 24. & hîc l. 1. c. 4.

Acatholica Doctrina.

Lutherani, & Calvinistæ in Baptismo, quoad substantiam, asserendo, & quòd sit Sacramentum à Christo institutum, non differunt à Doctrina Catholica: in ritibus verò, & ceremoniis, aliisque circa Baptismum sunt controversi; sed ea examinare non est hujus loci, nec nostri propositi, uti nec aliorum Hæreticorum errores excutere.

Corollarium

Scri-

Scriptum est Baptismum esse Sa-
cramentum ad salutem neces-
sarium.

CONTROVERSIA, XXXIII.

De

CONFIRMATIONE.

Catholica Doctrina.

Confirmatio est Sacramen-
tum, quô Baptizatis, impo-
sitione manuum Episcopaliū,
& Sacri Chrismatis inunctione,
infunditur Spiritus Sanctus, ut
ad pugnam confirmentur. *Ve-
rum*

UBI SCRIPTUM EST?

R. I. Joa. 14. 16. item Joa.
15. 26. item Joan. 16. 8. pro-
mittit Christus *Spiritum paracli-
tum*, qui consoletur in adversis,
Spiritum veritatis, qui eos con-
firmet,

firmet, ut intrepidè de eo testimonium perhibeant, & audeant mundum arguere: qui sunt effectus Confirmationis; unde Aët. 1. 8. ait Christus: *Accipietis virtutem supervenientis Spiritûs Sancti in vos, & eritis mihi testes, &c.*

II. Aët. 8. 15. 17. Postquam à Philippo in Samaria multi essent Baptizati, missi ad eos Petrus, & Joannes, oraverunt pro ipsis, ut acciperent Spiritum Sanctum: tunc imponebant manus super illos, & accipiebant Spiritum Sanctum. Itèm Aët. 19. 6. Corinthi, cùm imposuisset illis manus Paulus, venit Spiritus Sanctus super eos.

III. Luc. 24. 49. *Sedete in civitate, quoadusque induamini virtute ex alto.*

Ex his Scripturæ locis, quamquam disertis verbis non habeatur Confirmationis Institutio, tamen euidenter colligitur: nam ad Spiritûs Sancti gratiam communicandam non alio medio, quàm manuum impositione Apostoli sunt usi, (ecce ritus externus) adeo, ut etiam magnis itineribus Petrus, & Joan. Ierolymis Samariam propterea proficiscerentur: & Spiritûs Sancti Infusio illam manuum impositionem mox sequebatur (ecce gratia promissa!)

I. Neque hoc ritu absque Christi mādato usi fuisse credi possunt. Quodque hæc manuum impositio alia sit, ab ea, quæ in Sacramento Ordinis adhibetur, patet, quia hæc omnibus Baptizatis

zatis fiebat, quorum pauci Ecclesiae ministeriis applicabantur. Vide Bell. hic l. 2. c. 2. & seq.

II. Neque urgeri possumus ad clara Scripturae verba: nam nec profitemur omnia Fidei Catholicae dogmata ex Scriptura clarè ostendi posse, nec necessarium est; uti Contro: 1. ostensum.

Acatbolica Doctrina.

CONFIRMATIO non est Sacramentum, sed Ecclesiastica Ceremonia (sicut consecratio Aquae) quae publica fit precatio pro Baptizatis, ut Spiritu S. illos gubernare DEUS velit. *Sed*
UBI SCRIPTUM EST?

NULLIBI.

Corollarium per se.

CON-

CONTROVERSIA XXXIV.

De

EUCHARISTIA, ET
PRÆSENTIA CORPORIS
CHRISTI.

Catholica Doctrina.

Eucharistia est Sacramentum,
in quo post panis, & vini con-
secrationem, Dominus noster JE-
SUS Christus verus DEUS, &
homo, verè, realiter, ac sub-
stantialiter sub specie illarum re-
rum sensibilibus continetur. *Sed*

UBI SCRIPTUM EST?

R. I. 1. Cor. 11. 23. ex Matth.
26. 26. *Ego enim accepi à Do-
mino, quòd & tradidi vobis; quo-
niam Dominus JESUS, in qua
nocte tradebatur, accepit panem,
& gratias agens fregit, & dixit:*

Acci-

Accipite, & māducate: Hoc est Corpus meum, quod pro vobis tradetur: hoc facite in meam commemorationē. Similiter & Calicem, postquam cœnavit, dicens: Hic; Calix novum Testamentum est in meo Sanguine; hoc facite, quotiescunque bibetis, in meam commemorationem. Nemo controvertit hoc Textu ostendi Eucharistiæ Institutionem.

II. Præsētia realis Corporis Christi in Eucharistia ostenditur Verbis Dōmini apud Matth. 26. 26. Mar. 14. 22. Luc. 22. *Hoc est Corpus meum. HOC, id est res sub speciebus panis cōtenta; EST, id est non significat, sed verè, & propriè est, CORPUS MEUM, id est non Corpus mysticum, nec Corporis mei signum, sive efficax, sive inefficax, sed hoc ipsum verum, & proprium Corpus, quod*

* *)o(210)o(*

pro vobis tradetur in mortem.
Sic omnes SS. Patres, & Eccle-
sia à prima Institutione usque
huc intellexerunt, ut videre est
apud Bell. hìc l. 1. c. 10. & lib.
2. toto..

A catholicà Doctrina.

IN Eucharistia non est verè, &
Irealiter præsens Corpus Chri-
sti, sed vel figuratè tantum, ut
ait Calvinus, vel in sumptione
tantum, ut ajunt Lutherani. Sed

UBI SCRIPTUM EST?

R. I. Contendunt hæc verba:
Hoc est Corpus meum, figuratè
esse intelligenda. CONTRA. Com-
munis regula explicandæ Scri-
pturæ, à SS. PP. datur; ut, nisi
ab alia Scriptura, articulo ali-
quo Fidei, aut à communi to-
tius Ecclesiæ explicatione co-
gamur.

*)o(211)o(*

gamur, proprium verborum sensum nunquam dimittamus.

II. Ps. 113. 3. *DEUS autem noster in Cælo* Is. 66. 1. *Cælum sedes mea*: Ergo non est in templo, vel Altari per Sacramentum. CONTRA. In Cælo quidem gloriam Regni sui manifestat, tamen extra illud ubique est, & Teste Apostolo Act. 17. 27. *Non longè ab unoquoque nostrum*.

III. Matth. 15. 17. *Omne, quod in os intrat; in ventrem vadit, & in secessum emittitur*. Christus non emittitur in secessum; ergo nec in os intrat. CONTRA. Sicut ante consecrationem sub speciebus sine ullo sui detrimento non erat Christus; ita corruptis in stomacho speciebus sine ulla sui læsione, desinit ibi Corpus.

pus Christi adesse. In hoc Textu autem non loquitur Christus de omni, quod comeditur, sed quod ad nutriendum Corpus sumitur: Eucharistia autem non ad Corpus, sed animam nutriendam sumitur.

IV. Matth. 24. 23. *Si quis vobis dixerit: ecce hic est Christus, aut illic, nolite credere.* Ergo nec credendum est esse in hoc, vel illo Altari. CONTRA. Loquitur de Pseudo-Christis, ut contextus probat.

V. Matth. 26. 11. *Semper pauperes habetis vobiscum, me autem non semper habetis.* CONTRA. Loquitur Christus de præsentia sua corporali, & visibili, & eo statu, in quo ab hominibus aliquid possit utilitatis recipere.

VI. Mar. 16. 19. *Assumptus est in Cælum, & sedet à dextris DEI;* ergo si est in Eucharistia, debebit Cælum deferere. CONTRA. Non est necesse eum Cælum deferere, ut sit in Eucharistia; sicut quando Act. 9. 5. Paulo apparuit, Cælum non deseruit: sed per Omnipotentiam suam potest se in pluribus locis sistere.

VII. Luc. 24. 39. *Palpate, & videte, quia spiritus carnem, & ossa non habet, sicut me videtis habere.* In Eucharistia autem nec videri, nec palpari potest: ergo non est credendus ibi esse. CONTRA. Affirmativè bene sic concluditur: *hoc palpatur, & videtur: ergo corpus, & præsens est.* Non verò negativè: *hoc non palpatur nec videtur;*

tur; ergo nec Corpus, nec præsens est. Nonne Luc. 4. 30. Transiens per medium illorum, qui de Monte præcipitare volebant, ibat, ut notum fuerit visus, ergo nec Corpus, nec præsens erat? quis hoc sanè asserat?

VIII. Joan. 6. 64. *Spiritus est, qui vivificat: caro non prodest quidquam. Hic clarè dicitur Christi Corpus non corporaliter manducandum. CONTRA. Non loquitur Christus de carne sua: sed de carnali intelligentia Cappharnaitarū, qui putabāt carnem Christi māducādā ad modū alterius carnis. Nam sibi contradiceret, dum ait v. 54. Nisī manducaveritis Carnem Filii Hominis &c. non habebitis vitam. Hoc autem*

*) 0 (215) 0 (*
autem verbum *Manducare* est
propriè sumendum.

IX. Joan. 12. 26. *Ubi sum ego,*
illic & minister meus erit. Sed
Sancti non sunt in Eucharistia;
ergo neque Christus. CONTRA.
Non dicit: *ubicumque sum;* sed
ubi sum; Pro quo satis est, si ali-
cubi cum eo sint Sancti; nempe
in Regno gloriæ, de quo hîc
loquitur.

X. Joan. 16. 28. *Relinquo*
Mundum, & vado ad Patrem.
CONTRA. Intelligendum est,
quoad conversationem huma-
nam, quod non impedit alium
præsentia modum.

XI. Act 17. 24. *DEUS non in*
manufactis templis habitat. CON-
TRA. Similia loca propriè intel-
liguntur de Divinitate, quæ licèt

sit ubique; tamen non indiget loco, quam indigentiam hoc verbum *habitare* infert.

XII. 1. Cor. 10. 16. *Panis, quem frangimus, nonne participatio corporis Domini est?* si est panis; ergo non est Corpus Christi. CONTRA. I. Vocatur Panis juxta externam apparentiam specierum, quod Scripturæ est familiare. II. Phrasi Hebraica, omnis cibus generatim vocatur panis.

XIII. Coloss. 3. 1. *Quæ sursum sunt querite, ubi Christus est in dextera DEI sedens.* Ego non est querendus in Eucharistia. CONTRA. Non intelligit elevationem ad locum corporalem, sed abstractionem à rebus terrenis, & curis hujus vitæ ad DEUM:
alio-

alloqui Astrologi omnium hominum piissimi essent, qui semper & animò, & oculis inter sidera versantur. Vid. Bell. hic l.

I. C. 14.

Corollarium.

Nonne scriptum est: in Eucharistia verè esse Corpus Christi? contrarium verò non est scriptum?

CONTROVERSIA XXXV.

De

PRÆSENTIA CORPORIS CHRISTI EXTRA USUM.

Catholica Doctrina.

Consecratione peracta, Corpus Christi sub specie panis existens, verè & propriè est Sacramentum, sive sumatur, si-

K₃

ve

* *)o(218)o(*
ve in pixide asservetur. *Quærunt
Acatbolici.*

UBI SCRIPTUM EST?

R. I. Matth. 26. 26. *Hoc est
Corpus meum.* Hæc verba mox,
ubi à Christo prolata sunt, fue-
runt vera: sed fuerunt ante
manducationem prolata: ergo
etiam antè manducationem fue-
runt vera, & verè sub speciebus
existit Sacramentum Corporis,
& Sanguinis Christi, etiam ante
manducationē: hinc Aug. dicit
Tr. 80. in Joan. *Accedit verbum
ad elementum, & fit Sacramentum.*

II. 1. Cor 10. 16. *Calix bene-
dictionis, cui benedicimus, nonne
communicatio Sanguinis Christi est?
& panis, quem frangimus, nonne
participatio Corporis Domini est?*
Hic apertè Paulus dicit prius
panem,

panem, & vinum consecrari,
quàm frangatur, & distribuatur.
Hinc Chryl. in illum locum ait:
Quid est in Calice? quod ex latere
Christi fluxit. Vide Bell. hìc l. 4.
c. 2. Et malè à tota Ecclesia,
& omnibus Patribus diceretur
Sacramentum Altaris? si tantum-
modo manducando fieret Sacra-
mentum; sed dici deberet, Sa-
cramentum gutturis, vel man-
dicationis.

Acatolica Doctrina.

CORpus Christi propriè, & ve-
rè non est in Eucharistia, ni-
sì dum sumitur. *Verum.*

UBI SCRIPTUM EST?

R. I. Matth. 26. 26. *Accipit*
Jesus panem, & benedixit, ac
fregit, deditque Discipulis suis,
& ait: accipite, & comedite. Hoc

est corpus meum. Hic Dominus prius manducationem imperat, quàm consecret: ergo sicut distributionem immediatè secuta est verborum prolatio; ità & conversio panis in Christi Corpus. CONTRA. Licet Evangelista prius narret distributionem, & manducationem, quàm verborum prolationem; non tamen credendum est hoc ordine peracta; quia Verba consecrationis continent rationem, quare deberent manducare hunc panem Eucharisticum.

II. Sacramenta pendent à divina institutione: sed Dominus instituit Eucharistiam, ut manducaretur, non autem ut in pixide servaretur; ergo non est Sacramentum; nisi cum manducatur.

* *)o(221)o(* *

catur. CONTRA. Dominus non
iussit, ut continuo peracta con-
secratione manducaretur: sed ius-
sit consecrari ad eum finem,
ut manducaretur; quod fit, li-
cet in pixide fervetur. Dein-
de non prohibuit fervari in pi-
xide, & Altari, ut tempore op-
portuno manducetur.

Corollarium.

ERgo scriptum est etiam extra
Eulism esse Corpus Christi sub
speciebus, & non scriptum est,
non esse, nisi sumatur.

CONTROVERSIA XXXVI.

De

COMMUNIONE SUB
UNA SPECIE.

Catholica Doctrina.

Ks

Io

IN qualibet specie invenitur tota essentia, & ratio Sacramenti; ita ut Hostia consecrata, sicut in templis asservatur, & à Laicis sumitur, non dici possit dimidiatum, sed dici debeat propriè integrum Sacramentum Eucharistia: unde non est necesse sub utraque specie, sed sufficit sub una communicare. *Sed*

UBI SCRIPTUM EST?

R. I. Ex Matth. 26. 26. *Hoc est Corpus meum*; certum est Corpus Christi esse in Eucharistia: & ex Rom. 6. 9. *Christus resurgens ex mortuis jam non moritur*, certum est non esse Corpus exanimatum, & exanguem, sed vivum. Ergo si sub specie panis est Corpus vivum Christi, est totus Christus.

II. Joan. 6. 52. *Si quis manducaverit ex hoc pane, vivet in æternum. v. 50. Hic est panis de Cælo descendens, ut si quis ex ipso manducaverit, non moriatur. v. 59. Qui manducat hunc panem, vivet in æternum v. 58. Qui manducat me, & ipse vivet propter me. Quos Textus ex c. 6. Joan. plerique Patres, & Ecclesia intelligunt de Eucharistia, ut videre est apud Bell. hìc l. 1. c. 5. Atqui in his Textibus Christus ostendit ad salutem sufficere unam speciem, cum non faciat mentionem alterius, & tamen promittit vitam æternam. Vide Bell. hìc l. 4. c. 24.*

III. 1. Cor. 11. 27. *Quicumque manducaverit Panem hunc, vel biberit Calicem Domini indignè &c.*
Hìc

Hic clarè loquitur Apostolus non de necessaria sumptione utriusque speciei, sed de alterutro, quod ex particula, *vel*, ostenditur.

A catholicæ Doctrinæ.

Christi præceptum est sub utraque specie communicare, neque in una specie totum habetur Sacramentum. *Sed*

UBI SCRIPTUM EST?

R. I. Joan. 6. 54. *Nisi manducaveritis carnem Filii Hominis: & biberitis ejus Sanguinem, non habebitis vitam in vobis.* Hæc conjunctio *nisi* significat præceptum. **CONTRA.** I. Præcipitur res, id est Sacramentum sumendum, non modus sumendi. Jam autem sub una specie dum sumitur Corpus vivum,
per

per concomitantiam sumitur & Sanguis. II. Particula & in Scriptura sæpè sumitur disjunctivè pro *vel*; ut sit sensus, nisi vel manducaveritis, vel biberitis, &c. II. S. Aug. dicit multa in Scripturis esse præcepta, quæ non per singulos, sed aliquos sunt implenda inter quæ est illud Gen. 1. 28. *Crescite, & multiplicamini*, & hoc, de quo agimus.

II. Matth. 26. 27. *Bibite ex hoc omnes*. CONTRA. *Omnes* non sumitur universalissimè pro omnibus Hominibus, alioquin & Turcis, & Judæis, & Ethnicis, & infantibus, & abstemiis oporteret dare Cálicem bibendum: sed sumitur pro solis Apostolis ibi præsentibus, quibus nimirum & Cálicem dedit, & de quibus
mox

mox dictum; *Biberunt ex eo omnes*, Cur autem non dixerit; manducate ex hoc omnes, & tamen dixerit, *bibite ex eo omnes*; ratio est, quia non dabat unum panem ex quo omnes manducarent, sed in tot partes fractū, & divisum, quot illi erant: e contra dedit unum Calicem, ex quo omnes biberent; hinc monebat itā ex uno, & eodem Calice bibendum à singulis, ut sufficeret pro omnibus.

III. Luc. 22. 19. *Hoc facite*. Hic præcepit, ut Apostoli eadem facerent, quæ ipse circa Eucharistiam fecerat: quid fecit? consecravit, sumpit, & distribuit præsentibus utramque speciem. CONTRA. Lucas hæc verba solum ponit post datum Sacra-

Sacramentum sub specie panis, neque post Calicem porrectum repetiit: unde colligitur non voluisse Christum omnibus Calicem exhiberi, ut necessarium ad salutem. Nec probat quidquam particula, *similiter & Calicem &c.* nam illud *similiter* refertur ad *accepit*, ut sit sensus: sicut accepit panem ita accepit Calicem.

IV. 1. Cor. 11. 23. *Ego accepi à Domino, quod & tradidi vobis &c.* Hæc est Traditio Apostolica, quâ tradidit utramq; speciem esse sumendâ. CONTRA.

Tradidi hic non significat *mandavi*, sed *exposui* vobis Historiam de Sacramenti institutione.

V. 5. 25. Apostolus etiam ad Calicem apponit præceptum:

Hoc

Hoc facite; sicut ad panem.
CONTRA. Ad panem apponit
 absolutè; ad Calicem verò cum
 conditione; *Hoc facite, quotiescum-*
que bibetis. Vide Bell. hìc lib.
 4. cap. 25.

Corollarium.

AN *scriptum est esse præceptum*
 Communionem sub utraque
 specie? an: verò *scriptum est*
 Communionem sub una sufficere
 ad salutem?

CONTROVERSIA XXXVII.

De

SACRIFICIO MISSÆ.

Catholica Doctrina.

Missa est Sacrificium, in quo
 IDEO verè ac propriè offer-
 tur Corpus, & Sanguis Christi,
 sub specie viùibili panis & vini,
 modò

modò incruentò, quod ipse cruentò obtulit in Cruce. *Verum.*

UBI SCRIPTUM EST?

R. I. Luc, 22. 19. & 1. Cor. 11. 24. *Hoc facite in meam commemorationem.* His verbis mandavit Apostolis, & toti Ecclesiæ ad sui memoriam *facere hoc*, quod ipse tunc in Cœna faciebat, de quo ne A catholici quidem dubitant: sed Christus in ultima Cœna se ipsum sub specie panis, & vini, DEO Patri obtulit. Nam præterquam quòd *facere* tam in lingua Syriaca, vel Hebraica, quàm Latina sumatur pro *sacrificare*; sic Lev. 15. 15. dicitur: *Faciet unum pro peccato*, Et 3. Reg. 18. 23. ait Elias: *Et ego faciam bovem alterum*: hæc verba, quæ Lucas

cas

*)o(230)o(*

cas dicit, quod pro vobis datur,
& qui pro vobis funditur, aut
quæ Matth. 26 28. ponit, qui
pro multis effundetur in remissio-
nem peccatorum, aut quæ Paulus,
1. Cor. 10. 16. ait; panis, quem
frangimus, hæc inquam verba,
datur, funditur, effundetur, fran-
gimus, non significant Apostolis
dari ad imanducandum, vel
fundi ad bibendum, sed sacri-
ficari, vel offerri pro Apostolis,
nam dicitur pro vobis: neq; pro
solis Apostolis, sed pro omni-
bus nam dicitur: pro multis, Sic
intelligunt SS. PP. apud Bell.
hic l. 1. c. 12.

II. Psal. 109. 4. Tu es Sa-
cerdos in æternum secundum ordi-
nem Melchisedech, qui Gen. 14.
1. 8. Proferens panem, & vinum
[erat

[erat enim Sacerdos DEI altissimi] benedixit ei. Quæ David vaticinatus est de Christi incruento sacrificio, quod tùm ipse in Cœna ultima obtulit, tùm per Sacerdotes in Ecclesia sua quotidie offert, usque ad sæculi consummationem. Sic accipiunt Patres apud Bell. hìc l. I. c. 6.

III. Malach. I. II. *Ab ortu solis usque ad occasum, magnum est nomen meum in Gentibus, & in omni loco sacrificatur, & offertur nomini meo oblatio munda.* Hæc utique non intelliguntur de gentibus Idololatri, sed conversis ad Christum? quæ autem illa oblatio munda, ut vera sit Prophe- tia, nisi Sacrificium Corporis & Sanguinis Christi incruentum. Sic SS. Patres accipiunt apud Bell. hìc l. I. c. 10. *Aca-*

IN Missa DEO præter orationes nihil offertur à nobis, sed potius nobis offert DEUS Sacramentum: ut Catholicorum Missâ non Sacrificium, sed abominatio sit dicenda. *Sic in variis locis pud Luther. Verum*

UBI SCRIPTUM EST?

R. I. Matth 26. 26. *Accipite, & comedite.* His verbis Christus instituit Sacramentum, & non Sacrificium, sèque nobis offert, non autem vult à nobis se sibi offerri. CONTRA. per illa *Hoc facite*, instituit Sacrificium: deinde sub diversis rationibus idẽ Corpus, & Sanguinem Christi nos à Christo accipimus, & cum Christo DEO Patri incruentè offerimus, quod non repugnat.

II. Christus suum Corpus & Sanguinem Apostolis distribuit, non Patri obtulit. CONTRA. Cōtrarium modò in Doctrina Catholica ostensum.

III. Matth. 16 29. *Non bibam amodò de hoc genimine vitis.* His verbis videtur prohibere sacrificium. CONTRA. Hæc intelligenda esse de Calice, quem dedit bibendum post Cœnam Agni, antequam institueret Sacramentum, ostendit Lucas 22. 18. & ex eo Hieron. Beda, & alii apud Corn. à Lap. hîc.

IV. Pl. 109. 4. *Tu es Sacerdos in æternum, secundum ordinem Melchisedech.* Solus, & unus Christus, est Sacerdos, qui panem & vinum offerat in æternum; ergo non sunt alii Sacerdotes

ut successores substituendū, qui offerant. CONTRA. Quòd Christus sit *Sacerdos secundum ordinem Melchisedech in æternum*, non impedit quo minùs ipse per alios etiam Sacerdotes, ut Ministros suos in hoc Sacerdotio possit offerre panem, & vinum.

V Joan. 10. 30. *Consummatum est* His significat Christus uno Sacrificio perfectum esse quidquid ad salutem nostram necessarium erat, nec opus alio Sacrificio. CONTRA. His verbis significat consummatum esse crucentum Sacrificium, & pœnas, quas in carne passurus erat. Sic Aug. Cyr. Theoph. & alii exponunt apud Bell. hic l. 1. c. 25.

Corollarium.

Sequi-

SEquitur scriptum esse, in Ec-
clesia esse Sacrificium incru-
entum Corporis, & Sanguinis
Christi; non verò esse scriptum
contrarium.

CONTROVERSIA XXXVIII.

De

EXTREMA UNCTIO- NE

Catholica Doctrina.

EXTrema unctio, est verè, &
propriè dñum Sacramen-
tum, quò cœlestis virtus ad sa-
lutem tum Animæ, tum Corpo-
ris ægrotis applicetur. *Verum*

UBI SCRIPTUM EST?

R. Jac 5. 14. *Infirmatur quis
in vobis? inducat Presbyteros Ec-
clesiæ, & orent super eum, ungen-
tes eum, Oleo in nomine Domini:*

& ora.

*& oratio fidei salvabit infirmum,
& alleviabit eum Dominus, & si
in peccatis sit, remittentur ei. Hic
habemus, quæ tria ad Sacra-
menti essentiam requiruntur,
Symbolum externum, ungentes
eum Oleo, promissionem gratiæ,
alleviabit eum Dominus, & si in
peccatis &c. Institutionem ex eo,
quod Apostolus tam fidenter
promittat, & tradat. Vide Bell.
hic l. 2. c. 2.*

Acatbolica Doctrina.

EXtrema Unctio, non est Sa-
cramentum. Sed

UBI SCRIPTUM EST?

{ NULLIBI. }

Hinc I. semper negant hanc
Jacobi Epistolam esse Canoni-
cam, sed Ecclesia tota, & SS.
Patres

Patres pro Canonica acceperunt.
II. Querunt ubi scriptum est S.
Jacobum hæc ita accepisse à Do-
mino? Catholici vicissim quærunt,
ubi scriptum est eum non accepisse?
Et cui plus credendum, Apo-
stolo id tam constanter asserenti,
& tradenti, an A catholicis?

Corollarium per se.

CONTROVERSIA XXXIX.

De

ORDINE.

Catholica Doctrina.

ORdo est verè, ac propriè di-
ctum Sacramentum, quò sin-
gularis gratia, & potestas spiritua-
lis quibusdā traditur, ut munus
in Ecclesia ex professo gerāt. *Sed*
UBI SCRIPTUM EST?

R. I. Act. 6. 6. & 13. 3. &c.

L

Ha-

Habetur *Impositio manum*, quâ
& Diaconos, & Episcopos ordi-
nârunt. Nec manuum imposi-
tio solùm ad orationem ab Apo-
stolis, sed ad ordinandum Ec-
clesiæ Ministros adhibebatur. Et
hoc est Symbolum externum ad
Sacramenti essentiam, requisitum.

II. 1. Tim. 4. 14. *Noli ne-
gligere gratiam, quæ data est ti-
bi per prophetiam, cum impositio-
ne manuum presbyterii.* Et 2. Tim.
1. 6. *Admoneo te &c* ostenditur
promissio gratiæ, quæ est secun-
dum requisitum.

III. Act. 13. 2. *Segregate mi-
hi Saulum, & Barnabam &c.*
Act. 20. 28. *In quovos Spiritus
Sanctus posuit Episcopos.* Ex hoc
ostenditur mandatum, & insti-
tutio, quod tertium est requi-
situm

fitum. Vid. Bell. hìc l. 1. c. 2.
& apud Cornel. à Lap. Chryf.
Theophyl. &c.

Acatholica Doctrina.

ORdo non est Sacramentū. *Sed*
UBI SCRIPTUM EST?

NULLIBI.

Sed tamen opponunt Exem-
plum Christi, qui Apostolis non
imposuerit manus, cū eos Sa-
cerdotes ordinavit. CONTRA. I.
Ubi scriptum est Christum A-
postolis manus non imposuisse?
II. Licet Christus non imposu-
isset manus, nihil probat contra
Sacramentum; quia Christus Sa-
cramenti auctor non erat ita
alligatus Sacramētis, sed poterat
effectum Sacramenti sine Sacra-
mentodare.

CONTROVERSIA XL.

De

MATRIMONIO.

Catholica Doctrina.

Matrimonium est verè & propriè dictum Sacramentum, ad individuanv vitæ consuetudinem inter conjuges transigendam, divinitus institutum: *Sed*

UBI SCRIPTUM EST?

R^è. I. Eph. 5. 32. *Sacramentum hoc magnum est, ego autem dico in Christo & in Ecclesia. Neque censendus est solum loqui Apostolus de Matrimonio, ut est contractus, & prout fuit ab initio Mundi; quia in omnibus comparat conjunctioni, quæ est inter Christum, & Ecclesiam. Et*
sic.

sic explicant Amb. Hier. Chryf. Aug. & alii; hunc Apostoli Textū cum prioribus illius capitis, apud Bell. hęc l. 1. c. 2. Et hoc est symbolum externum.

II. 1. Tim. 2. 15. *Salvabitur per filiorum generationem, si permanserit in fide &c.* vel si aliis peccatis gratiam non impediāt. Et hęc est promissio gratiæ.

III. Ex his Apostolis verbis tam constanter asseverantis colligitur institutio, quam à Christo, vel aliis Apostolis acceperit: secūs enim tam confidenter Apostolus nunquam asseruisset.

A catholicā Doctrina.

Matrimonium non est Sacramentum à Christo institutum. *Sed*

UBI SCRIPTUM EST?

Nulli.

CONTROVERSIA XLI.

De

P O E N I T E N T I A.

Catholica Doctrina.

Pœnitentia est verè, & propriè dictum Sacramentum, in quo Sacerdotalis absolutio à peccatis, quæ detestatus, ritèque confessus quis fuerit, impenditur. *Verùm.*

UBI SCRIPTUM EST?

R. Joan. 20. 23. *Quorum remiseritis peccata, remittuntur eis, & quorum retinueritis, retenta sunt.* His verbis tria ad Sacramentum requisita ostenduntur. I. Ritus, seu symbolum externum

num istis verbis: *quorum remis-
tis, & quorum retinueritis*, decla-
ratur; peccata enim nec remitti,
nec retineri ulli possunt, nisi qui
testetur se habere; & nemo ea
remittere, aut retinere creditur;
nisi id faciat signo aliquo exter-
no. Ergo hic est ritus pœniten-
tis, & absolventis. II. His ipsis
verbis clarè apparet institutio,
quibus Christus potestatem tri-
buit. III. Gratiæ promissio iis
verbis, *remituntur eis*, exprimi-
tur. Vide Bell. hîc l. i. c. 10.

A catholicâ Doctrinâ.

POenitentia non est verum
Sacramentum, nisi idem sit
cum Baptismo. *Sed*

UBI SCRIPTUM EST?

R. Act. 2. 38. *Pœnitentiam
agite, & baptizetur unusquisque*

ve -

vestrum, in nomine Jesu in remissionem peccatorum. CONTRA. Hic agitur de adultis non baptizatis, uti contextus probat, in quibus non negamus poenitentiam requiri antè, & cum Baptismo: nos verò agimus de Poenitentia, quâ post Baptismum peccata remittuntur; de qua Petrus Act. 8. 22. ad Simonem Magum baptizatum loquitur: *Poenitentiam age ab hac nequitia tua.*

Corollarium

QUàm perspicuum est scriptum esse Poenitentiam esse verum Sacramentum: nullibi verò scriptum esse non esse Sacramentum?

CONTROVERSIA XLII.

De

CONFESSIO NE.

Catho-

Confessio omnium peccatorū
mortalium: jure divino ne-
cessaria est iis, qui post Bapti-
smum in peccata labuntur. *Verūm*
UBI SCRIPTUM EST?

R. I. Matth. 16. 19. *Tibi da-
bo claves regni Cælorum: & quod-
cunque ligaveris super terram, erit
ligatum & in Cælis: & quodcun-
que solveris super terram, erit so-
lutum & in Cælis.* Matth. 18. 18.

*Quæcunque alligaveritis super
terram, erunt ligata & in Cælo,
& quæcunque solveritis super ter-
ram, erunt soluta & in Cælo.*

Joan. 20. 23. *Quorum remiseri-
tis peccata, remittuntur eis, &
quorum retinueritis, retenta sunt.*
In his locis verè à Christo da-
tur potestas, non prædicandi,

& pænitentibus remissionem, aut
impænitentibus damnationem
annuntiandi, sed verè ex au-
thoritate absolvendi, aut ligan-
di, remittendi, aut retinendi
peccata. Hæc autem potestas est
judiciaria, & sine cognitione
causæ exerceri non potest: qua-
re necessaria est peccatorum
Confessio, ut Sacerdos tanquam
iudex de iis, possit cognoscere,
& sententiam ferre. Sic Textus
hos exponunt Chrys. Naz.
Ambr. Hier. Aug. Innoc. Greg.
apud Bell. hîc lib 3. c. 2.

II. Aët. 19. 18. *Multi cre-
dentium baptizatorum veniebant
confitentes, & annuntiantes actus
suos.* Hunc locum de vera pec-
catorum Confessione accipiunt
Doctores apud Corn. à Lap.
hîc. II.

III. Jac. 5. 16. *Confitemini alterutrum peccata vestra, & orate pro invicem, ut saluemini.* Hunc de confessione explicat Beda, Bern. Hugo. Bonav. aliique apud Cornel, à Lap. hìc

IV. 1. Joan. 1. 9. *confiteamur peccata nostra, fidelis est, & justus, ut remittat nobis peccata nostra, & emundet nos ab omni iniquitate.* Hìc intelligi specialem Confessionem gravium peccatorum docent ex Patribus tam Bell. 1. 1. de Pœnit. cap. 13. quàm Cornel. à Lap. hìc.

A catholicà Doctrina.

CONFESSIO secreta, & specialis peccatorum, quæ secunda pars est Pœnitentiæ, non est à DEO præcepta: unde nec quisquam ad eam cogi potest, sed est

est libera, ut ea quis enumeret,
quæ voluerit. *Sed*

UBI SCRIPTUM EST?

{

NULLIBI.

}

Neque licet hic argumentari
à Christi Exemplo, qui passim
sine Confessione peccata remi-
sit: nam ipse ut auctor Sacra-
mentorum, non dependebat à
Sacramento, sed ut DEUS pec-
cata simpliciter donavit; Sacer-
dotes autem ut Ministri depen-
dent à Sacramento.

Corollarium per se.

CONTROVERSIA XLIII.

De

SATISFACTIONE.

Catholica Doctrina.

POST remissam culpam sæpè
remanet reatus pœnæ tempo-
ralis,

ralis, in qnam pœua Gehennæ
æterna mortalibus peccatis debi-
ta, est mutata. Sed

UBI SCRIPTUM EST?

R. I. 2. Reg. 12. 13. Dicen-
ti Dávid: *Peccavi Domino*, dixit
Nathan: *Dominus quoque transtu-
lit peccatum tuum: non morieris.*
Verumtamen quoniam blasphemare
fecisti inimicos Domini, propter
verbum hoc, filius, qui natus est
tibi, morte morietur. 2. Reg. 24.
12. David ob numeratum Popu-
lum pœnitentiam egerat, & ta-
men post remissam culpam da-
tur optio, ut eligat in pœnam
peccati, vel bellum, vel famem,
vel pestem. Et his Davidem re-
vera ob peccata pratetita, non
ad futura cavenda, punitum
fuisse ostendit. tum ipse David,
qui

*)o(250)o(* *

qui conatus est utramque pœnam, pœnalibus operibus aut avertere, aut mittigare, tum S. Gregor l. 9. Mor. c. 27 apud Bell. hîc l. 4. c. 2.

II. Plura loca adduci possunt Num 14. ubi populo remissâ culpâ, omnes tamen mortui in pœnam in deserto. Num. 20. ubi Moyfes, & Aaron eadem pœnâ mulctantur &c.

A catholicâ Doctrina.

REmissâ culpâ, nullas à Justis pœnas ob præterita delicta DEUS exigit, sed tantum paternè castigat ad cavenda futura.
Verum

UBI SCRIPTUM EST?

R. I. !Ezech. 33. 22. *Impietas impii non nocebit ei, in quacunque die conversus fuerit ab impietate*

pietate sua. Ergo nullas post conversionem DEUS pœnas exigit. CONTRA. Propheta loquitur de pœna æterna, quam post conversionem non imponet DEUS. Vide Bell. hîc l. 4. c. 11.

II. Joan. 8. 14. Adulteræ Christus post remissam culpam non aliam pœnâ imponit, quàm: *Vade, & jam amplius noli peccare.* COMTRA. Potuit Christus, ut DEUS, ob magnitudinem contritionis, omnem pœnam cum culpa dimisisse: sed indè non licet argumentari ad Sacerdotes, qui tanquam Ministri dependent à Sacramento.

Corollarium.

AN non scriptum est, post culpam remissam, remanere pœnam temporalem, & contrarium non est scriptum. *Con-*

*)o(252)o(*
* *
CONTRORSIA XLIV,
De:

OPERIBUS SATISFA-
CTORIIS.
Catholica Doctrina.

POenæ temporales alterius vi-
tæ remitti possunt Jeuniis,
preeibus, eleemosynis, aliisque
bonis, & laboriosis operibus hu-
jus vitæ, sive spontè assumptis,
sive à Sacerdote injunctis. *Sed*

UBI SCRIPTUM EST?

R. I. Dan. 4. 24. *Peccata tua
eleemosynis redime, & iniquitates
tuas misericordiis pauperum.* Tob.
4. 11. *Eleemosyna ab omni pec-
cato, & à morte liberat.* Et huc
pertinent omnia opera miseri-
cordiæ.

II. Psal. 49. 15. *Invoca me in
die*

die tribulationis, eruam te. Et pro oratione est exemplum Davidis, qui hunc in finem præter Psal. 50. plures alios scripsit.

III. 2. Reg 12 16. *Jejunavit Dávid jejuniô. Joel 2. 15. Sanctificate Jejunium Ninivitarum. Et huc spectant aliæ afflictiones corporis, cilicia, flagella &c.*

IV. Job. 42. 6. *Ipsè me reprehendo, & ago pœnitentiam in favilla & cinere. Hæc sponte elegit Jobus.*

V. Matth. 18. 18. *Quæcunque alligaveritis, erunt ligata. Ex his concludit Conc. Trid. Sess. 14. Can. 15 Sicut Sacerdotes potestatem habent à culpa pœnitentes absolvendi; ita etiam ad*

ad certa pœnitentiæ op̄era alligandi, habere à LEO potestatem.

VI. 2. Reg. 12. David jejuniis, & precibus non potuit farisfacere pro morte filii, quæ erat pœna temporalis hujus vitæ, DEUS enim aliter statuerat, Vide de omnibus his Bell. hîc lib. 4. cap. 3. 4. 5. 6. & 9. ubi reperies SS. PP.

A catholicâ Doctrinâ.

POena tēporalis peccatorum, nullis operibus redimi potest; ait Calvinus. Lutherus verò admittit posse voluntariis pœnis, DEI pœnam mitigari, aut averti, non tamen per modum satisfactionis; & Ecclesi. m, ut Matrem posse filios suos iisdem impositis castigare, sed non pertinere

*)0(255)0(*

nere ad clavium potestatem. *Sed*

UBI SCRIPTUM EST?

NULLIBI

Corollarium per se.

CONTROVERSIA XLV.

De

INDULGENTIIS.

Catholica Doctrina

Indulgentiis à Pontifice, vel alio Ecclesiæ Prælato concessis, per applicationem Thesauri Ecclesiastici, scilicet infiniti, & inexhausti cumuli meritorum Christi, & aliorum Sanctorum in Ecclesia ad peccatoris solatium relictis pro pœna temporali peccatis actualibus jam remissis debita satisfieri potest. *Verum*

UBI SCRIPTUM EST?

R. Matth. 16. 19. *Tibi dabo
claves*

*)(256.)(*

*claves Regni Cælorum, & quod-
cunque solveris super terram, erit
solutum & in Cælis. Joan. 21. 17.
Pascere oves meas. His verbis, uti
ostensum Controv. 8. data est
Petro, & Successoribus summa
potestas in Ecclesiam, ejusque
membra, non tantum ligandi,
sed & solvendi, non solum à
culpa, sed etiam à pœna, vel
imponendo opera satisfactoria,
ut dictum est Controv: proximâ
de aliis Sacerdotibus ex illo
Matth. 18. vel aperiendo The-
saurum meritorum Christi, &
Eidelibus potestatem faciendò
in e sumendi, ut DEO pro pœ-
na debita satisficiant. Ità huc
utque sensit Ecclesia univ. rsa,
ut ex Extravagante *Urgenitus*
de Pœnis, & Remiss. patet. Nec
usus*

us est priscis ignotus: nam à
S. Greg. capisse Indulgentias
Stationum ait Toletus; & in
Concilio Nicæno Anno CCC-
XXV. datas Indulgentias cen-
sent non pauci apud Suárez.
Inò S. Thomas, & multi alii
judicant S. Paulum, incestuo-
lum illum Corinthium, quem
1. Cor. 5. excommunicatione
ligarat, & Sathanæ in pœnam
temporalem tradiderat, non so-
lum à vinculo solvisse, sed eti-
am per Indulgentias concessas
à pœna liberasse 2. Co. 2. 10.
ubi ait: *Nam & ego quod dona-
vi, si quid donavi, propter vos in
persona Christi, scilicet coram
Christo, vel vices Christi ge-
rens, ut plures explicant apud
Corn. à Láp.*

Ex eodem ostenditur posse
Ecclesiam Indulgentias conce-
dere, quas vivi possunt applicare
animabus in Purgatorio existen-
tibus, sicut alia opera, de quibus
suprà.

A catholicæ Doctrinæ.

Ecclesia nec pro vivis, nec
pro defunctis potest dare In-
dulgentias. *Sed*

UBI SCRIPTUM EST?

NULLIBI.

Corollarium per se

C O R O L L A R I U M.
C O R O L L A R I O R U M.

Quisque prudens, discretus,
quæque salutis amans sibi con-
sulat, ubi singula in hoc Libello
secundùm admonitionem initiô
positam legerit, & ponderarit.

IN-

I N D E X

CONTROVERSIARUM


Controversia præliminâris de unitate
Religionis.

1.	DE Traditionibus	pag. 12
2.	De Verbi DEI Interpretatione.	19
3.	De infallibili Scripturarum Interprete.	24
4.	De visibili Ecclesia	33
5.	De Ecclesiæ duratione	40
6.	De Infallibilitate Ecclesiæ.	46
7.	De Visibili Capite Ecclesiæ	52
8.	De Petro, visibili Ecclesiæ Capite	57
9.	De Petri in Primum Successore.	66
10.	De Infallibilitate Summi Pontificis	59
11.	De Auctoritate Conciliorum in Ecclesia	77
12.	De Clericatu in Ecclesia	82
13.	De Vocatione Ministrorum.	86
14.	De Ordinatione Ministrorum.	92
15.	De Celibatu in Ecclesia.	95
16.	De Consiliis Evangelicis.	101
17.	De Votis.	110
18.	De observatione legis Divinæ.	116
19.	De Peccatis actualibus.	124
20.	De Libero arbitrio.	131
21.	De Justificatione.	139
22.	De Incertitudine Justificationis.	148
23.	De necessitate bonorum operum.	159
24.	De bonorum operum merito.	165
25.	De Purgatorio.	174
26.	De suffragiis pro Defunctis.	181
27.	De Cultu SS.	186
28.	De Sancti Invocatione.	189
		29

I N D E X

29	De Sanct. Reliquiis.	190
30	De Imaginibus SS.	191
31	De Sacramentis.	190
32	De Baptismo.	201
33	De Confirmatione.	204
34	De Eucharistia, & presentia Corporis Christi.	208
35	De Presentia Corporis Christi extra usum.	217
36	De Communionem sub una specie.	221
37	De Sacrificio Missæ.	228
38	De Extrema. Unctione.	235
39	De Ordine.	237
40	De Matrimonio.	240
41	De Penitentia.	242
42	De Confessione.	244
43	De Satisfactione.	248
44	De Operibus satisfactoriis.	252
45	De Indulgentiis.	255

F I N I S.



1000000

1000000

1000000

1000000

1000000

Incien. Est.

63